




11 128

TESTACEOGRAPHIÆ
A C
ZOOPHYTOGRAPHIÆ
~~~~~  
TOMUS PRIMUS.

1-1-128





**PETRO. LEOPOLDO.**

**ARCHID. A. M. H. E. T. R. D.**

**SANCTISSIMARVM LEGVM CONDITORI.**

**QVIBVS.**

**ELIMINANTVR. SVPPPLICIA. CRIMINA. PRAECAVENTVR.**

**RES. AGRARIA. COMMERCIVM. BONAE. ARTES.**

**AMPLIFICANTVR.**

**FELICITAS. PVBLICA. SARTA. TECTA. CONSISTIT.**

**AMBROSIVS. SOLDANIVS.**

**IN. CAMALD. CONGREG. ABBAS.**

**QVOD. ORYCTOGRAPHICVM. EIVS. SPECIMEN.**

**HYMANISSIME. EXCEPERIT. ALACRIOR. FACTVS.**

**OPVS. HOC.**

**DE. TESTIS. ET. ZOOPHYTIS.**

**NATVRALIS. HISTORIAE. AVSPICI. SCIENTISSIMO.**

**IN. AETERNVM. GRATI. ANIMI. OBSEQVIVM.**

**D. D. D.**



TESTACEOGRAPHIAE  
AC  
ZOOPHYTOGRAPHIAE  
PARVAE ET MICROSCOPICAE  
TOMUS PRIMUS

IN QUO  
MINUTA ET MINIMA TESTACEA AC ZOOPHYTA  
MARIS NATIVA

IN TRES CLASSES DISTRIBUTA  
VASCULIS INCLUSA AENEISQUE TABULIS INSCULPTA  
DESCRIBIT ET EXPLICAT

AMBROSIUS SOLDANI

IN REGIO SENARUM LYCAEO MATHESEOS PROFESSOR.

ACCEDIT SUPPLEMENTI LOCO  
ANALYSIS MARINI SEDIMENTI EX DIVERSIS LOCIS COLLECTI.

Quae omnia novum veluti Musaeum conficiunt.



SE NIS MDCCLXXXIX. (Super. Perm.

IN TYPOGRAPHIA FRANCISCI ROSSI.

Prostat Florentiae apud Josephum Molini.

In his tam parvis, atque tam nullis, quæ ratio, quanta vis,  
quam inextricabilis perfectio! *Plin. lib. xi. cap. 2.*

# IN UNIVERSUM OPUS PROLEGOMENA.



**Q**UUM plurium Etruriz montium & collium varias ac multiplices componentes partes oculo etiam lente armato perlustrarem, sæpe in minuscultas vel minimas moleculas incideram (ex minimis enim maxima coalescunt), quæ revera organica corpuscula, vel etiam Animalium Marinorum sive Lacustrium aut Fluviatilium Exuviz vel Testæ videbantur. In qua sane organicorum corpusculorum indagine quum dubius hæreret animus circa eorum originem & naturam, in mentem venit Testarum hujusmodi descriptionem & icones in libris jam editis inquirere ut cum observatis conferrem. Verùm quum pauci sint Auctores qui de parvis Conchyliis agant, pauciores qui minimorum structuram & fabricam indicent; hinc ad oryctographicum illud studium peragendum absolvendumque, cujus specimen dedi in libro, cui titulus *Saggio Oristografico* &c., jam ab anno 1780 Senis edito, laborem sane improbum aggrediendum constitui, colligendi nempe ac in seriem redigendi, quo plura possem, organica corpora, Testas præsertim parvas & microscopicas; majoribus & grandioribus, utpote jam cognitis, omnino posthabitis atque rejectis.

En

En igitur summam operis, seu generalem ejus prospectum. Catalogum comprehendet bene plurium Corpusculorum Marinarum, Lacustrium & Fluviatilium tum nativorum cum fossilium, sæpe variis animadversionibus illustratum, & hunc quidem in duos Tomos distributum; quorum primus aget de Corpusculis Maris nativis; alter de Testis fossilibus tum Marinis cum etiam Lacustribus & Fluviatilibus. Huic illa accedet Appendix quæ ad calcem prostat Speciminis Oryctographici, de quo dixi, cum annexis tabulis æneis ibidem editis, quæ omnino ad rem faciunt, quum & ipsæ contineant parva & minima Corpuscula, & quidem hisce nostris recens detectis analoga. Quo fiet ut & major operi addatur perfectio, & ubi citanda occurrent conchyliæ ibi descripta, quæcumque in ipsis observavimus, præsto sint legenti & ad manus.

Unusquisque igitur ex prima Operis idea, & partium divisione facile videt heic exhiberi parvorum & minimorum satis uberem collectionem, in qua præcipue eminere debent Maris Testæ tam nativæ quam fossiles, quæ sibi mutuo lucem præbeant, simulque junctæ opus perficiant.

Ne vero tot ac tam variæ Marinarum Vermium Exuviz minutissimæ invicem confunderentur, aut evanescerent, ac etiam ut unusquisque pro lubitu suo sub microscopio eas conspiciere potis fieret, congruum omnino erat, ut hæc omnes in vitreis vasculis separatim collocarentur: quod quidem ita factum est, ut singula Volumina contineant vasa plurima, & hæc plures unius speciei vel varietatis Testas ad eum numerum aliquando qui non tam facile ad calculum redigatur.

Si quis vero curiosius inquireret unde nam potuerimus tantam organicorum corpusculorum copiam congerere, reponemus, fossilia quidem collegisse ex quibusdam terris Senensibus & Volaterranis, quas limum esse seu cœnum antiqui maris demonstrabimus in Tomo altero: nativæ verò ex fundo hodierni maris



ris non tamen profundiore, ejusque littoribus, & uberius ex Concretionibus Zoophyticis Mediterranei. Qua in re Lectorem monitum volo, Volumen posterius, ubi de fossilibus, si ratio temporis habeatur, antecessisse primum, in quo de nativis agitur; nam ea fere omnia, quæ in secundo continentur tum ad collectionem vasorum, tum ad fossilium declarationem spectantia jam ab annis 1784 & 1785 mecum ipse perpenderam, atque congefseram. Si itaque ordinem temporis, quo a nobis reperta sunt, sequi placuisset, fossilia nativis præire conspicerentur. Sed cur nativa prætulimus? Quia hæc, licet eadem utrisque sit genesis, observatu sunt commodiora, utpote quæ fossilibus præstant tum pelluciditate, tum etiam integritate. Accedit, quod præmissis nativis, rati ac fixi intelligebantur prototypi, cum quibus fossilia compararentur, ut omnimoda æqualitate detecta, communis origo certo innotesceret.

Sane non defuere, nec adhuc (proh pudor!) defunt, qui Conchylia in collibus vel etiam montibus nostri Orbis reperta Naturæ lufibus accensent, aut intra terram progenita comminiscuntur. Quod si circa grandiores Testas potuit ridicula hæc suspicio mentem nonnullorum invadere, cur non potiori jure suboriri dubium queat circa minimas ac microscopicas, quæ primo intuitu cum ipsis arenulis sunt tam facile confundendæ? Ut omnis igitur dubitandi occasio tolleretur, necesse erat, ut prius de nativis maris Testis ageremus, postea de fossilibus; quod duobus distinctis voluminibus perficiemus.

Dux interim præcipuæ rationes ad opus de minimis faciendum nos perpulerunt: prima, ut præter Conchylia majora, quæ tot jam præclara Cimelia per Europam illustant, penitus innotescerent etiam Testæ minores & minimæ, & alia organica maris corpuscula, quæ sua se parvitate observatorum oculis facile subtrahunt; atque horum omnium locupletissima collectio nunc primam prodiret. Altera ut ex minimis Exuviis maris na-

B

tivis

tivis bene perspectis, ex partes seu granula illa minima sæpe larvata, quibus montium etiam altiorum strata quandoque componuntur, melius cognoscere ac verosimilius de eorum generis philosophari nobis concessum foret.

Spectabilis utique, ac philosopho observatore digna jure censetur majorum Conchyliorum structura; at nec parvipendenda est fabrica Minimorum. Profecto non minus admirabilis apparet Natura in minimis quam in maximis, suntque partes in corpore animalium minimorum æque varix & implexæ ac in maximis, imo adhuc magis, quum, teste Plinio, *Rerum Natura nusquam magis quam in minimis tota sit*. Verum quoniam contemplari vermes in minimis Testis degentes ob imperceptibilem exilitatem non valemus, utique non incuriosum aut inutile censendum erit larvam saltem cognoscere, & externæ eorum figuræ ichnographiam & analysim tradere; quod quidem in hoc Opere perficiendum curabimus.

Sed cur larvam diximus? Vermium Ossa potiori jure vocanda erant. Porro involucra illa, intra quæ marini Vermes hospitantur, sunt vera & propria animalculorum ossa non secus ac illa, quæ nobis cæterisque animantibus majoribus competunt ac fulcimento sunt, hoc tantum discrimine, quod in hisce quidem caro mollesque partes superficiem constituent, in illis vero intrinsecus lateant. Sed de hac celeberrima quæstione, quæ tot illustrium Virorum animos in oppositas partes hucusque distraxit, non est hujus loci differere; hîc solum animadvertemus, Opus hoc nostrum in hac sententia *Osteologiam* potius *Marinorum Vermium* quàm *Testaceologiam* dici potuisse. Ex quo sane novum decus novamque dignitatem accedere nostræ huic Minimorum collectioni nemo est qui non videat. Plerique Historiæ Naturalis Cultores quum tanti faciant *Osteologiam* sive ossium scientiam, ut eam in animalium natura perspicienda non infimam, sed oppido nobilem & maxime necessariam putent, cur Testas, alias-

aliasque Marinorum Vermium exuvias, ipsisque Testis analogas colligere, describere, earumque icones tradere rem futilem & contemplatore indignam existimabunt?

Hanc porro minimorum notitiam ad oryctographiam Terræstris Globi, & ad plurium ejusdem partium, præcipue montium & collium, naturam intelligendam spectare, earumque cognitionem summo opere promovere omnes norunt. Etenim montes & colles nostri Orbis ex stratis lapideis vel terris solutis coalescunt; sed strata ipsa aut ex terra impalpabili, aut ex arenulis & granulis diversæ speciei, aut ex utraque substantia constant. Sæpe interim accidit, ut grana illa non sint nisi minimæ Testæ, Exuvizque Marinorum Vermium frequentius in calcareis, rarius in siliceis lapidibus inclusæ. Si itaque ignoretur natura horum corpusculorum, naturam etiam majorum partium, proindeque ipsorum montium & collium fabricam & originem ignorari necesse est. Nullum est fortasse validius argumentum, ut observat Janus Plancus, *ad maximas Orbis Terrarum revolutiones exundationesque comprobandas, nulla minus obscura magna ipsius Mundi vetustatis testimonia*, quàm ipsa Conchylia in montium stratis reperta. Hoc vero in minimis Testis potissimum habet locum; nam ubi nullum adest vestigium grandiorum concharum in altissimis montibus, adsunt sæpe Nautili, Hammonix, Orthoceratæ, Testæ plures globuliformes, earumque nuclei, & aliæ Marinorum Vermium exuviz, quæ utpote duriores etiam post myriadem variorum casuum, quibus obnoxia fuit Tellus, incolumes extiterunt. Dubitarunt nonnulli an præalti Apennini montes in Thuscia ex aquis marinis originem duxerint. Incerti adhuc essemus, ac sub judice lis penderet, si grandioribus Conchylis dirimenda relinqueretur; his enim, quæcumque extiterit causa, fere omnia carent Apenninorum strata. Contra, hæc ipsa sæpe redundant marinis corpusculis minimis in editissimis locis, ut in eo, cui nomen *il Forello* prope scaturiginem perennis

nis fontis, ex quo Arnus ortum ducit, & in ipsis rupibus Alvernæ montis, in illa ejus parte, quæ dicitur *la Penna*: ibi, inquam, vel integra apparent strata lapideo-calcarea aut arenaria, utraque aliquando conchylifera conchyliis minimis. Quo sane fit, ut jure merito Apenninos nostros, magna saltem ex parte, ab aquis olim genitos judicemus. Hujus rei plura dedimus argumenta etiam in Specimine Oryctographico; ideo ne videamur recoctam crambem proponere ab aliis afferendis superfedemus, eo magis, quia de exuviis marino-fossilibus ac montanis fusior alibi occurret sermo.

Quot insuper, cognitis minimis, facile resolvuntur dubia? Quot dirimuntur super plurium fossilium genesi aut natura quæstiones jamdiu a Viris doctissimis in utramque partem magno animorum æstu agitatæ? Sit exemplum. Disputatio de Oolitho lapide ex componentium inspectu, post institutam quarundam terrarum Senensium, & præcipue Sanquiricensium analysim, facile solvitur, ut alias ostendam. Sit alterum: Ex cognitis utique Testarum minimarum fossilium nucleis nova prorsus luce perfunditur quæstio de genesi plurium arenularum, quæ Philosophorum usque adhuc torfit ingenium. Sed mens nobis non est omnes omnino utilitates ex minimorum collectione & sedula observatione profluas in medium afferre. Attamen aliquam ex iis quæstionibus, quæ ad nativa spectant, paulo fusius attingere nec injucundum, nec a re absonum existimo.

Jam est nota quæstio inter Naturæ curiosos cur Cochleæ ac Turbinata sere omnia habeant os extimæ volutæ dextrorsum spectans; nam putant ita rara esse Conchylia ore sinistro prædita, ut quasi abortiva videantur; at nostra Turbinatorum collectio satis luculenter ostendit, sic opinantes Philosophos falso hucusque laborasse supposito; neque enim abortivæ sunt, nec ita raræ Testæ, ut dicunt, sinistræ; imo plures existere quam nemo unquam imaginatus fuerit, & has esse diversæ speciei, constan-

tique

rique illa proprietate donatas primum Operis caput ob oculos penit. Quæstio itaque ita deinceps est enuncianda: cur generatim Cochleis præsertim majoribus os dexterum, aliis vero præcipue minimis non infrequenter sinistrum Natura contulerit? Qua super re ignorantiam fateri mallem quam explicationem minus validis suffultam observationibus & ratiociniis obtrudere; Non enim nobis arident rationes, quibus Bonannius alique huic problemati tradere solutionem conantur.

Alia etiam suboritur quæstio, quomodo testæ Testaceis adveniant, & crescant; qua super re, multi multa dicunt & in varias abeunt sententias. At nostra minima Turbinata evidenter confirmant sententiam, quam vir philosophus & in historia naturali peritissimus Joh. Antonius Battarra in sua ad Museum Kircherianum præfatione tuerur his verbis: *Et sic concludam quoad Testacea, nempe quod eodem tempore, quo Testacci corpusculum efformatur, efformetur & testa; Et quamvis ex una mea observatione confectarium universale jure deduci nequeat, dicam tamen in Turbinatis hoc esse verum.* Quod si renuit Battarra tamquam universale deducere confectarium, ego vero ex observationibus mycrosopicis non vereor adferere, Testas ferme omnes in suo primo nativitatæ exordio esse perfectissimas quoad totius externi corporis configurationem atque structuram: & quamvis in aliquibus minimis Turbinatis non omnes omnino spiræ circumvolutiones præsertim mucroni viciniore nudis oculis pateant, ita tamen oculis vitro armatis se produnt, atque ita integra conchylia esse noscuntur ut nihil, præter magnitudinem aut colorem, ad eorum perfectionem decesse videatur. Sed cur in his diutius immoror? Plures sane non minus ad Philosophiam quam ad Historiam Naturalem spectantes quæstiones in decursu Operis prosequemur: multo autem plures fore spero ut ex hac Minimorum collectio-  
ne & explicatione acutiori ingenio præditi viri sibi enucleandas proponant.

Tan-

Tandem hoc nostrum de microscopicis opus vel ex hoc saltem spectabile videri poterit, quod per icones Insectorum Testaceorum a nobis traditas novum veluti & nunquam visum Naturæ spectaculum sæpe sæpius curiosis proponitur, in quo tam variaz patent in minimis figuræ ac structuræ diversitates, ut nemo unquam existimasset Naturam ipsam tam opulentam esse, ut potuerit etiam, in una eademque conchyliorum minutiorum specie tam admirabili variandi ubertate luxuriare. Exemplo sint præ cæteris pseudo-parasiticæ quædam Testæ polythalamiz, a nobis in Nautilorum & Hammoniarum vel his similium album relatz, quarum multas ære insculptas exhibemus in hoc primo Volumine varietates, at multo plures tradere potuissimus, nisi excreveret nimis opus. In his nescio an magis in testæ subitania, an vero in partium configuratione, aut in spiræ ipsius circumvolutione Natura luserit; testa siquidem vel pellucida est, vel opaca, sed summo levore prædita, vel papillosa papillis minimis, vel minutatim foraminulis quasi punctis adspersa: figura vel subrotunda est, vel tuberibus scatens longiusculis, & miro modo variantibus apophysis undique circumsecta: spira vero in his sæpe infra (qua parte planiusculæ sunt id genus Testæ, & extraneis adhærent corpusculis) visibilis, raro supra conspicua, aliquando intus per anfractus & sinuosas vias mirum in modum serpit, & dum omnino delitescit, corpuscula hæc ita reddit irregularia, ut ad ignota prorsus amandanda esse viderentur. Sed, ut paucis multa complectar, hoc unum juvabit animadvertere, per labores hos nostros, dum nova panduntur viventia corpora, Historiam Naturalem ditari; magis magisque (velint nolint vulgares homines) honorificari Auctorem Summum Naturæ Deum, dum nempe ejus admiranda manifestantur opera, atque oculis omnium subjiciuntur entia usque adhuc inobservata. Quibus omnibus delibatis, ad æconomiam nostri Operis redeo.

Quem-

Quemnam in distributione corpusculorum, præsertim eorum, quæ in primo volumine continentur, ordinem sequeretur, diu anceps fui: hæc sane major, quæ mihi occurrere potuit, difficultas: hæc quæ ab opere Testarum parvarum & minimarum conficiendo deterrebat. Nec fateri vereor, me nihil de minimis unquam scripturum fuisse, si de recta disponendi ratione nimis sollicitus, severam ac rigidam distribuendi methodum ab Auctoribus præclarissimis in majoribus definitam, ipsam unice præ oculis in minimis habuissem. Et re quidem vera, qui ordo esse potest in exponendis corporibus minimis, quorum alia prorsus nova, alia nec mihi bene perspecta aut cognita? Utar tamen, quoad fieri poterit, præcipue in describendis Testis turbinatis sive Cochleis, ea methodo, quam in sua Conchyliologia Gualterius proposuit, utpote quæ facilius visa est, & mihi opportunior præ Linnæana. Nec ratio desinit, cur eam negligereamus quam Muller invehendam optaret, desumptam scilicet ab animalculis Testas inhabitantibus; quænam enim Animalium eorumque proprietatum cognitio esse potest in minimis Testis, ubi vix ipsæ Testæ conspicuæ fiunt? Non quidem improbamus methodum Mullerii, aliorumque, qui recte ad cognitionem & distributionem Testaceorum totum animal advocant; dum nempe pro Testarum discrimine non habitaculi structuræ diversitatem, sed ipsius animati hospitis præcipuas partes in medium afferentes, tentacula in Testis univalvis, siphonem in bivalvis &c. tamquam veros propriosque characteres ac certas notas pro fundamento sui systematis adhibent. Verum quamvis hanc dignoscendi, describendi, ac distribuendi rationem & methodum pro Testis majoribus probemus laudemusque, tamen pro minimis persequi nullatenus possumus. Quomodo enim in minimis habitaculis patere nobis potest adhuc minus animal hospes? Quænam tentacula linearia, truncata, triangularia exerere nobis poterant animalcula minima in quibusdam Testis minimis Cochlearum,

Nauti.

Nautilorum, Hammoniarum, Hortoceratiorum &c? Profecto nulla. Igitur pro describendis Minimis, tum figuris & aperturis, tum etiam eorum natali loco præcipue inhaerendum est: donec cognitis perspectisque, si unquam fieri potest, animalculis sub testa degentibus, Testas ipsas & involucra melius describere, ac in ordinem accuratiorem redigere valeamus. Interim a sola configuratione partium externarum, præsertim in minimis, ratio divisionis erat unice desumenda.

Quanta vero patientia & industria opus fuerit in terris invenientis, lavandis, cribrandisque; quo labore in perquirendis separandisque, citra hyperbolem dicam, pluribus quam centenis millibus corporum minimorum ab aliis æque minimis ac microscopicis, nec ego pro rei veritate eloqui fatis valeo. Hoc unum addam, quod si quid boni aut novi in præsentî collectione continetur, hoc debetur non tam lenticulæ vitreæ, qua nempe usus sum ad distinguenda ac secernenda organica corpuscula a quicquiliis admixtis, quàm microscopio optimo, quod a summo artifice Adams Anglo constructum, mihi dono dedit pro sua in me benevolentia Clarissimus Dominus Hervey Comes Brystolli ac Episcopus Derryensis; hoc namque maxime adjuvit opus hoc nostrum atque perfecit, optime inserviens tum rimandis ac iterato contemplandis Exuviis minimis, cum etiam, quod summa rei est, depingendis delineandisque earum figuris.

Ex quibus vero locis erutz sint Testæ nostræ; qua ratione aut modo usi simus in separandis a limo maris nativo aut fossili minima corpora, indicabunt præfationes singulis capitibus appositæ, vel Testarum declarationes in vasculis habitæ, quas consulere necesse est. Interim animadvertendum, quod accidere facile potest, inter minima corpuscula sumi fragmenta Testarum, aut Zoophytorum pro ipsis Testis aut Zoophytis; hinc ad errorem quemcumque vitandum, nunquam uno tantum corpusculo contenti fuimus, sed plura præsertim microscopica simul

in



in uno eodemque vasculo recludenda collegimus, ut sic illorum facta ad invicem comparatione, naturalis pateret Testæ forma aut figura, magisque in propatulo foret, nostra hæc organica corpuscula esse a fragmentis quibuscumque diversa, & in sua specie, aut saltem in suo genere determinata; raro enim fit ut duo vel tria fragmenta inter se æqualia sint; unde si plura minima tum figura tum substantia perfecte conveniant, necessario sequitur, ut ad organica corpuscula sint amandanda, nisi fortasse spectent ad quasdam integras ejusdem organici corporis partes, quod ex aliis animadversis causis & circumstantiis detegitur.

Qua in re maxima opus est solertia ac diligentia, ne in judicio, quod de minimis sæpe proferendum est, in errorem delabamur. Etenim accidere aliquando solet, ut nobis occurrant quædam minima contemplanda, quæ primo aspectu videri possunt organica corpora, quæ reapse non nisi partes organicorum corporum sunt. Id satis luculenter probant particule seu filamenta columnaria, brevia, crystallina, exilissima, ad tertiam classem spectantia, quibus fortasse nil pulchrius exhiberi potest vitrea lenticula aut microscopio spectantibus. Ea quidem primum mihi conspicienti visa sunt organica corpora & forte ex genere Orthoceratorum, vel Tubulorum; at post diligens examen, inita præsertim comparatione inter quædam corpuscula in terris arenosis prope Senas olim inventa, & has marinas acus crystallinas, tandem compertum demonstratumque est, utraque corpuscula, nativa nempe ac fossilia, esse non testas sui generis integras, sed eas præcise partes, in quas naturaliter ac sua sponte resolvitur testa Pinnarum; hæc enim ita conformatur, ut constet ex filamentis brevibus, idest crassitiem testæ cœquantibus, & pelluciditate ac nitore crystallo similibus, conicis, vel cylindraceis, aut columnaribus, raro planiusculis, lævibus, vel elegantiori modo circumtortis, vel in longum canaliculatis. Quam sane veritatem confirmat ipsa quoque testa Pinnarum fossilium, quæ

moderato igne adusta in filamenta facile dissolvitur nostris nativis perfecte consimilia. Ex quo etiam obiter observandum, nativa maris corpuscula maxime illustrari posse per analoga fossilia, & hæc vicissim nativorum ope clariori luce perfundi. Equidem ipse mirabundus perspicuus memoratas minimas acus crystallinas in sedimento Portus Ferrarii unice inventas, neque eas cognoscere, neque certum judicium de earum natura proferre unquam potuissem, nisi prius in præfatis tophis Senensibus fortuito detexissem quasdam Pinnarum testas, & in earum vicinis plures veluti pilos recisos, non tamen flexibiles, breves, confertissimos, certe ab ipsarum Pinnarum resolutione ortos, ac nostris nativis acubus tam similes, ut nec ovum ovo, nec lac lacti magis simile esse posse videatur: sed de his fufius in secundo tomo dicturi sumus.

Sane in perquirendis, & examinandis minimis marinorum Vermium Exuviis, quantamcumque potui diligentiam exercui; neque ipsa fragmenta spernere in more habui, quum sæpe evenire soleat, ut ea quæ primo intuitu videbantur partes Testarum, aut Zoophytorum, attentiori deinde consideratione & adhibito microscopio revelentur Testæ integræ, vel integra Zoophyta, & ipsa, ut cætera Conchylia, in seriem digerenda. Quæ sane diligentia erat omnino necessaria; nemo enim inficiari poterit, plurima organica corpora, sive animalium exuvias in hoc opere contineri numquam antea Historiæ Naturalis cultoribus cognitæ, multoque minus perspectas. At quomodo nova & incognita detegere possumus, nisi per obvia plurima, & innumera, ut ita dicam, inutilia transeamus? Quis ad tot corpusculorum cognitionem illustrationemque nos pertingere posse crediderit, nisi successive procedendo per plurimas ejusdem speciei Exuvias, & post diuturnam, accuratissimamque ejusdem generis corpusculorum indaginem & contemplationem?

Neque tantum congerere plura in uno vasculo corpuscula,  
sed

sed eorum præcise numerum indigitare nobis summopere cordi fuit. De quo erit fortasse, qui nimis delicatulus nos reprehendet. Verum præterquamquod omnis quantumvis magna sollicitudo in perscrutandis declarandisque minimis nimia esse nequeat, *quum*, juxta Plinii sententiam lib. xi. cap. 2. *in contemplatione nature nihil possit videri supervacuum*, hac in re imitati sumus Naturam ipsam, quæ in gignendis quibusdam Animalculis hanc legem sequitur, ut quo in magnitudine parcior, eo major in numero sit; ita nos minima pertractantes, quo plura fieri potuit in singulis vitreis vasculis reposuimus, eorumque sæpe numerum supputavimus. Ratio insuper est cur numerum explicemus, ut nempe ex majori vel minori quantitate productionum quæ in illis habentur vasculis, major vel minor copia aut raritas dignoscatur. Si nempe in uno vase duæ vel tres tantum contineantur Exuvie, hoc indicio est, eas in mari vel in lacubus, aut in illisteris locisve unde fossiles eruuntur, esse vel raras vel rarissimas, quas proinde detegere aut colligere difficillimum. Si vero mille, decem millia, vel aliquando plura quam decies centena earum millia unum concludat vas, inferendum sane in iis locis ita affatim abundare hujusmodi productiones, ut modis quos sæpe indicabimus, cuique liceat plures integras Testas sibi pro libito comparare. Quoad nativas Testas exemplo esse possunt quædam Conchylia perfecte globuliformia, quæ apud nos audiunt *Spherula maris*, de quibus in cap. vii. primi tomi agendum est; neque enim, ut par erat, dignosci poterat harum Testarum in sedimento Portus Arimini latentium copia, nisi ex certo ac definito earum numero, quæ sub data quantitate illius sedimenti continentur. Hunc supputandi morem prosequutus est etiam Janus Plancus in suo libro *de Conchis minus notis*. Igitur in paucis uncis levioris illius sedimenti ad plurium millium numerum facilliter separantur id genus Sphærulæ, & facili quoque negotio supputantur: ex quo earum ubertatem inferendam cen-

femus. Ad ripas vero Tyrrheni maris admodum raræ sunt, ut si ex pluribus sedimenti libris unam vel alteram ibi colligere datum sit, pro prodigio haberi possit. Quod autem fossilia attinet, luculentiora hujus admirandæ feracitatis in terris nostris prostant monumenta quoad singula fere Testarum genera, ne dicam species aut varietates, ut fufius in secundo tomo dicemus. Accurata igitur in minimis numeratio nullatenus reprehendenda.

Cum igitur opus hoc nostrum de parvis & minimis agat, necesse erat, ut horum corpusculorum, nudis aliquando oculis invisibilium, comprehenderet icones, quas proinde a Cyro Sanctio viro diligentissimo, & in hac sculpendi arte peritissimo delineandas & exculpendas curavimus. Cui sane muneri, prout testis oculatus sum, ipse optime satisfecit, nihil in pingendo addens nihilque detrahens ex iis, quæ sub microscopio conspectæ Testæ apertius ostenderant. Et quoniam omnino necesse erat, ut Testæ magnitudo etiam naturalis appareret, hinc semper eadem vel è latere figuræ microscopio auctæ, vel supra ipsam ab eodem Artifice religiose adjicitur, quæ tamen non nisi styli apice, seu puncto minimo sæpe depingi potuit; imo nec ipso quandoque stylo utcumque acutissimo exprimi patiebatur, quum naturalis aliquarum magnitudo sit nudis oculis omnino inconspicua. Corpuscula vero tum verbis descripta tum iconibus representata, omnia in singulis vasculis eo fine collocata servantur, ut ea præsertim minima propriis quisque oculis sub microscopio contemplari possit, si lubeat.

Quisque vero vel in ipso Operis limine, etiam me tacente, percipiet, rem hanc de minimis brevi absolvi non potuisse, sed plurium annorum studio opus fuisse ad tam exiguum corpusculorum collectionem adipiscendam, explicandam, cudendamque. Est enim opus perdifficile minimas Exuvias invenire ac fecernere, difficilius eas in seriem referre, describere ac delineare: quæ proinde omnia perfici, &, ut ita dicam, ad umbilicum

cum perduci non nisi magna temporis jactura & labore potuerit. Accedit, quod nihil unquam magis nobis cordi fuit quam ut incorrupta omnia & genuina in hoc opere vulgarentur, ac prototypis suis optime respondentia: cujus rei periculum facere si quis voluerit, poterit; dummodo ea corpuscula novo examini subiciens, optimum, quo nos usi sumus, microscopium adhibeat.

Hinc si quis forte in tabulis, quæ prostant in fine libelli *Saggio Orittografico*, error irreperit, facile corrigetur, aut si qua icon, vel ob debilius microscopium, quod tunc ad manus erat, vel ob Testas fossiles diuturnitate temporis aliquando labefactatas, ibi fuerit minus accurate delineata, iterum instrumenti perfectioris ope ex maris nativis, & quidem recentioribus Testis expressa, vera ipsius facies & imago certa prodibit.

Porro Testarum, etiam in una eademque specie, plures sunt varietates, quarum nonnullas quidem dabimus; at si omnes & singulas tradere voluissimus, saltem duplo plures confieri Tabulas oportuisset ad eas simpliciter repræsentandas Testas vel ea Zoophyta, quæ in hac collectione comprehenduntur.

Profecto ex iis, quæ hucusque vel leviter delibavimus, facile per se ipsum lector intelliget, alterum Tomum ab altero discrepare tum quoad scopum quem spectant, tum quoad modum quo utriusque materia pertractatur. Primus quidem jejunam, ut ita dicam, Testaceographiam & Zoophytographiam continet. Alter vero tam arctis non potuit coerceri limitibus; nam quum præcipue versari debeat circa Analysim terrarum quas dicimus conchyliferas, quasque, spectata earum origine, partim lacustres partim marinas fuisse comperimus, necessario sequitur, ut Oryctologiam potius sapiat quam Conchyliologiam. Sed non est cur diutius hic detineamus lectorem; quidquid enim in primo tomo continetur exhibet Index infra apponendus: præcipua quæ in altero comprehenduntur Præfatio tomi illius satis indicat.

Suppe-

Supereſt igitur ut tantum præmoneamus lectorem ipſum, quod quum uterque tomus præter Teſtas habeat Zoophyta quædam minuta & minima ex eorum nempe genere, quæ a Philoſophis recentioribus *Plantanimalium* nomine merito inſigniri ſolent; vel etiam contineat alias ignotas produktiones, quæ videntur medium quaſi genus conſtituere inter Teſtas & Zoophyta; ideo ignota quoque ad hæc ultima referentes, noſtri Operis titulo hanc *Zoophytographia* vocem jure ſuperaddendam cenſuimus.

Ne quis denique ſibi perſuadeat me ſatis uberem collectionem corpuſculorum exhibentem, quodammodo exhaustiſſe minimorum provinciam; hæc tam late patet, ut neque exhauriri facile poſſit, neque certis limitibus coerceri; eaque proinde & illuſtrari adhuc poteſt, novaque in dies incrementa ſuſcipere. Nunquam deeſſe poterit in naturalibus inventioni locus, ſed ſtudioſis viris latior ſemper patebit campus (pro attentionis tamen & laboris modulo), in quo valeant novas ſemper produktiones detegere, minus nota corpuſcula colligere, ac rarioribus inventis Naturæ Hiſtoriam locupletare, juxta illud quod ait Seneca: *Sane multum illi egerunt qui ante nos fuerunt, ſed non peregerunt; multum adhuc reſtat operis, multumque reſtabit, nec ulli nato poſt mille ſæcula præcluditur occaſio aliquid adjuciendi.*

# PRÆFATIO

## IN TOMUM PRIMUM.

**Q**UONIAM posthabitis grandioribus Testis, utpote jam, ut observavimus in Prolegomenis, satis cognitis ac perspectis, totum hoc Volumen circa marina parva & minima organica corpuscula unice versari debet, necesse omnino est, ut ea in quasdam veluti classes aut ordines ratione magnitudinis dividamus, ut inde pelagicas producciones, quæ præsentem collectionem constituunt, facilius possimus in seriem redigere.

Testas itaque & alias in hoc Opere distributas organicas moléculas divido in Minusculas (aliquando præmitto grandiusculas, dum nempe accuratiori opus est divisione, ut in Turbinatis Testis & aliis varioribus corpusculis accidit), Medias, Microscopicas, & Minimas, seu, quod idem, prorsus Microscopicas. Voco Minusculas, quæ triticei grani magnitudinem circiter aquant; Medias quæ milii grana æmulantur; Microscopicas, quæ per foramina ope communis acicula charta inflicta transeunt; Minimas quæ per foramina solo apice acicula minima folio chartaceo impacta sibi aditum parant. Quæ tamen divisionis ratio non ita stricte accipienda est, ut unaquæque classis semper individuis æqualibus coalescat, sed sufficit ut singule species Testarum aut Zoophytorum a grandiusculis vel minusculis ferme æquali magnitudinis gradu ad minimas usque successive decrescant. Hæc partitio visa est omnino necessaria, primò, ad singula corpuscula clare nitideque microscopio conspicienda; nam si majora cum minimis

in eodem vase admixta forent, plura ex iis inconspicua redderentur. Secundò, ut facilius in iconibus exprimantur, & sic expressa commodius a ceteris distinguantur. Tertiò, ne plura simul in eodem vase inclusa confundantur amittanturque, quod sæpe in Turbinatis evenire solet, dum minima in minuscula se se insinuant, & in eorum cavitatibus delitescunt. Sed jam ad ipsa colligenda corpuscula gressum facientes, obiter videamus, quæ nam sint loca a marinis animalculis frequentata.

Plura sunt in mari loca, ex quibus extrahi possunt marina Corpuscula. Primus quidem locus qui uberiores copiam ministrat, est sinus maris profundior, atque a ripis, & præsertim fluminibus quæ aquam pluviam cum arenulis, lapillis, glareisque ad mare deferunt, quo fieri potest, remotior. Hinc Portus Liburni scatet quidem marinis productionibus, sed magis abundat Portusferravius in Ilva Insula; omnium vero feracissimus Portus in insula dicta del Giglio; quum enim marinorum Vermium Exuvie plerumque lateant in limo maris, consequitur, ut quo major limo ipsi inest portio terra fere impalpabilis, eo major esse debeat copia marinorum Vermium, quo autem magis ibi abundant arenule, eo rariores sint, cæteris paribus, Testæ. Huc accedit major difficultas separandi marina corpuscula ab arenulis quam a cæno seu terra pura impalpabili, cum hæc per cribrum setaceum, seu etiam per pannum laneum rariusculum vulgo scoto transire facilius possit. Quum igitur quidam limus maris profundior aliquando constet non ex arenulis, sed ex minimis Exuviis ac terra sæpe bituminosa, sane fit, ut si in aqua dissolvatur, ac subinde aqueo-limosa substantia per laneum pannum prædictum cribretur, omnis terra calcareo-bituminosa, aut si quæ alia sit impalpabilis, per panni poros transeat, Exuviis marinis etiam minimis panno interim adherentibus; quæ, si in aqua pura iterum diluantur, non parvam puriorum corporum magna ex parte organicorum massam ab arenulis naturaliter expurgatam præbunt.

Alter est locus, seu secunda horum marinorum sedes inter Concreciones Zoophyticas, vel, ut ajunt, Lithophyticas, corallinas nempe,  
subu-



*tubuliticas &c. sub mari ad scopulos precipue inherentes; vel in fundo concretas; sunt enim in pelago plura Animalculorum genera forte Zoophytorum, vel, ut cordatiorum virorum fert sententia, cui etiam libentissime subscribo, Plantanimalium, quae inter se diversis modis implexa, ac implicata sunt cum aliis Testis innumeris; haec profecto omnia simul, vulgo audiunt Gruppi di mare, & Matrici del Corallo; suntque saepe lapidea, super quibus Madrepore, Retepore, Corallia, ac Tubuli tum intus vacui, tum solidi &c. communiter gigni solent. Quae quidem concrectiones a Coralliorum piscatoribus in Mediterraneo, praesertim prope Africana litora, ope retium aut palancrisium a scopulis sub aqua maris delitescentibus divelluntur. In harum Concrectionum meditullio & anfractibus, intra ipsos etiam vermiculos, vel circa solidos, quibus adherent, ramulos Zoophytorum, tamquam in locis sibi propriis viventes degunt plures Marini Vermes Testacei, & quidem rariores, qui alibi omnino desiderarentur, quique hujus Collectionis precipuam partem constituunt. Si itaque primo latentur integra concrectiones, quadam leviores & exigua Vermium Exuviae innatabunt aquae: quod si deinde diffractis ac successive comminutis concrectionibus, particulae ipsae aqua iterum diluantur, marina corpuscula vel in aquae superficie consistent, vel in fundo inter particulas graviore laticabunt hinc separanda.*

*Quantvis vero ferme omnes, quae in hoc volumine habentur, Teste ac produktiones ex Mediterraneo sint, tamen non est reticendum, quod in Portusferrario cum essem, nonnullas mihi comparavi Concrectiones, ut ajunt, Corallinas, quarum plures ex suo Museo dono mihi dedit egregia Faemina & in Historia Naturali pererudita Rosa Pescetti Florentina tunc ibi degens. Verum quum hujusmodi Concrectiones ex diversis & quidem mihi ignotis locis advektae fuerint, verisimile admodum est, aliquas perpaucas Testas aut Produktiones ex iis, quae hujus Voluminis Collectionem conficiunt, non ex Mediterraneo esse, sed potius exoticas, aut saltem ad Oceanum spectare. Ratio dubitandi desumitur ex Vase 37, in quo Buccina prorsus minima continentur substantia ita*

compacta, & coloribus tam variis iisdemque vividissimis prædita, ut id genus Testas nostri maris indigenas vix crediderim.

Tertius locus est ripa maris, seu litus, ad quod per ipsius maris undas, præcipue sæviente tempestate, varia quisquilia pelagica leviuscula, vel etiam terrestres, fluviales & lacustres uberius parciusve appellere solent, ac in ipsa superficie sparsim vel coarctatim cum arenulis & lapillis consistere. Qua in re duo præcipue consideranda veniunt: primum, quod non omnes maris Testæ ad litora communiter deferri soleant, non ea, quæ petrobriis adhærent, nec quæ in fundo maris nascuntur ac vivunt, sed quæ ex natura sua libere per undas huc & illuc feruntur, & ob specificam, quæ cæteris præstant, levitatem, facile a marinis jactantur fluctibus & in litore deponuntur: ex quo sane fit ut aliquæ Conchyliorum species frustra ad maris ripas conquirerentur: excipe tamen litus unum Ariminense, de quo paulo infra dicendum. Secundum, quod rivuli, flumina, ac plerique lacus suas in mare exonerant aquas, & cum illis pene innumerabiles Testas in viciniam litoris deferunt, ad illud necessario tandem aliquando deponendas: quæ tamen Testæ, ut ita dicam, maris extraneæ ad duo præcipue, Turbinatorum nempe atque Bivalvium, genera referri solent, ut fufius in Secundo Volumine differemus. Hinc est quod in litoris sedimento tam confusa & implexa jacent Conchyliæ maris cum Testis Fluvialibus, aliisque, ut ad certam marinam collectionem perficiendam nimis dubius esse debeat locus in litore, præsertim aquis dulcibus viciniore. Quibus positis, si quis a nobis exquireret, quemnam ex his locis ad comparanda marina Conchyliæ parva & microscopica aptiorem censeamus; absque ulla hesitatione respondemus, multo aptiorem ac ditiores præ cæteris, ne dicam unice necessarium, esse locum inter Concretiones Zoophyticas ac Lithophyticas, ut quisque per se ex hoc ipso Volumine intelliget, quin opus fuerit plura in id verba profundere.

Hac tamen Testarum inopia non aque omnibus litoribus convenit, sed iis præsertim, quæ mare Inferum alluit; nam alibi alia, quamvis non ita frequenter, occurrunt litora, quæ nostris multo ditiora sunt.

Inter

Inter ea principem locum obtinet litus Arimini, cujus sedimenti quintam uncia partem quam anno elapso mihi examinandam dedisset Cl. Regii Physices & Historia Naturalis Musei Florentini Praeses, & S. R. I. Eques, Felix Fontana, statim persenseram, illud sedimentum praeteris omnibus per me hucusque expensis summa esse Conchyliorum ubertate refertum, ut etiam Janus Plancus olim adverterat. Et re quidem verita, plures habet Conchulas, Nautilos, Hammonias, Orthoceratia, aliaque Conchyilia polythalamia, item Frumentaria, atque, inter cetera, innumeras pene dixerim Sphaericas Testas minimas. Quibus tamen in praesentia praetermissis, circa unam tantum Hammoniarum speciem paucis, apertisque, quod sentio, verbis offeram. Sunt qui dubitant an praefatus Plancus in sex uncis sedimenti ex litore Ariminensi excerpti sex millia & septingenta numeraverit Ammonis Cornua, quae ipse vocat vulgatissima, prout testatur in libro de Conchis minus notis capite secundo. Nos interim observamus, Primo, non omne in litore sedimentum aequae esse corpusculis marinis redundans, sed pro diversitate locorum, temporum ac tempestatum &c. diversam esse Conchyliorum copiam: Secundo, sedimentum illud non esse quidem ex ditioribus, ut ex ipsa cum illo admixta arenularum quantitate patere arbitror: Tercio, nos ex praefato sedimento collegisse Nautilos & Hammonias numero 300, ex quibus 160 Hammoniae erant vulgatissime. Si igitur ex quinta parte illius sedimenti Ariminensis nos ipsi secernere potuimus Hammonias numero 160, consequitur ut, facta proportione, sex uncia Hammonias quatermille & octingentas continuerint. Quibus positis; cur a vero aberrasse dicendus est Plancus, dum maris Ariminensis sedimentum ex situ Conchis, Cochleis, ceterisque Testis praedivite seligens, tantam sibi comparasse Hammoniarum copiam fidenter asseruit?

Ordo vero, quem sequi in distributione Corpusculorum in hoc Volumine comprehensorum mihi proposueram, ille est, quem & simpliciorum, & simul ad exprimenda parva & microscopica magis idoneum existimaveram; pra oculis semper habens, non tam quamdam methodum his in rebus a Conchyliologis praefinitam, quam earundem Testarum ma-

gnitudinem, ac varietatem, eamque præterea notitiam, quæ super his plus minusve Philosophis infidet. Quare minuscula parvis, & parva exilissimis plerumque præferimus; & prius quidem de minus ignotis, mox de iis quæ incomperta omnino sunt, generali quadam lege nobis agendum proponimus. Hinc omnia quæ in hoc Volumine continentur, organica corpuscula in tres veluti Classes generales distinguere, non quidem absque ulla causa, placuit; nam habita ratione ad quosdam præcipuos characteres & notas, quibus inter se Conchyliæ maris, præsertim minima, distinguuntur, partiri ea possumus in Univalvia Unilocularia, quæ primam Classẽ constituent; in Univalvia Multilocularia, quæ secundam; ac tandem in Multivalvia, Dubia, ac Zoophyta, quæ omnia Classis tertia complectetur.

Alia insuper adest ita dividendi ratio; quum enim inter infinita propemodum, quæ nostris obversantur oculis, maris corpuscula, alia sint ita Historiæ Naturæ Curiosis comperta, ut ea ad certa saltem genera referri possint, (quantvis plurima eorum species, pluresque varietates nobis & fortasse aliis prius essent prorsus incognita), ut sunt Testa turbinata sive Cochlea, Patella, Tubuli, ac Vermiculi; quumque ex his plura in majoribus, ut ita dicam, prototypis suis præstantissimi Auctores in libris in vulgum editis vel descripserint, vel utique illustraverint; hinc ea corpuscula, quorum perspecta quidem genera, sed minus notæ sunt species aut varietates, ad cognitæ grandiores Testas quodammodo spectantia, aut cum iis facili nexu conjuncta, ad primam Classẽ referenda esse duximus.

Alia succedunt maris corpuscula, quæ quum peculiarem sæpe polythalamicam habeant figuram; quum pleraque ex natura sua ad maiorem molem, ultra eam, quam dicimus minutam aut minimam, excrescere augerique non possint; quumque exinde nos nullam earum imaginem aut ideam possumus ex majoribus mutuam adipisci; quum denique vel novæ sint, vel, exceptis paucis, a nemine hucusque descriptæ ac per vulgata; opere pretium erat, ut specialem locum & ab aliis distinctum obtinerent, & secundam Classẽ conficerent. Hec, præ  
ceteris

ceteris ditior, continet Nautilos, Hammonias, iisque similes Testas, quas proinde dicimus Nautiliformes & Hammoniformes, Orthoceratia, ac novissime quadam Conchylia minima, plerumque pellucida, aut saltem maximo levore predita, Multilocularia vel etiam Unilocularia, atque in externa configuratione tam varia, ut fere singula queant diversas species aut saltem varietates exprimere. Hac si lector in iconibus contempletur habebit sane quod in minimis summo opere demiretur.

Adjunt denique & alia maris corpuscula, in quibus si aut colorem, aut partium structuram, aut etiam substantiam & naturam spectes, insigniter a precedentibus differunt: & quoniam praeceteris omnibus sunt aut varia aut nobis adhuc minus nota, amandanda omnino videntur ad tertiam classem; haec siquidem praeter Conchulas bivalves, & Echinus, eorumque aciculas minimas, comprehendet Frumentaria, alia quadam Ignota, ac Zoophyta parva, eorumque partes.

Ex his vero tribus Classibus secunda habenda est pretiosior ac maxime commendabilis; primo, quia rariora ac pulchriora continet; secundo quia omnia habet pure marina, nihilque commune cum iis quibuscumque Testis, quae in aquis dulcibus aut semisalis nata, alta, aut quomodocumque enutrita, a pure marinis multum discrepant; quum interim nunquam ex iis quae in secunda Classe continentur, vel una a me reperta sit Exuviae lacustris aut fluviatilis, neque inter fossilia ejusdem originis, nempe in terris quae a lacubus aut a fluminibus suam primam originem sortiuntur, sed maxime inter Concretiones Zoophyticas. Quod si harumce Testarum nonnulla, ut sunt Uniloculares sphaerica vel globose, inter quorundam litorum arenulas latent copiosissime, id ex eo forte accidit quod ejusmodi Exuviae praeceteris aliis ejusdem magnitudinis sint leviores; vel quod per mare vagantes facilius deferantur ad ripas; vel quod sint quadam maria aut ejusdem Maris loca, in quibus, ob aqua minorem quam in ceteris altitudinem, in fundo latentes quisquiliae facilius agitata sublevantur, ac sevientem tempestate ad litora propelluntur; aut denique quia tanta est earum Testarum in quibusdam maris plagis viventium copia, ut litora quoque

que propinquiora redundare illis oporteat; dam interim alie hujus Classis *Exuvie*, exceptis *Hammonii* & *Nautilis* quibusdam striatis, plerumque in litore desiderentur.

Recta denique methodus exigere videbatur, ut seriem corporum minimorum pracederet quadam generalis *Analysis*, seu totius in suas partes divisio, marini scilicet sedimenti, ex quo excerpta sunt ipsa corpuscula; quod in primo Capite peragere in animo nobis erat. Sed mutata deinde sententia hanc ipsam *Analysim*, supplementi seu coronidis loco ad presentis Voluminis calcem rejecimus, hac potissimum ratione ducti ne vel ab ipso operis exordio radio afficerentur *Lectores* diutius detenti in jejuna descriptione corpusculorum, quæ alias nondam cognita, aut perspecta per icones supponuntur. Quod si quis voluerit quamdam generalem ideam adipisci tum sedimenti latentis in sinu maris, tum etiam ejus quod oritur ex disfractis Concretionibus Zoophyticis, aut illius quod est in litore, prius supplementum, seu tria ultima Capita cursim perlegat, eo præsertim fine, ut agnoscat diversas variasque methodos *Conchylia* præsertim minime a limo vel ab arenulis separandi: mox libri exordium repetens poterit ad primum Caput & ad seriem corpusculorum, eorumque explicationes & icones contemplandas instructior accedere.

## I N D E X

## R E R U M

QUÆ HOC VOLUMINE CONTINENTUR.

## CLASSIS PRIMA

TESTÆ UNIVALVES NON POLYTHALAMIÆ.

- Caput I. Cochleæ, cum quibusdam earum Operculis; ubi de Turbinibus, ut dicunt, sinistrorsum versis.
- Cap. II. Patellæ, Auris Marina, aliæque Testæ Univalves in se complicatæ.
- Cap. III. Testæ Tubulicæ, ac Vermiculares, etiam cochleatæ pseudoparasticæ.

## CLASSIS SECUNDA

TESTÆ POLYTHALAMIÆ, ET UNILOCULARES MINIMÆ.

- Cap. IV. Nautili & Hammoniz.
- Cap. V. Exuviz Marinorum Vermium Nautiliformes & Hammoniformes, seu Nautilus & Hammonis perfimiles.
- Cap. VI. Orthoceratia diversæ speciei ac formæ.
- Cap. VII. Testæ Multiloculares, vel Uniloculares minimæ, pleræque vitreo-lucidæ; figura cordiformes, globosæ, subglobosæ, globuliferæ, item ovales, piriformes, fusiformes &c.

CLAS-

# CLASSIS TERTIA

TESTÆ BIVALVES, SIVE CONCHULÆ; ITEM ECHINI;  
FRUMENTARIA; CORPUSCULA MARIS DUBIA;  
AC ZOOPHYTA.

- Cap. VIII. Testæ Bivalves, sive Conchulæ; ubi de Echinis, eorumque Aciculis minimis.
- Cap. IX. Frumentaria diversæ speciei ac formæ.
- Cap. X. Corpuscula maris Dubia & Incerta: item Zoophyta vel Lithophyta quædam, eorumque partes.

## SUPPLEMENTUM

ANALYSIM CONTINENS MARINI SEDIMENTI.

- Cap. XI. Specimen Analysis sedimenti, quod prostat in fundo maris.
- Cap. XII. Analysis Conchacei ac Zoophytici pulveris, seu minorum fragmentorum, quæ ex diffractis ac comminutis Concretionibus Zoophyticis & Lithophyticis oriuntur.
- Cap. XIII. Sedimentum litoreum Tyrrheni Maris, & Ariminensis examini subijcitur; ubi de Arenulis.

CLAS-





*(Prof. Santius)*

# CLASSIS PRIMA

## TESTÆ UNIVALVES MONOTHALAMIÆ



### CAPUT I.

COCHLEÆ, UBI DE TURBINIBUS, UT DICUNT,  
SINISTRORSUM VERSIS.

**T**Estæ in turbinem conformatae usque adeo notae sunt Conchyliologis ac Viris in Historia Naturali peritis, ut supervacaneum sit verbis pluribus illustrare. Hoc tamen quamvis de Conchis grandioribus, quae in hodiernis Muscis venustiorum partem constituunt, ratum exploratarumque sit, non ita de parvis aut minimis sentiendum est; siquidem Conchyliologi celeberrimi Testas grandiusculas hucusque describentes, ac nitidis iconibus depingentes, parvas quidem vix attigerunt, mycroskopicas verò praesertim marinas vel omnino neglexerunt. Putarunt aliqui Testas minimas easdem prorsus esse cum maximis, quod falsum est; illae enim Testae quae ad grandiore perveniunt magnitudinem nunquam solent inter minimas reperiri; neque minimae aut mycroskopicae ad molem grandiuscularum assurgunt. Inter animalculi cujuscumque ortum & maximum incrementum suos statuissæ vide-

E

tur Natura limites quos transgredi non permittit. Hinc Porcellanae vulgares Gualterii, Cochleae piriformes, cassidiformes, item Murices, Purpurae, & aliae sexcentae Testae quae grandiores sunt, frustra inter minimas quaerentur. Ex opposito quaedam marinae Nuces seu Porcellanae Vasis 6., quaedam Buccina, Turbines praesertim minimi ore posito sinistrorsum incedentis Animalculi, quaedam Cochleae Vasis 119, & 120, & alia ferme omnia Turbinata, quae sunt in hac collectione mycoscopica, nunquam parvorum molem superant. Nostrae itaque Testae sunt a grandioribus non tantum magnitudine sed etiam figura saepe diversae; proindeque non inutile fore duxi ex his plurimas non satis notas, declarationibus & iconibus illustrare. In novissima quidem Argenvillerii editione Parisiensi multae designantur Testae minusculae, sed ita confuse & inconcinne ut corpusculi figura aut fabrica non satis pateat. Nos itaque minusculas ac minimas Testas praecipue maris nativas, quas differre quodammodo vidimus ab illis quas Conchyliologi delinearunt, insculptas damus in nostris tabulis; animadvertentes, ex his nonnullas praefertim minimas & mycoscopicas fuisse hucusque ignotas omnibus, penitusque incompertas. Notandum ultimò est Conchyliis in fundo maris latitantia, ejus praecipue quod a littore lacubus & magnis fluminibus remotius est, ut in *Portuferrario*, apud Iosulam dictam *del Giglio*, & ea maxime quae intra concreciones zoophyticas concluduntur, vere & proprie esse marina: ex iis vero, quae in littore maris Thusci leguntur, aliqua esse lacustria aut fluviatilia a maris undis ad ripas delata, ut in l. d. *Castiglioneello*, & apud alium *la Follonica* observare est, de quibus consule Vas 31. 32. & 33.

Inter minusculas ac minimas turbinatas marinas Testas prae cacteris omnibus frequentiores videntur Turbines, qui, ut norunt omnes, os habent positum ad dexteram incedentis animalculi. Verùm apud nos sunt plures quam quadringenti Turbines ore ad sinistram verso, & volutis contrario modo excurrentibus (Vas 64 & seq.), secus ac in caeteris Cochleis ferme omnibus evenit. Quod igitur veluti quid abortivum aut portentosum putarunt Conchyliologi, in hac Collectione apparet vulgarissimum, quodque erat summe rarum in magnis Conchyliis, modò in minusculis & minimis frequens est. Qua in re tria consideranda veniunt. Primò duas tantum Turbinatorum species olim Conchyliologis fuisse notas, quae os habeant posum ad sinistram incedentis animalculi, nempe Buccini cujusdam fluviatilis, de quo Gualterius Tab. 5. lit. O. P., & quorundam terrestrium Turbinum, quos idem iodicat Tab. 4. lit. C. D., iterumque recudit Cl. Battarra in Museo Romæ edito anno 1782. Tab. 2. in fine. Novissime plures refert Mul-

ler Cochleas sinistrorsas, sed omnes terrestres aut fluviatiles. Nullas vero marinas Testas hujusmodi proprietate gaudere censent Conchyliologi, ut animadvertit praefatus Gualterius in declaratione Tab. V. Indicis Testaceorum his verbis; *notandum quod nulla Cochlea marina (quod sciam) hucusque observata fuerit, quae a dextra in sinistram convoluta sit.*

Secundò patet ex observationibus meis pluries ac diligentissime iteratis nullam aut fere nullam Turbinatorum speciem marinam inveniri, praeter Turbines proprie dictos, quae ore ad laevam posito gaudeat; non Buccina, non Strombos, non Murices, nec alias hujus generis Testas, in quibus omnibus os ad dexteram constanti lege Natura collocavit. Est quidem in hac collectione unum vel alterum Buccinum sinistrorsum: sunt & aliae Cochleae vel depressiusculae, vel ammoniformes, de quibus infra dicendum; sed haec praeter quam quod non omnia certò constet esse marina, haberi profecto debent tamquam rarissima, nec ullo modo cum numero sinistrorum Turbinum comparanda. Cur autem praecipue Turbinibus sinistrum os & anfractus contrarios Natura contulerit, Conchyliologis discutiendum relinquo; hoc unum animadvertens, id non esse naturae lusum, sed certam legem, qua nonnulli Turbines hac dote praediti in sua specie determinantur, Turbines nempe papilloso aut striati, testa crassiore, opaci, colorati, ore angusto brevior, & ab eo, quod habent ceteri Turbines, non nihil diverso, prout eorum iconibus in propriis locis videre est. Qua de re consule Vas 66.

Dubium quidem movet Cl. Otho Frid. Muller in sua Vermium Terrestrium & Fluviatilium Historia altero Volumine pag. 156, *an sinistrorsae Cochleae sola circumvolutione a dextrorsis diversae sint.* At si iudicium hac in re meum interponete unquam liceret, equidem nihil cunctarar assere Cochleas, ut ajunt, sinistras, si de marginis praesertim Turbinibus sermo sit, non tantum orbium vel anfractuum circumvolutione differre, sed species omnino diversas conficere; cuique enim vel leviter intuenti septem posteriores icones Tabulae octavae, ac quatuor priores Tabulae nonae, vel etiam primam & octavam Tabulae undecimae statim observantur tot in structura labiorum, oris, colli, columellae, ac caeterarum partium varietates, ut per se quisque facile dijudicare possit hos sinistros Turbines a ceteris omnibus hucusque notis Turbinibus essentialiter & per varias species differre. Nullum insuper Turbinem dexterum invenio, qui perfectam cum hisce sinistris similitudinem sortiatur, neque sinistrum reperio, qui cum tot dexterorum miradibus sedulo expensis omnino in partium configuratione conveniat. Quod dictum velim etiam de Cochlea Tabulae 17 lit. P, ac de duabus sub lit. P & Q Tabulae 22, quas marinas esse autumo, cum omnes ex concretioni-

uberrime suppeditantibus, facile nobis erat eas ex Fossilibus supplere varietates, quae in nativis fortasse desunt. Verum Cochleae vel Turbines fossiles, marinae saltem originis, vix ullam novam speciem, aut varietatem nobis hucusque praeberunt, cujus oporteat iconem in Tabulis secundi Tomi exhibere. Res igitur de Turbinatis hęc complenda erat, vix alibi iterum refricanda. Sit itaque.

## VAS I.

Tab. 1. A.

Nuces marinae minusculae, Testae quae internam fabricam in se colligunt, spiram occultant, vasculosae, ore in extremitate satis parulo, prorsus laeves, albae, vel, ut earum fert natura, satis lucidae. Una ex his exprimitur Tab. 1. lit. A. Rarae in Portu Liburni, minus rarae ad Portum Ferrarium, & in littore maris Thusei in l. d. *Castiglione* ad duodecim circiter millia a Portu Liburni flumen *Cecina* versus.

## VAS II.

Tab. 1. B. C.

Nuces marinae minusculae, longocylindroidae, graciles, ore longitudinali arctiore, minus ventricosae quam praecedentes, umbilicatae, spira latente in umbilico amplo, & oris labio veluti in acutum desinente. Sunt ex natura sua perquam nitentes, sed aliquando albo-calcarae, aliquando subviridibus vel etiam subrufis sparsis maculis in corpore ornatae. Sunt rarae in sedimento maris ad Portum ferrarium.

## VAS III.

Nuces marinae mediae magnitudinis, ac lenticula vitrea conspiciendae. Sunt ut praecedentes, sed illis multo minores. Ibi.

## VAS IV.

Tab. 1. D. E.

Nuces marinae ferme microscopicae, cylindroidae: aliae sunt perfecte laeves, lucidae, in extremitate spira in umbilico non nihil latente: aliae sunt in longum densissime striatae, spira tamen satis visibili in plano posita; ac saepe desinunt in os labio uno rotundato. Nescio an ab aliis Conchyliologis descriptae hucusque fuerint. Ibi.

## VAS V.

Tab. 1. F. G.

Nuces marinae, seu Testae, ut inquit Gualterius, *Vasculosae quae internam fabricam occultant*, nullam vel fere nullam spiram extrinsecus ostendentes. Sunt minimae, ideo microscopium requirunt. Sunt ex his aliquae, quae quum a praecedentibus differant insculptae prodeunt sub lit. F. G. Ibi.

## VAS VI.

Tab. 1. ff. gg. hh.

Nuces Marinae, quarum una fere microscopica, albissima, singularis formae, cui loco spirae vel umbilici in extremitate inest appendix rotunda, ut exprimit lit. ff. Altera prorsus minima valde elongata, ore amplo aperto, figuram praeseferens ab aliis di-

quae verò carneum eolorem exhibent vel diversimode fulgent, sunt delectae ex littore maris l. d. *Castiglioncello*. Ad milii magnitudinem nunquam pertingunt.

## VAS XV.

*Tab. 2. e.*

Cochleae cylindroidae minusculae laeves, ore elongato subovali, labiis rectis, quinquivolutae, spira ad os maxima, ceteris minoribus in mucronem fere acutum desinentibus. Ibi rara.

## VAS XVI.

*Tab. 2. f.*

Buccina minuscula testa lucidissima, crassa, maculis rubescentibus depicta, quibus inter se quammaxime differunt, corpore laevi, saepe in longum tuberculato vel canaliculato, ore in acutum desinente, raro integra. Ibi.

## VAS XVII.

*Tab. 2. g.*

Buccina grandiuscula, ore aperto in canaliculum brevem desinente, testa crassa, laevi, vel levissime in gyrum striata, & corpore seu turbine in longum canaliculato, canaliculis profundis, & in unaquaque spira fascia vel maculis vinosis pulcherrime colorata, pellucida vel opaca: testae crassitie, luciditate ac maculis vix differunt a praecedentibus. In l. d. *Castiglioncello* in littore maris Thusci.

## VAS XVIII.

*Tab. 2. l.*

Buccina (aut, si malis, Turbines) minuscula & in hac collectione maxima,

subalbida vel lucido-marmorea, & aliquando transparentia, praecipue dum minora sunt, ut in seq. Vase: ore crasso ovali vel subrotundo, uno labio extrinsecus fimbriato, mucrone in longum canaliculato canaliculis laevibus, ac septem spiris comprehenso, & in acutum apicem desinente. Parum differunt, ore excepto, ab eo quod dedimus Sag. Oritt. Ap. fig. 6o lit. G. Frequentissima ad Portumferrarium, & ad ripas Maris l. d. *Castiglioncello*, ubi pellucida sunt.

## VAS XIX.

Buccina praecedentis formae sed minora idest mediae magnitudinis, & aliquando ventricosiora, omnia submargaritaceo lucidissimo colore praedita, & saepe pellucida, qui quidem color videtur ipsis naturalis. Ibi.

## VAS XX.

*Tab. 2. h. i.*

Buccina media ad Turbines non nihil accedentia, praecedentibus adhuc minora, & in acutum apicem desinentia. Sunt quinque vel sex volutis ornata, ore rotundo, vel subrotundo, labio crasso vel simplici subtiliori, perfecte laevia, vel levissime canaliculata, & aliquando in cavitate canaliculorum striata, pellucida, ac splendentia: horum pleraque in mucronis extremitate habent punctum nigrum lucidissimum forte spectans ad exuvias inibi degentis olim animalculi, quod vix natum interiisse crediderim. Revera acido vegetabili immerse hujusmodi Testae fere ad oculum consumuntur, interim superstitute eodem puncto nigro, eo quod acidi vim eluserit. Ibi.

## VAS. XXI.

Tab. 1. M. Tab. 3. A.

Buccina minuscula ac media, conico-canaliculata. Differunt a praecedentibus, quod habeant mucronem seu turbinem conicum, ut exprimit lit. M., & aliquando os in angulum vel in acutum desinens, prout sub lit. K. Sunt albo-lucentia, vel submargaritaceo colore praedita, excerpta ex limo maris ad Portumferrarium: quae verò semipellucida ac subcarnei coloris omnia collecta sunt ex littore maris L. d. *Castiglione*cello.

## VAS XXII.

Tab. 3. N.

Buccina media ac mycroskopica; & ideo ad eorum fabricam optime cognoscendam saltem vitri auxilio opus est. Quoad formam sunt vel praecedentibus similia, laevia nempe, in longum canaliculata. Horum alia sunt lucido-marmorea, alia ita pellucida ut ex vitro conflata esse videantur, praesertim si aqua leviter aspergantur, quod quidem indicio est, haec Buccina paulo post ortum nullam passa esse mutationem. Ibi.

## VAS XXIII.

Tab. 3. O.

Buccina minuscula reticulata. Testa crassa, ore subrotundo, labio aliquando fimbriato, intus crenato, corpore plus minusve ventricoso sex vel septem spiris comprehenso, in gyrum & in longum aequaliter striato striis elevatis, unde perbelle reticulata apparent, & aliquando papillosa papillis aequalibus frequentissimis. In fundo maris ad Portumferrarium.

## VAS XXIV.

Tab. 3. P.

Buccina minuscula perfecte reticulata, vel in longum & in gyrum densissime striata, labio graciliori simplici vel leviter fimbriato, ore subovali vel in angulum aut in acumen quandoque desinente, corpore in pluribus non ita ventricoso aut rotundato, ut in praecedentibus, sed potius ad conicam figuram accedente. Alia sunt, ut exprimit litera P. Quae opaca & albida ex fundo maris ad Portumferrarium excerptae sunt; quae subpellucida vel coloris carnei ad ripas Tyrrheni maris, ubi quandoque ex rotatione lapillorum & undarum agitatione fit, ut earum testa lineis vel papillis deletis laevis appareat. Inde etiam eruitur has Cochleas reticulatas seu striatas, aut papillosas recens natas ex natura sua esse semipellucidas.

## VAS XXV.

Tab. 3. Q. R.

Buccina minuscula, quae in hoc differunt a praecedentibus, quod non aequae reticulatae sint, sed in gyrum leviter striata, & in longum profunde canaliculata, ac testa minus ventricosa ac minus crassa, ut apparet sub lit. Q, R. Adest & Cochlea minuscula bucciniformis ventricosa spira ad os amplissima, ceteris parvum mucronem conficientibus, ore amplo effuso, labio simplici fimbriato; non nihil reticulata aut striata sed striis undarum & lapillorum agitatione ex parte deletis: haec in littore, caetera etiam in fundo maris.

## VAS XXVI.

Tab. 3. S.

Buccina mediae magnitudinis, quae etiam

etiam Cochleæ speciem præseferunt. Sunt undique muricata vel striata striis tuberculosis, mucrone brevi, ore subovali. Omnes in fundo maris ad *Portumferrarium*.

## VAS XXVII.

*Tab. 3. T.*

Buccina microscopica (non tamen omnino minima, quæ vide ad Vas 116) ferme omnia striata vel papillosa aut reticulata præcedentis formæ. Sunt etiam quæ portendunt figuram exhibitam sub T. Continentur in hoc Vasculo integræ Testæ num. 1000, quarum 240 vix adhaecquant unius grani pondus. In fundo maris.

## VAS XXVIII.

*Tab. 3. V.*

Buccina minuscula ac media, perfecte laevia, graciliora, ore ampliore subrotundo, quadrivoluta, spira ad os præ ceteris majore, superficie lineis subrufis parallelis undatis vel angulosis levissime maculata. Suboritur dubium an vere sint Testæ marinæ an potius fluviatiles: dubitandi ratio ex eo est quod nunquam has & sequentes in fundo maris repererim, sed tantum in littore in l. d. *Castiglione*.

## VAS XXIX.

*Tab. 3. X. Y. Z.*

Buccina minuscula, media, ac microscopica, perfecte laevia, figurae ut præcedentia, sed superficie ita rubeo & albo colore maculata, vel punctata, aut diversimode lineata, ut melius icone quam verbis se exprimi sinat: quæ omnia ut commodius contemplari quis pos-

sit separatim in hoc Vasculo collocata. Sunt inter hæc & alia albo-semipellucida, non quia suapte indole talia sint, sed quia ob arenularum confractionem aliamve causam, exteriori cuticula colorata vel ex integro vel magna ex parte deleta, quasi nudum ac transparens lucidissimum corpus ostendunt. Ibi.

## VAS XXX.

*Tab. 4. AA.*

Buccina minuscula ac media non nihil ad Turbines accedentia, quorum unaquæque in laevi subalbida superficie voluta notatur lineis subrufis, brevibus, inter se parallelis, & juxta longitudinem columellæ dispositis, nudo oculo vix conspicuis. Sunt alba vel vitreo-pellucida. Ibidem.

## VAS XXXI.

*Tab. 4. BB.*

Buccina minima, perfecte laevia pellucida trivoluta vel quadrivoluta, ac duplici zona aut fascia vinati & albi coloris alternatim per spiras usque ad apicem prosequente pulchre circumdata. Forte fluviatilia sunt. Prope *Castiglione* in littore maris inventa.

## VAS XXXII.

*Tab. 4. CC.*

Buccina minuscula, subglobosa, mucrone tribus volutis constante, quarum una ad os ventricosior, ac reliquis multo major, ore aperto subovali, labio simplici, & non nihil ad corpus complicato: testa crassa, laevis ac per totum fusco-castaneo magis minusve diluto colore splendens. Sunt raro perfecte integra. Forte fluviatilia, & in lit-

tore maris, ut supra, unice inventa. Ibi. *cie laevi, subalbida, vel vitreo-pellucida. Ibi.*

## VAS XXXIII.

Buccina, ut praecedentia, sed media ac minima, colore praedita castaneo magis diluto. Ibi. Verosimilius videtur Buccina hoc Vasculo & duobus sequentibus contenta ad aquam semisalsam pertinere: ratio cur sic opinemur ex loco praecipue & colore desumitur; nam primò ea nunquam in fundo maris, vel in concretionibus zoophyticis reperi, sed tantum in locis mari finitimis prope *Castiglione*. Secundò, color, quo imbuta sunt, non videtur ei similis quo gaudent aliae maris Cochleae. Erunt forte Buccina quae in aqua fluminis *Cecina* prope ostium vixerint, & subinde ad propinquiora littora per maris undas fuerint reiecta.

## VAS XXXIV.

Buccina (vel etiam Turbines) minuscula, perfectè laevia, ore subrotundo, mucrone ventricoso aut conico, saepe quinque vel sex volutis constante, spira magis minusve insculpta. Quoad colorem, alia sunt albo-calcareae, alia subalbida, alia vitrea ac pellucida. Sunt aliquibus hujus formae lacustribus aut fluviatilibus similia. Adest inter haec Turbo scalaris spurius fere microscopicus, qui parum differt ab eo quem dedimus Sagg. Oritt. Tab. 10 sub nota FF. In fundo & in littore maris

## VAS XXXV.

## Tab. 4. DD.

Buccina non nihil ad Turbines accedentia, media aut ferme microscopica, quadrivoluta vel quinquivoluta, columella aliquando conica in mucronem desinente, spira vix insculpta, superfi-

## VAS XXXVI.

## Tab. 4. EE.

Buccina omnia microscopica (minima vide ad Vas 116.) perfectè laevia, magis ventricosa quam praecedentia, ore saepe subrotundo: nudis oculis apparent albida, lenticula verò multoque magis microscopio conspecta sunt fere vitrea, plerumque pellucida ac venustissima, ideoque a ceteris omnibus separanda. Sunt proprie nativae maris Testae, ac figuram habere solent quam designat EE. Haec pelluciditas oritur ex speciali natura horum Conchyliorum? Verosimilius videtur ex observationibus nasci, saltem in minimis, ex eo quod eorum testa recens nata nondum sua incrementa suscepit. Sunt in hoc vasculo num. 760, quorum 300 uni grano aequantur. Omnes ex fundo maris ad *Portumferrarium* & ad *Insulam del Giglio*, & ex concretionibus zoophyticis. Hujusmodi Testae subvitreae nunquam fossiles reperiuntur, nisi in terris quibusdam Senensibus argillaco-bituminosis, aut melius, ferrugineis.

## VAS XXXVII.

## Tab. 4. FF. GG. HH. aa.

Buccina num. 26 microscopica ventricosa ad trochum non nihil accedentia, testa crassa, superficie laevi, sanguineo vel pullo & albo colore pulcherrime maculata, maculis alternatim positae juxta volutae longitudinem, ut in FF &c., in quibus pars nigra pulchrum, alba candidum colorem indicat. Nescio utrum in minimis quid pulchrius videri possit. In concretionibus zoophyticis.



# COCHLEÆ

## VAS XXXVIII.

Tab. 4. II.

Strombi grandiusculi perfecte laeves, ore canaliculato, acuminato, pellucidi vel opaci, omnes lucidissimi, & maculis subrufis praesertim ad primam oris spiram ornati. Omnes ex littore maris ad *Castiglioncello*.

## VAS XXXIX.

Tab. 4. KK. LL. Tab. 5. MM.

Strombi minusculi diversae speciei ac formae; ore brevi in canaliculum desinente; alii corpore ventricoso ad Buccini figuram accedunt; alii ad illam quam habent Turbines; alii albo-pellucidi, alii fusco colore maculati. Sunt raro laeves, saepe rugosi, aut striati striis aequalibus vel undosis, unde leviter muricati. In fundo & in littore maris.

## VAS XL.

Tab. 5. NN.

Strombi laeves canaliculati, longiusculi, ore nempe canaliculato elongato, mucrone in acutum desinente, spiras satis incavata &c. Ibi.

## VAS XLI.

Tab. 5. OO. PP.

Strombi minusculi canaliculati, acuminati, testa crassa, superficie laevi flavesciente vel carnei coloris, maculis nigris albo appictis, ut exprimit fig. OO. In iis qui sunt sulcati & perfecte laeves internus axis ab ore ad apicem usque est instructus voluta spirali spiris elevatis simul ac tribus profundis canaliculis alternatim positus, ut in strombo PP natu-

raliter disrupto videre est: in caeteris vero strombis praesertim striatis internus axis est laevis. In maris littore ad *Castiglioncello*.

## VAS XLII.

Tab. 5. QQ.

Strombus ore aperto superius canaliculato, corpore quadrivolato, apice rotundato, substantia & colore osseus. Ibi raro reperitur.

## VAS XLIII.

Tab. 5. RR. SS.

Strombi minusculi ad Cochleam conoideam accedentes, ore nempe canaliculato, quandoque labioso, basi rotundata latiore, superficie laevi aut striata, vel etiam spira prominula leviter & seriatim papillosa, mucrone in papillam saepe lucidam desinente. Alii sunt bucciniformes, alii turbiniformes. Hos inter unus adest laevis, pellucidus colore subroseo splendens. Qui s. m. pellucidi, vel albo-ossei sunt ex littore maris ad *Castiglioncello*, ceteri ex fundo maris ad *Portum Ferrarium & Liburnensem*.

## VAS XLIV.

Tab. 5. TT.

Strombi medii ac microscopici diversae speciei ac formae, saepe figura ut praecedentes, nempe in longum canaliculati, & in gyrum striati, vel leviter muricati: alii perfecte laeves, alii mucrone elongato pluribus volutis constante, & apice acuto ut sub TT: alii mucrone brevissimo unica quasi voluta efformato & apice rotundato, prout sub VV in vase sequenti. Colore vero sunt albo-calcarei, aut flavo-pallidi vel etiam

pellucidi. Ibi, & ex concretionibus zoophyticis Mediterranei.

### VAS XLV.

Tab. 5. aa. VV. uu.

Strombi minimi seu prorsus microscopici diversae speciei ac formae; alii nempe laeves, alii tuberculati, vel striati, alii semipellucidi, aut colorati &c. Ibi.

### VAS XLVI.

Tab. 6. XX.

Strombi vel etiam Turbines conoidei minusculi ac medii, ore extremo subcanaliculato, seu in brevem canaliculum desinente, basi latiore, corpore conico longiusculo, striato, vel leviter papilloso, vel rugoso, spira incavata octo vel novem volutis regulariter decre-scentibus, apice acutissimo. In fundo & in littore maris frequentes.

### VAS XLVII.

Tab. 6. YY. ZZ.

Strombi seu Turbines medii, figura praecedentibus similes. Sunt qui basim ad os habent latiore & in apice acuminantur. Sunt alii striati, alii papilloso, vel leviter mucronati. Duas tantum formas damus expressas sub YY, ZZ. In limo maris ad *Portusferrarium*.

### VAS XLVIII.

Tab. 6. a. bb.

Turbines levissimi minusculi ac minimi. In his testa exilis & pellucida quatuor spiris absolvitur, quarum prima, quae totum os comprehendit elongatum, valde ampla est, cacterae in

mucronem acutissimum desinunt. Terrestribus hujus formae Turbinibus videntur similes; ob gracilem tamen testam rarè integri. Adsunt & alii minusculi integri perfecte vitrei aut crystallini, mucronis apice rotundato, quorum unus sub bb quinque volutis absolvitur. Sunt ne marini Turbines an fluviatiles? In littore maris *alla Follonica* unicè inventi.

### VAS IL.

Tab. 6. b.

Turbines minusculi vitreo-lucidissimi, spira insculpta & sex aut septem volutis constante, mucrone elongato, apice non nihil rotundato. Recens nati sunt natura sua vitrei ac transparentes, fiunt inde ex injuria temporis albo-calcarei: nudis oculis videntur laeves, at microscopio conspecti apparent minutissimè in longum striati ut exprimit lit. b. In fundo maris inventi, quibus omnino siniles reperiuntur etiam in terris figulinis Senensis profundioribus.

### VAS L.

Tab. 6. c.

Turbines minusculi & in hac specie maximi, columella brevi cylindroidea quadrivoluta. Sunt vel levissime in longum striati ut in sequenti vase, vel superficie laevi ut hic, omnes verò apice rotundato, nitentes, ac vitreo-pellucidi dum juniores; at lapsu temporis opaci evadunt & albo-calcarei. Sunt in hoc vasculo mille triginta, quorum septem unius grani pondus adaequant. Videntur esse littorei, utpote collecti non in fundo maris sed sub arce dicta *la Stella Portusferrarii*, ubi ad ripas maris hospitantur, & vivunt sub saxis in locis humidioribus, quae alluere vel

præterfluere sæpe solent aestuantis maris undae. Sub terra fossiles nunquam a me reperti.

## VAS LI.

*Tab. 6. d. e.*

Turbines præcedentis formæ, sed perbelle in longum striati striis vel frequentissimis, ut in *d*, vel rarioribus & elatioribus, ut in *e*, omnibus nudo oculo ferme inconspicuis. Ibi.

## VAS LII.

*Tab. 6. dd.*

Opercula præcedentium Turbinum delicatula, pellucida, semilunaria & ipsorum ori proportionata. Horum unum heic *dd* exhibetur, prout etiam apparet in aliquibus Turbinibus adhuc operculatis.

## VAS LIII.

Turbines apice rotundato, figura ut præcedentes, sed medii ac minimi; omnes lucidi, ac vitreo-transparentes. Ex duobus præcedentibus vasculis Turbines biscentum vitrei ideo separati & hic collocati fuere, ut facilius conspici lenticula possent. Ibi.

## VAS LIV.

*Tab. 6. f.*

Turbines minusculi ac medii perfecte laeves, ore elliptico vel subrotundo, & aliquando in canaliculum conspirante, spira vix insculpta decemvoluta, recti, & in acutum sæpe apicem terminantes. Alii sunt lucido-crystallini, seu vitrei transparentes. Alii substantia alba densiori præditi: omnes lucidissimi. In fundo maris.

Turbines microscopici fere omnes laeves ac præcedentis formæ, inter quos tamen eminent qui prostant sub literis *g, h, i*, quorum *h* est summe pelucidus. Sunt Testæ integrae ac pulcherrimæ, quæque ob maximam exilitatem ac nitorem quo excellunt, separatim erant collocandæ. Ibi.

## VAS LVI.

*Tab. 7. k. aa.*

Turbines microscopici vel etiam minimi superficie laevissima lacteo colore imbuta ac lucidissima, spira in aliquibus visibili ob testæ transparentiam, minime tamen insculpta, ut sub *aa*, in singulis mucrone non nihil intorto, & apice perquam acuto. Ita intorti ac omnimode laeves maxime ab aliis turbinibus differunt. Non videntur ad majorem molem excrescere, saltem in nostro mari, ea quam habent in hoc vase contenti, quorum maximi lineam unam pedis Parisiensis non excedunt. Ex Portuferrario, & præcipue ex diffractis concretionibus zoophyt. mediterranei.

## VAS LVII.

*Tab. 7. l. m. n.*

Turbines minusculi, medii ac microscopici, spira profunde incavata, plus minusve in gyrum striata striis ab ore rotundo usque ad apicem regulariter excurrentibus. Sunt raro integri, utpote qui ceteris Turbinibus delicatiores. Ex his unus minusculus repræsentatur lit. *l*. Ex minimis verò unus vel alter sub literis *m, n*, qui similes sunt iis quos Gualterius descripsit. In fundo & in litore maris.

## VAS LVIII.

Tab. 7. o.

Turbines grandiusculi ventricosiores, brevioresque, ore subrotundo labio fimbriato ac striato. Ibi rari.

## VAS LIX.

Tab. 7. p. q. r.

Turbines grandiusculi, laeves, canaliculati in longum, ore rotundo graciliore, mucrone acutissimo, septem vel octo volutis constantes, vitreo-pellucidi vel albo-calcarei. Quamvis ex his aliqui videantur similes Turbinibus quibusdam Terrestribus, sunt revera in mari geniti, ut ex crassitie & pelluciditate facile eruitur.

## VAS LX.

Tab. 7. f.

Turbines mediae magnitudinis, vel etiam microscopici, profunde in longum canaliculati canaliculis costatis, aliquando verò densissime ac levissime striati, ore rotundo vel subrotundo, labio crasso planiusculo: substantia semipellucida, si ad ripas maris prope *Castiglione* cello; vel albo-calcarei, si in fundo maris ad *Portumferrarium*.

## VAS LXI.

Tab. 8. t.

Turbines minusculi ac medii & in hac specie maximi, in longum canaliculati, decem circiter volutis constantes, spira parum insculpta, lucidissimi, ac vitreo-margaritacei, nisi iniuria temporis labefacti in albo-opacam calcaream substantiam conversi fuerint. In fundo maris.

## VAS LXII.

Tab. 8. u. x.

Turbines medii aut microscopici, quorum alii structura ut praecedentes, alii in longum diversimode canaliculati vel striati striis confertissimis nudo oculo saepe inconspicuis. Sunt omnes vel albo-nitentes aut crystallini semipellucidi. Ibi. Prorus microscopicos vide ad Vas 8o.

## VAS LXIII.

Tab. 8. y. z.

Turbines minusculi ac microscopici, uniformiter reticulati ut y, vel regulariter papilloso, ore canaliculato, duodecim vel pluribus orbibus constantes in acutissimum apicem desinunt, ut z; raro integri. Ab his papilloso papillis regularibus parum differunt ii Turbines consideratu digniores, qui, ut in sequentibus apparebit, spiram habent contrario modo convolutam. In fundo maris & in coner. zoophyt. infrequentes.

## VAS LXIV.

Tab. 8. aa.

Turbines grandisculi num. 5, ore ad sinistram animalculi incidentis posito, ac proinde habentes turbinem ac volutas contrario modo ab aliis Cochleis ferre omnibus incidentes. Sunt granulati granulis aequalibus lucentibus, ore perbelles canaliculato, labio pellucido undato, spira vix insculpta, & volutis visibiliter excurrentibus saltem usque ad medium, turbine acutissimo quasi cylindroideo, in acutum tamen apicem procurrente. Integri ac nigri omnes, & ex coner. zoophyt. & lithophyt. excerpti, ubi gigni & vivere solent, ut

eruitur ex microscopicis infra positis. Horum maior quinque linearum longitudinem aequat, sub nota *aa* optimè insculptus. Hoc est in huiusmodi Testis peculiare, quod dum alii Turbines & Cochleae ferme omnes habent os extimae volutae dextrorsum spectans, hac nostrae os ad laevam gestent: quod quidem ita rarum in aliis cognitis speciebus est, ut quasi abortivum a Conchyliologiis censeatur: equidem puto id esse quibusdam marinis Turbinibus proprium ac naturale, ut revera est duobus Terrestribus, de quibus ad Vas 69.

## VAS LXV.

Tab. 8. *bb.*

Turbines minusculi ac medii n. 32, ore & ipsi ad laevam posito, praecedentibus minores, albidii vel nigricantes, aut etiam subflavo colore nitentes. Vocari possunt perfectè & uniformiter granulati granulis aequalibus laevibus, ac, si microscopio conspiciantur, lucidissimis, triplici ordine pro quacumque spiram dispositis, spirarum tamen commissuris vel orbium anfractibus indistinctis, in quo a caeteris Turbinatis fere omnibus differunt. Turbines huiusmodi videntur etiam papilloso papillis minimis & aequalibus ab ore canaliculato usque ad acutissimum apicem veluti nodoso funiculo quadraginta tribus vicibus in orbem actò perpulchrè & uniformiter ornati, ut exprimit fig. *bb.* In fundo maris, & in Portu Liburnensi non infrequentes, sed rarò integri; & in concr. zoophyticis.

## VAS LXVI.

Tab. 8. *cc-gg.* Tab. 9. *hh-kk.*

Turbines microscopici aut etiam minimi num. 300., omnes a dextera in

sinistram convoluti, seu ore ad sinistram animalculi incedentis sito. Ideo hos a praecedentibus separavimus, ut solitarii sub microscopio collocati melius ac nitidius ostendant propriam excellentissimam fabricam ac figuram. In his mirae varietates, prout indicant *cc*, *dd*, &c. Inter hos tres sunt prorsus minimi, qui microscopio conspecti, subaureo veluti colore refulgent, quorum unus (*cc*) est veluti funiculo a basi ampliore ad apicem usque undecim orbibus regulariter circumvolutus funiculo papilloso papillis rotundis grandioribus, elatioribus ac rarioribus quam in praecedentibus: quot verò orbibus intrus praecise constet, ignoratur; non enim extrinsecus apparent circumvolutiones internis orbibus respondentes. Alter est Turbo niger (*dd*) instructus minutioribus granulis, quibus per totum corpus in modum funiculi non ita regulariter intorti, duodecim vel tredecim vicibus usque ad apicem eleganter contegitur, nempe ex viginti & uno, quibus componitur, orbibus funiculi in gyrum per columellam se se volventis, tres primi regulariter decrescunt, deinde succedit quartus orbis elatior ac prominentior cum suis duobus minoribus orbibus; & sic regulari prorsus modo usque ad extremum apicem latitudo spirae ternis funiculi orbibus constans dirigitur. Alii sunt in prima voluta papilloso, in ceteris striati ut in *ee*, *ff*. Alii canaliculati, alii striati, & in morem terebrae conformati. Alii alias ac tam varias sortiuntur formas, ut singulas nimis longum esset referre. Non est tamen omittendus Turbo sub *kk* naturaliter disruptus, qui internas circumvolutiones contrario modo incedentes ostendit, columella octo ornata orbibus, quorum tres majores papilloso, caeteris quinque usque ad apicem oblique striatis, nescio an ob papillas fortasse deletas.

Ex his aliisque observationibus quae in ipsis figuris optime delineatis institui possunt, facile evincitur, Turbines nostros praeter os sinistrorsum positum, certis gaudere proprietatibus, quibus a caeteris etiam Turbinibus peculiari modo distinguuntur, & in sua specie determinantur. Ergo non lusus Naturae sunt, sed variae Turbinum species, quae, ut caeterae Cochleae, propagantur, & in mari vivunt. Quis insuper dixerit plures hujus generis Turbines ad majorem molem excrescere quam indicent puncta, seu signa minima naturalem Testae magnitudinem repraesentantia, & cuique figurae microscopio auctae vel supra vel ad latius religiose semper apposita? Nemo sane qui naturam in observationibus consulat.

Omnes praefati Turbines selecti sunt non quidem ex limo in fundo maris, neque ex arenulis in littore, sed ex concretionibus zoophyticis ac lithophyticis Mediterranei, ubi tamquam in propriis locis veluti indigenae viventes habitant frequentissimi. An vero concreciones omnes, ex quibus delecti Turbines nostri, revera ex Mediterraneo sint, ignoramus; nam ipsae ex diversis locis, sed praecipue ex Tyrrheno mari, Siculo, & Africano delatae, & in unam massam redactae, ac tandem in fragmenta indiscriminatim comminutae memoratam Turbinum copiam suppeditarunt.

Sed heic detegendus est modus, quo separari queunt Turbines minimi contrariis anfractibus praediti. Ex diffractis igitur ac comminutis praefatis concretionibus oritur quaedam arenula, ut ita dicam, conchacea, in qua plura organica marina corpuscula saepissime integra latitant, & haec inter multi Turbines, quorum plerique ad dexteram, rari ad sinistram, os habent constitu-

tum. Ex hac itaque arenula secernere Turbines contrarios difficultatis plena res est; nam ideo trecentum circiter seligere potui sinistros Turbines, quia iam ex iisdem concretionibus triginta fere millia dexterorum minimorum collegeram. Tot siquidem sunt Turbinatae Testae omnes microscopicae quae in hoc capite continentur. Ex quo sequitur, ut facta proportionem inter utriusque generis Turbines, dexteros nempe ac sinistros, hi sint ad illos ut trecentum ad triginta millia, sive ut unum ad centum. Si quis igitur tres aut quatuor ex gr. colligere voluerit Turbines minimos contrario ore pollentes, opus omnino est, ut in arenulis illis zoophyticis acque minimis perscrutandis sub oculis successive veniant trecenti aut quadringenti communes Turbines minimi. Figura vero horum corpusculorum huiusmodi est, ut per laevigatissimam pyxidem inclinatam & subsultorio motu agitatum ad ima facilliter detuantur cum ceteris corpusculis subrotundis, a quibus novissime non nisi penicilli cuspidate & oculo lenticula armato separantur. Ratio haec separandi rotunda corpora a planiusculis & angulosis particulis uberius explicatur in ultimo capite.

## VAS LXVII.

Tab. 9. II.

Turbines grandiusculi ac minusculi num. 36. Sunt reticulati, vel in gyrum striati, aut granulati; ore, ut praecedentes, sinistrorsum converso, raro integri, quia nempe undarum & lapillorum agitatione rotati vel apice detruncati, aut aliqua in parte consumpti. Ex his nonnulli a praecedentibus differunt, ut ostendit II; ideo separatim collocandi. Omnes collecti sunt ex duabus ferme libris lapillosi sedimenti ad ripas Tyrrheni maris prope locum d.

Casti-

*Castiglionezella* omnium fortasse Turbinatorum feracissimo; dum interim alibi, vel etiam in fundo maris, exceptis concretionibus zoophyticis, rarissime reperiuntur.

plures ejusdem columnae foraminulis inclusos Turbines observavi quos collectos ad Vas praesens referre pro corone hujus speciei Turbinum placuit.

## VAS LXVIII.

Turbines n. 17 minusculi ut praecedentes, ore nempe ad laevam converso, sed ab iis discrepant, quia vel tantillum pellucidi sunt ac turbine laevigato. An verò omnes suapte naturae sint, an potius ex undarum & lapillorum agitatione rotati strias vel papillas amiserint, definire non ausim.

## VAS LXIX.

Tab. 9. A. B.

Turbines terrestres num. 63 minusculi, laeves ad oculum, revera striatis microscopio tantum conspicuis, spira non nihil incavata ac veluti funiculo ornata; ore quadridentato, in quo videntur differre tum ab eo quem tradit Gualterius Test. Tab. 4 fig. C, tum etiam ab illo quem exprimit Claris. Battarra; ideo iconem nostrorum iterum damus microscopio valde auctam (A).

Hos inter unus quoque adest Turbo aliis multò minor, ab illis diversus & quasi bucciniformis, cujus figuram prorsus novam exhibemus (B). Prior Turbo A num *Helix Quadridens*, aut *Papillaris* Mullerii? Et posterior B num ejusdem prioris varietas orta ex juniore aetate testae nondum justum perfectumque incrementum adeptae? Haec videtur opinio Claris. Muller in sua Vermium historia, quam consule.

Quoad nostros Turbines, quum Romanae essem mense octobris anni 1787, atque columnam ex lapide Tiburtino, quae extat ante Aedem, quam vocant *Sancti Petri in Montorio*, conspicerem,

## VAS LXX.

Tab. 9. mm.

Turbines grandiusculi ac minusculi & in hac collectione maximi, recti acuto-conoidaei, recta nempe procedentes in acumen assurgunt, in longum & in gyrum striati, unde plus minusve papilloso, vel crispatis apparent, undecim vel duodecim volutis constantes, ore leviter canaliculato, labio simplici non fimbriato, ut ostendit mm. Ex his qui subnigri sunt omnes ex concretionibus zoophyticis separati, qui verò carni coloris in fundo maris reperiuntur. Utriusque tamen coloris colliguntur & in littore maris Thusei in l. d. *Castiglionezello*, quos inter adsunt plures Turbines habentes in exteriori superficie vermiculos confertissimos minimos cochleatos, de quibus vide Vas 141.

## VAS LXXI.

Tab. 9. nn.

Turbines mediae magnitudinis n. 500 diversimode striati aut papilloso, reticulati vel leviter muricati, ut praecedentes, exceptis quibusdam in terebrae morem conformatis. Sunt ex his qui praeter formam praecedentium habent figuram expressam sub nn. In fundo maris.

## VAS LXXII.

Tab. 9. oo. pp.

Turbines myer. graciles, lucidi, spira profunde canaliculata canaliculis intra duo veluti filamenta prominula in mo-

dum scalae ab ore usque ad apicem prodeuntibus, superficie aculeis vel rugis aliquando densissime ornata, ita ut Turbines muricati ad oculos videantur. Earum figura sub *oo* melius quàm verbis exprimitur. Ibi.

## VAS LXXIII.

*Tab. 9. qq. rr.*

Turbines n. 740 minusculi levissime striati aut papilloso, & opaci dum integri sunt, ea figura praediti quae prostat sub *rr* rari, sub *qq* sunt conici vel cylindroides: plerique laeves, carnei coloris, splendentes; quum enim omnes inventi sint in littore Tyrrheni maris in l. d. *Castiglioncello*, hinc ob arenularum & aquarum attritum, striis omnibus saepe deletis in quasi pellucidas testas conversi sunt.

## VAS LXXIV.

Alii Turbines n. 470 semipellucidi laeves, figura ut praecedentes, sed illis multo minores, & mediae fere magnitudinis. Ibi.

## VAS LXXV.

*Tab. 10. ff.*

Turbines cum aliis Cochleis n. 190 minusculi, pellucidi, ac vitrescentis coloris, qui a praecedentibus in hoc differunt quod secundum longitudinem ita corrosi sint, ut internam ostendant fabricam, ac saepe, basi & apice intaëtis, totam spirae circumvolutionem sub oculos ponant, quod ex motu aquarum, & mutua lapillorum & arenarum confractione ortum videtur. Ex his unus exhibetur sub *ff*. Si quis hanc naturae operationem arte imitari vellet salebrosam sane rem ac perdiffici-

lem moliretur, praesertim in huiusmodi delicatioribus ac minoribus Testis. Non in fundo maris, ubi fere semper integri reperiuntur, sed ex sedimento lapilloso prope *Castiglioncello* in littore maris Thusci omnes unice excerpti.

## VAS LXXVI.

Turbines cum aliis Cochleis medii ac microscopici non invenuste in superficie consumpti ac terebrati, ut praecedentes. Ex eodem loco.

## VAS LXXVII.

*Tab. 10. tt-xx.*

Turbines minusculi regulariter papilloso, spira incavata, ore non nihil canaliculato, labio crispato. Eorum figura sub lit. *tt*. Sunt etiam qui formam habent ut exprimunt literae *vv*, *xx*. Nigricantes apparent, utpote ex concretionibus zoophyticis collecti: qui verò subalbidi in fundo maris inventi.

## VAS LXXVIII.

Turbines ut praecedentes, sed mediae magnitudinis, subrufo colore praediti, vel subnigri, superficie lucida. Omnes separati ex concretion. zoophytic., quas ipsi solent frequenter incolere.

## VAS LXXIX.

*Tab. 10. yy.*

Turbines medii ac microscopici diversae speciei ac formae, nempe laeves vel in longum & in gyrum striati, tuberculati, papilloso &c., quorum alii pellucidi, alii opaci, qui videntur carneo colore imbuti non nihil ad pellucidum accedente, nisi diuturnitate temporis labefactati in albo-calcaream &



opacam substantiam abierint. In hoc Vasculo plusquam 1500 comprehenduntur, quorum 200 circiter grani unius pondus exaequant. Sunt qui praeter figuras praecedentes eam habent, quae est sub yy. Ibi.

## VAS LXXX.

Tab. 10. 77. A-E. az.

Alii Turbines (inter quos etiam aliqua Buccina ad Turbines accedentia) medii ac prorsus microscopici diversae speciei ac formae ad numerum 9740, quorum 850 simul, quamvis non omnes inter se aequales, acquipondium cum grano faciunt. Buccina quidem sunt laevia, pellucida; Turbines vero aliqui laeves, ceteri omnes diversimode striati, papilloso, vel granulati &c. Sunt igitur plures ea figura instructi, quam exprimunt 77, A, &c. Ex his alii inventi in fundo maris ad *Portumferrarium*, alii ad *Portum Liburni*, plerique ex coner. zoophyt.

## VAS LXXXI.

Tab. 11. bb-aa.

Turbines, Buccina ac Cochleae diversae speciei ac formae. Selecta haec omnia fuisse ex praecedentibus, & hoc vasculo inclusa jacent ut commodè conspici possint. Sunt quae continentur insculpta sub bb, cc &c. Alios Turbines vide ad Vas 111 simul cum Cochleis admixtos. Ibi.

## VAS LXXXII.

Tab. 12. F.

Cochleae Cassidiformes albissimae resta crassa, & ejus figurae quam exhibet schema F. In littore maris ad *Castiglione*.

## VAS LXXXIII.

Tab. 12. G.

Trochi minusculi, laeves, vel etiam levissime in gyrum striati, ut exprimit G; foris subrubro vel albedo colore pulcherrimè maculari, maculis saepe ab ore ad apicem usque serpentibus. In littore maris ad *Castiglione*.

## VAS LXXXIV.

Trochi figura ut praecedentes, sed iis multò minores & mediae magnitudinis. Olim erant fortasse diversimode, rubro nempe & albo colore, maculari, ut esse solent hujus generis Testae, sed ob undarum morum & lapillorum agitationem nunc externo cortice exuti, ossei apparent, quum omnes fuerint collecti in littore maris ad *Castiglione*.

## VAS LXXXV.

Trochi minimi ac mycroskopici figuram habent ut praecedentes, sed vel ossei, vel rufescentes, vel etiam albo & subrubro alternis coloribus elegantissime in superficie depicti. Ibi, & passim in littore Tyrrheni maris.

## VAS LXXXVI.

Tab. 12. H.

Trochi minusculi diversae speciei ac formae, superficie nempe laevi, vel in gyrum densissimè striata, aut etiam inspersa maculis in tessellarum morem dispositis, omnes uno verbo foris diversimode colorati. Ex iis qui subcinereo colore praediti sunt argenti vel unionis splendore fulgent; qui vero maculis rubris & albis distinguuntur, ossei sunt. Ex pluribus unum damus insculptum sub H. Ad *Portumferrarium* in fundo maris.

## VAS LXXXVII.

ad Portumferrarium in fundo maris.

Trochi mediae magnitudinis striati vel laeves, ac extrinsecus quidem aliter atque aliter picti, sed praecipue albo & subfusco colore alternatim punctati vel maculati, intus vero seu superficiali cortice exuti plerique argentei sunt & margariferi. Ibi.

## VAS LXXXVIII.

Trochi minimi ac mycroskopici & ipsi foris diversimode maculati, intus verò saepe margaritacei. Sunt ex his qui mucronem habent magis depressum quam Trochi praecedentes. In fundo maris frequenter, in littore raro reperiuntur.

## VAS LXXXIX.

## Tab. 12. I.

Cochleae trochiformes minusculae umbilicatae, trivolutae, basi latiore, turbine compresso ac brevi. Sunt foris lucidae, albiae, punctis vel lineolis subrubris affabre depictae, aut etiam modis pluribus coloratae. Omnes collectae ex littore maris ad *Castiglioncello*

## VAS. XC.

## Tab. 12. K.

Cochleae trochiformes minusculae profundius umbilicatae, laeves, vel in gyrum striatae aut granulatae, fusco colore saepe foris imbutae, maculis subalbidis interspersae, intus argenteae. Ex his una exhibetur sub K. Adest inter has Cochlea trochif. subflava maculis subrubris depicta, turbine in extremitate ruberrimo. Quae magis albicant & rufescunt repertae in littore maris ad *Castiglioncello*: reliquae

## VAS XCI.

## Tab. 12. L.

Cochleae minusculae ac mediae, profunde umbilicatae, depressiusculae trivolutae, voluta majori rotundata vel subcostata (ideo trochiformes), aut laevi vel in gyrum levissime striata, ore subrotundo, ampliore, foris albo-fusco, sive albo-rufo colore maculatae, intus argenteae; ac similes, si colorem non figuram species, trochis Vasis 86. Ibi.

## VAS XCH.

## Tab. 12. M. N.

Cochleae minusculae ac mediae, depressiusculae, umbilicatae, in gyrum striatae aut papillosae papillis lucentibus, ut videre est in fig. M; vel etiam subalbiae ac laeves, ut in N: pleraeque pulcherrime rufescentes. Ibi.

## VAS XCHL.

## Tab. 13. O. P. Q.

Cochleae trochiformes minimae ac mycroskopicae. Praeter formam quam habent praecedentes Cochleae, mira etiam varietate tum colore quum figura gaudent, prout indicare placuit sub literis O, P, Q. Ibi.

## VAS XCIV.

## Tab. 13. R. S. T.

Tres Cochleae singularis formae mediae magnitudinis; duae quidem depressissimae, ex una parte umbilicatae, ex altera plano-turbinatae turbine muricato in modum stellulae, prout in R,

& S. Alteta, quæ vocatî potest scalaris scalæ gradibus elevatis ac distinctis in unaquaque spira, quæ ex parte apicis ita in planum desinit, ut ex innumeris Cochleis a me visis hæc unica sit quæ possit in apice turbinis stare corpore superius erecto duabus volutis constante, & in os rotundum desinente. Prostat hæc sub lit. T. Ibi.

## VAS XCV.

Tab. 14. V. X.

Cochleæ planæ ex una parte profunde umbilicatae, in qua os rotundum, ex altera spira in plano posita, trivoluta, & ad marginem praesertim in extima voluta tuberculata tuberculis lapillorum & arenularum confriatione aliqua ex parte consumptis. Sunt coloris subalbicans, & quodammodo variegatae, & valde differunt a praecedentibus quas diximus *muricatas*, ut exprimit V. Ex littore maris ad *Castiglione*. Sunt etiam aliae Cochleæ ex Portu Liburni forsân diuturnitate temporis albo-calcareae effectæ, aculeis acutis longiusculis praecedentis formæ, spira tamen elevata &c; ut prostat in schemate X.

## VAS XCVL

Tab. 14. Y. Z.

Cochleæ minusculæ ac mediae, perfectæ laeves, profunde umbilicatae, ore rotundo, integro, umbone plus minusve complanato; quarum aliae subalbidæ, aliae lucido-vitreæ optimèque transparentes. Earum typum ostendunt Y, Z. In fundo maris, & in concretionibus zoophyticis.

## VAS XCVII.

Tab. 14. a.

Cochleæ mediae magnitudinis ac

mycrosopicae, ferme omnes pellucidae si oculis vitro instructis conspicias, & ejusdem figuræ ac praecedentes; sed inter has adest forte aliqua portendens figuram exhibitam sub a. Sunt in hoc Vasculo 30, quæ simul sumptæ unius grani pondus non excedunt. Ibi.

## VAS XCVIII.

Tab. 14. b. Tab. 15. c.

Cochleæ diversæ speciei ac formæ, quas inter una est laevis, gracilis, pellucida, corpore subgloboso, prout habet fig. b: alia crassiuscula coloris subflavi, & figuræ, quæ videtur sub c: quaedam complanatae; & alia tandem mycrosopica bivoluta, deptessiuscula, profunde umbilicata, ore perfectè rotundo ad umbilicum versus non nihil contorto, & parum differt ab ea quam supra dedimus lit. Z. Ibi.

## VAS XCIX.

Tab. 15. d.

Cochleæ mediae, trivolutæ, laeves ad oculum, sed sub mycrosopio non nihil striatae, compressæ, umbilicatae, ore amplo ad umbilicum effuso ut in d. Sunt testa albida semipellucida ac crassa, qua maxime differunt a praecedentibus. Ex littore matis ad *Castiglione*.

## VAS C.

Tab. 15. E.

Cochleæ parvæ ac mycrosopicae; albidæ, depressiusculæ, ex una parte umbilicatae, & orbe striato; ex alteta spira prominula striata in gyrum, spira in plano posita, vel vix supra planum elevata, ore patulo, labio graci-

liore, proindeque raro integro: melius icone Equam descriptione adumbratur. Sunt praecedentibus omnibus graciliores levioresque, ita ut in hoc Vasculo contentae n. 108 unius grani quadrantem non superent. Non videntur crescere, saltem in mediterraneo, nisi ad eam molem quam in praedicta figura exprimit status naturalis, nempe circellus Schemati appositus: quod si in aliis mundi plagis grandiores ac crassiores evaderent, quamdam Cochleae scalaris speciem conficerent. In fundo maris & in concretionibus zoophyicis.

## VAS CL.

Cochleae, ut praecedentes, sed minimae ac prorsus mycroskopicae. Ibi.

## VAS CIL.

Tab. 15. f.

Cochleae minimae ac mycroskopicae spira depressa, turbine in gyrum leviter canaliculato ac striato, ut praecedentes, a quibus differunt quoad aliam partem, quae levis est & magis umbilicata, ut ostendit f. Ibi.

## VAS CIII.

Tab. 15. g.

Cochleae minimae ac prorsus mycr., spira depressa, turbine in gyrum levissime striato, ore rotundo, & ad umbilicum diversimode striatae ac papillo-sae, prout exprimit g. Ibi.

## VAS CIV.

Tab. 15. h. Tab. 16. l.

Cochleae Ammoniformes laeves, omnes prorsus mycroskopicae praeter unam

vel alteram quae est mediae magnitudinis. Testae perfecte complanatae spira utrinque aequè conspicua & prorsus aequali, ore rotundo horizontali, quarum exemplar ob oculos ponit h, Tab. 15. Hujusmodi Cochleae sunt omnino similes non quidem illis grandiusculis natis, quae in *Clusino* & in aliis forte lacubus vivunt, sed iis fossilibus origine lacustribus in l. d. *Piano di Sarteano* (de quibus in Opere *Saggio Ornitografico App. n. 247.*) & in Arvis inter *Staggia* & *Poggibonsi* in rupibus calcareis, quae prostant secus viam regiam l'lorentinam, ex quibus affatim colliguntur, ut in altero Volumine ostendemus. Eas tamquam fluviatiles describit Gualterius Tab. 4 lit. FF. Nullus verò, quod sciam, marinas commemorat. Hae nostrae sunt ex fundo maris Mediterranei (num per flumina illuc delatae?) in limo, a quo difficillime separantur quia minimae. In terris verò tum Senensis cum Volaterranis origine marinis, vulgò *Crete*, omni Testaceorum genere refertissimis prorsus desiderantur. Sunt etiam ex his non nihil striatae Cochleae, quae figuram habent exhibitam per i, Tab. 16.

## VAS CV.

Tab. 16. k. l.

Cochleae Hammoniformes minimae n. 30 ejus figurae quam ostendunt litterae k, l, nempe rugosae, striatae, aut diversimode papillosae. Has marinas autumo quum etiam in coner. zoophy., ut ut raro, reperiantur. Sub mycoscopio ex parulo ore & labiis distinguuntur ab Ammoniis, & in sua Cochlearum specie facile determinantur.

## VAS CVI.

Tab. 16. m. n.

Aliae quatuor Cochleae Hammoni-

formes penitus myroscopicæ, depressissimæ, albo-calcareæ, margine aliquando muricato. Sunt nudis oculis vix conspicuæ, quum lenticula conspectæ non distinguantur ab Hammoniis Vasis 161, & 165; sub optimo verò myroscopio cochleæ figuram ostentant & quidem ad marginem muricatam vel aculeatam, ut in *m* vel *n*. In concretionibus zoophyt.

## VAS CVIL

*Tab. 16. o.*

Cochleæ quasi Hammoniformes prorsus myroscopicæ, depressiusculæ, & quoad orbem in una sui parte similes præcedentibus cum quibus facile confunduntur, sed os habent effusius & supra Cochleæ horizontem parum elatius non nisi myroscopio distinguendum; ex altera verò umbilicata, ac spiræ revolutionibus inconspicuis. Icon habetur sub *o*. Raræ in fundo maris, minus raræ in concretionibus zoophyticis.

## VAS CVIIL

*Tab. 17. p.*

Cochleæ subglobosæ umbilicatae laeves myroscopicæ ac prorsus myroscopicæ. Sunt Testæ levissimæ, ore amplo, labio gracili, rarò ad marginem integro: ex his aliquæ sub myroscopio unionis candorem præseferunt ac pulchritudinem. Earum figura præstat sub lit. *p* Tab. 17. Unice inventæ in concretionibus zoophyticis.

## VAS CIX.

*Tab. 17. q.*

Cochleæ Bucciniformes mediæ ac

myroscopicæ superficie laevissima, corpore ventricoso vel leviter turbinato, ut sub lit. *q* Tab. 17, pellueidæ vel colore lucido-roseo imbutæ. In fundo maris.

## VAS CX.

*Tab. 17. r.*

Cochleæ minusculæ non nihil complanatae, crassæ, laeves, ore canaliculato, umbone satis depresso, spiræ brevî, vix insculpta, & ferme invisibili, subalbidæ, & circa centrum seu finem spiræ subcastaneo colore quasi in circulum maculatae, aliquando etiam per extimam superficiem leviter coloratae. Valde differunt ab iis quas describit Gualterius Tab. 65. lit. C. l. Nos damus iconem sub lit. *r* optime insculptam. In Portu Liburni, & in littore maris Thusci in l. d. *Castiglioncello*. Inveniuntur etiam fossiles grandiusculæ in terra arenaria subcinerea prope Senas in l. d. *i due ponti*.

## VAS CXI.

*Tab. 17. f.*

Cochleæ hæc mire conveniunt cum præcedentibus quoad testæ crassitiem colorem & maculas, sed valde differunt quoad figuram & oris positionem; nam globosæ sunt & os habent minime canaliculatum, sed eo modo conformatum ut innuit *f*. Ibidem.

## VAS CXII.

*Tab. 17. t. u. x.*

Cochlea perfecte globosa, quadrivoluta, apice rotundato & compresso, labio fere semicirculari &c. ut exprimit *x*. Inventæ in littore maris inter flumen

*Cecina* & *Portum Liburni*. Videtur fluviatilis potius quam marina. Accedunt aliae duae Cochleae Bucciniformis una, altera Nereiformis sub *u*, & *x*.

## VAS CXIII.

Testae turbinatae minusculae & in hac collectione maximae. Est coacervatio omnium Turbinatorum seu Cochlearum generatim sumptarum. Sunt Testae saepe leves pellucidae, & in litore maris collectae, sed non omnes marinae.

## VAS CXIV.

Testae turbinatae num. 840. mediae magnitudinis, diversae speciei ac formae. In fundo maris, & in concr. zoophyticis.

## VAS CXV.

Testae turbinatae microscopicae diversae speciei ac formae. Sunt n. 2690, quae simul granorum vix novem pondus exaequant. Ferme omnes ex concr. zoophyt. separatae.

## VAS CXVI.

T. turbinatae minimae seu prorsus microscopicae. Sunt albae vel pellucidae, aut diversimode coloratae, laeves vel striatae &c. Sunt 1930, quae licet inaequales, tamen omnes simul grana duo suo pondere non conficiunt. In fundo maris, & in concr. zoophyt.

## VAS CXVII.

T. turbinatae n. 740. mediae ac microscopicae, pellucidae, vitreo aut crystallino nitore fulgentes. Placuit has omnes Cochleas ex tribus praecedentibus Vasculis discernere; non tantum curiositatis explendae gratia dum conspiciendae microscopio subiiciuntur, sed

etiam ut quisque intelligat, plures huius generis Testas praecipue subalbicantes ac laeves nasci vitreas atque crystallinas; seu, quod eodem recidit, eas in primo nativitate ortu conflatas esse aliquando ex pellucida purissima ac nitidissima testa, quae sensim opaca fit, si ad maiorem molem excrescere earum natura patiat. Qua in re opinamur aliquas Turbinatorum species etiam in primo vitae exordio esse opacas & non nihil coloratas, ut sunt Turbines quidam granulati, praecipue qui nascuntur inter concretiones zoophyt. : alias, praesertim minimas, esse ex natura sua pellucidissimas, quem sane nitorem perpetuo servant: alias tandem esse in primo sui ortu pellucidas & coloris vitrei, sed dum adollescunt sensim in albidas, vel subopacas converti, ut illis accidit Testis, quae in ostiis grandiorum fluminum, sive in aquis dulcibus cum salsis admixtis nascuntur ac degunt.

## VAS CXVIII.

Tab. 18. *γ-c*. Tab. 19. *f-q*.

Cochleae (dic etiam Buccina ac Turbines &c.) microscopicae ex quatuor praecedentibus Vasculis selectae, quas nempe ob singularem formam, quae ceteris antecellunt, separatim collocatas & insculptas damus sub lit. *γ*, *γ* &c. Tab. 18. & 19.

## VAS CXIX.

Tab. 20. *r-c*.

Cochleae selectae ex praecedentibus diversae speciei ac formae, prout indicant literae *r*, *f*, *t* &c. Prior in hac Tabula forte mutilata est, & ad os detruncata. Omnes hae Cochleae unice inventae sunt in concretionibus zoophyticis Mediterranei; ex quo certe inferendum,

ferendum, has esse productiones non in lacubus aut in fluminibus ortas, dein ad mare delatas, sed proprie in pelago fuisse natas & altas.

## VAS CXX.

Tab. 21. D-N. Tab. 22. O-R.

Cochleae selectae, quarum duae prae ceteris eminent sphaericæ, & ex his una, quae prostat sub lit. D., est laevis unico umbilico profunde incavato praedita, altera in utraque extremitate ad polos umbilicata ac striata, ut in lit. F.

Aliae succedunt selectae Cochleae, expressae in Tab. 22. quas inter praestat una Cyprea globulosa sub lit. R. quae non nihil a duabus praecedentibus differt. Tres etiam Cochleae singulares ac rariores formae sunt, quarum prima bucciniformis, ventricosa nempe, laevis, alba, & ore sinistrorsum posito respectu incedentis Animalculi, seu, quod idem est, ad dexteram insipientis, ut exhibet lit. P, nempe contrario modo excurrentibus orbibus secus ac in caeteris Cochleis omnibus. Altera Nereidea Cochlea compressa, & ore sinistrorsum posito, ut habetur sub lit. Q. Hae sunt nobis tamquam preciosissimae, ac rarissimae Testae, quum exceptis Turbinibus Vasis 64, & sequentium, in tot Cochlearum myriadibus a nobis visis hae duae tantum forte sub oculis venerint. Tertia tandem est Cochlea sphaerica umbilicata, interne circumvoluta ac levissime circumstriata, ut ostendit lit. R. Omnes ex concr. zoophyt. excerpit.

## VAS CXXI.

Quarumdam Cochlearum Opercula

elliptica concavo-spiriformia, ossæ, lucida, planiuscula, ex una parte convexa, ex altera concava, in qua initium spirae conspicitur. Dum minima sunt videntur constare ex testa nridissima ac quasi pellucida; dum verò nonnihil excrescunt albedo-ossæ fiunt. Optime delineata fuere in nostro *Sag. Orit. app.* n. 122. fig. 65. lit. R. S. In sedimento Portusferrarii, & inter fragmenta Zoophytica reperiuntur multo majora quàm fossilia sint, ut in hoc vasculo, in quo n. 70. asservantur, videre est.

## VAS CXXII.

Tab. 22. S-V.

Opercula diversae speciei ac formae, inter quae primum duo adsunt, quorum specimen sub lit. H, minuscula, solida, rotunda, depresso, ex una parte scabra plures veluti circulos concentricos in modum striarum habent, in altera verò laeviuscula subconica pro apice detruncato medium saepe globulum rotundum prominulum gestant: priorem quidem partem scabram esse internam & capiti olim animalis inhaerentem, alteram verò laevem ex opposito extrinsecus patere, ducta ex Cochleis majoribus inductione, arbitror. Quibusnam Cochleis Turbinibusve operimento sint me later; hoc unum certum est marina fuisse, sed admodum rara in concretionibus zoophyticis.

Alia duo succedunt Opercula semipellucida expressa per T, V, quae quum sint in littore maris collecta, forte ad Cochleas terrestres vel fluviatiles spectant. Ea quae prostat sub lit. V. quamdam cum Hammoniis cognationem habet.

PATELLÆ, AURIS MARINÆ, ALIÆQUE TESTÆ UNIVALVES  
LEVITER IN SE COMPLICATÆ.

**F**amilia hujus generis Testaceorum non satis copiosa est, imo rarissima si de minimis sermo sit; nam si excipias Patellas vasis 125. anticè fixas, vix reperire est Patellam unam quæ mycoscopica dici possit. In tanta verò raritate offert nostra collectio nonnullas Testas ita conformatas, ut cujuscumque attentionem mereantur. Sunt etenim in primo hujus Capitis vasculo quatuor Patellæ singularis formæ, quæ ob apicem seu mucronem in spiram perbellè conformatum tam similes sunt Testis turbinatis præcedentis capitis, ut ad earum genus prima fronte spectare videantur. Nos diligentiori observatione ducti ad hunc locum referimus, illud tamen monentes, quod ex illis satis apparet, Naturam in configuratione quoque Testaceorum constantem hanc legem sequi, ut non tantum ab una ad aliam speciem veluti per insensibiles gradus transeat, sed etiam per minimas &, ut ita dicam, inobservabiles differentias ab uno genere ad aliud prorsus diversum sibi parare aditum soleat: quod sane cuique melius patere posse arbitror in aliis minimis Testis si earum omnes in hac collectione expressas Icones sedulo rimari, ac inter se conferre voluerit.

Nec parvipendendæ sunt duæ aliæ gracilissimæ Testæ ita leviter in se ipsas complicatæ, ut ex una parte oviformem figuram affectent, & ei quam Porcellanæ quædam habere solent valde similem; ex altera tam hiantes & a se invicem remotos habeant margines, ut vix recipiendis animalculis videantur idoneæ. Hujus generis Testæ præsertim parvæ ac mycoscopicae ex eo pretium ac dignitatem suscipiunt, quod inter fossiles rarissimæ occurrant. Quæ in re affirmare audeo, me nunquam inter fossiles invenisse patellas propriè turbinatas, aut fixas; tantummodo in terris Volaterranis testam reperi perelegantem in se complicatam ei quæ prostat in vase 129 satis persimilem, ut alibi dicemus.

Unde verò oriatur hujusmodi Testarum inopia in fossilibus non satis intelligo. Non videtur quidem ex sola testæ gracilitate & exilitate fluere, quum æque graciles & exiles conchulæ bivalves in quibusdam terris Senensibus & Volaterranis habitent frequentissimæ, ut in secundo volumine ostendimus: sed tamquam verosimilius censemus raritatem fossilium vel ex ipsa nativarum raritate pendere, vel potius ex ipsis locis submarinis quæ incolunt ut indige-



nae, Patellae nostrae, quaeque minime analogae sunt Senensibus aut Sanquircensibus, ex quibus erui solent omnis generis Conchylia minuta ac minima.

Quae ut paulo fusius prosequamur; non desunt loca in tellure, quae licet ab Oceano longe remota, tamen respectu Testarum, aliarumque rerum quas continent, subaqueanis optime congruunt: alia enim cum littoribus & ripis conveniunt; Alia praesefcunt aliquid simillimum fundo maris non tamen admodum dissito ab oris marinis; alia substantiam ostentant ferè eandem quam offerunt strata submarina ex Testis & Zoophytis compacta, cujusmodi sunt circa radices quarundam Insularum, ac pleraque Mediterranei loca corallifera; alia denique profundioribus respondent hodierni maris abyssis maximo intervallo procul positis. Quum igitur ad hoc postremum analogiae genus pertineant memoratae terrae Senenses, minime verò ad tertiam classem, idest ad concreciones illas zoophyticas, ex quibus excerptae sunt Patellae, consequitur, ut id genus Univalvia Fossilia perquirenda sint non in ipsis figulinis terris Senensibus, sed potius in rupibus vel stratis terrestribus testacco-zoophyticis, quae etiam in Etruria nostra non desiderantur, ut alibi ostendam. Interim quum rupes & strata hujusmodi saepius in soliditatis statu occurrant, vel ex hoc difficile redditur Univalvia id genus inter fossilia reperire; id quod aequè valet de Conchis Anomiis, ut in capite VIII. hujus Voluminis disseremus. En igitur unde oriri verosimilius potest haec Patellarum fossilium caritas.

Sed ut ad nostras Testas nativas redeamus, quo rarior eo pretiosior haberi debet curta haec Univalvium collectio.

## VAS CXXIII.

Tab. 23. A-C.

Patellae mediae magnitudinis seu etiam mycroskopicae, ab ore amplo subrotundo ad apicem usque levissime striatae, in quem plus minusve cochleatum seu turbinatum conspirant. Num ei similes, quam Linnaeus vocat Patellam *Neritoidcam testa integra ovata, apice subspirali, labio laterali?* Definitio haec magis fortasse congruit caeteris minoribus, quarum specimen damus Tab. 23 sub lit. B, C, quàm majori quae ibi prostat sub lit. A. Haec porro est summe rara, & extra marginem in spiram, Cochlearum more, ita con-

voluta, ut a Testis turbinatis vix differat. Omnes ex concr. zoophyt.

## VAS CXXIV.

Tab. 23. D. E.

Patellae minusculae ac mediae. Sunt Testae subconicae, fixae, foris striatae aut leviter muricatae, intus levi-crenatae; vertice non nihil intorto, aut levissime cochleato: a margine ad medium incisae. Sunt rariae in Mediterraneo.

## VAS CXXV.

Tab. 23. F. Tab. 24. G.

Patellae fixae membranaceae me-  
H 2

diae aut myroscopicæ n. 203. Sunt Testæ quasi pellucidae, & ita delicatulae, ut omnes simul unius grani pondus, seu unam quingentesimam septuagesimam sextam unciae partem vix superent. Sunt foris vel laeves vel levissime striatae striis a compage media longitudinali circa verticem recurvum quasi elliptice per totam superficiem recurrentibus, ut sub lit. F. Sunt forte ex earum familia quam Galli vocant *Le petit Cabochon F' Entaille*; & fortassis analogiam habent cum illa, quæ ab Argenvillieri Editoribus descripta prodit *planche* IV. M<sub>1</sub>-M<sub>1</sub> tamquam microscopica; sed quum in schemate ad optimi microscopii gradum aucta non fuerit, confusa prorsus apparet. Hæc nostræ in coner. zoophyticis unicè inventæ.

## VAS CXXVI.

*Tab. 24. H.*

Patellæ quatuor laeves subconicæ, apice rotundato, nulla fixura prædita, & ejus figuræ quam indicat lit. H. Habitat in fundo maris, legunturque etiam in littore.

## VAS CXXVII.

*Tab. 24. I-L.*

Patellæ minusculæ ac mediæ, læ-

ves vel striatæ, diversæ speciei ac formæ. Sunt vertice aliæ clauso, ut in K & L; aliæ perforato, non quia natura sua ita fuerint viventes, sed quod lapillorum & arenularum agitatio mucronem aboleverit; omnes enim collectæ in littore maris Tyrrheni ad *Castiglione*.

## VAS CXXVIII.

*Tab. 24. M.*

Auris marina minuscula, subrotunda, levissime striata, fusco colore obrita, intus argentea, tribus vel quatuor foraminulis prædita. Parum difert ab iis Testis, quas describit Gualterius *Tab. 69. lit. L.*

## VAS CXXIX.

*Tab. 25. N, nn.*

Testæ quatuor minusculæ, & una minima, laeves vel striatæ, subpellucidæ, perbelle ad unum extremum in se complicatæ, ad alterum ita in subellipticam formam hiantes, ut ex hæc parte vix contegi in eo degens animal possit, nisi in anfractibus concretionum zoophyticarum, ex quibus excerptæ sunt, viventes tuto latere dicendæ sint. Prostant sub lit. N & nn.

## CAPUT III.

TESTÆ TUBULITICÆ AC VERMICULARES  
ETIAM COCHLEATÆ.

**T**estae Tubuliticae, de quibus in hoc cap. sermo est, non erunt *Antales* nec *Dentales*, quos passim Auctores describunt, sed aliae quaedam vel minusculae vel microscopicae, quarum nonnullas minus notas Scripto-ribus autumamus. Haec verò vitreae sunt, nempe ad vitri pelluciditatem ac-cedentes, quae tamen decursu temporis, vel alia ex causa, etiam ipsae opacae fiunt & albo-calcareae. Inter priores eminent tum Testae perfectè conicae, laeves, ad basim apertae, clausae semper ad apicem in acumen desinentem, quum etiam subconicae ac cylindroideae, vel laeves, quae apud nos audiunt *Fistulae laeves*, vel striatae in modum asperae arteriae, quibus proinde *Fistulae asperae* nomen inditum. Super his consule Vas 135 & sequentia. Haec iuvat animadvertere quod Testas, quas dicimus perfectè conicas, plures fos-siles minutas ac minimas, & quidem saepe ferrea substantia, quandoque py-ritacea ac subaurea nitente, plenas offert quaedam terra virgo Senensis ad fluvium *Tressa*, ut suo loco patebit. Ex alterius verò generis Testis *Fistulis laevibus asperisque* ne unam quidem fossilem reperi; num quia Conchylia hu-jusmodi non nisi concretionum zoophyticarum sunt indigenae?

Inter Testas opaco-calcareas occurrunt, praeter alios, Tubuli circumnodosi, & saepe illi, quos vocamus *anulatos*, ac tandem vermiculi cochleati. De his omnibus in exordio hujus capituli aliquid praefari necesse est. De circumno-dosis quidem egimus in Appendice ad *Saggio Ornitografico* n. 82, ubi animad-vertimus quasdam argillas cinereas martiales positas ad Sud-Est *Sandli Quirici* ita refertas esse hujusmodi marinis productionibus, ut eorum ubertatem me-rito admirentur Spectatores. Verùm ab illis toto coelo distant nostri nativi in concr. zoophyt. & in fundo maris reperi; nam dum illi fossiles sese produnt breves, crassos ac fere regulares; nostri verò, de quibus sermo nunc est, lon-giusculi sunt, graciliores, ac tam vario modo apparent circumnodosi, & qui-busdam irregularitatibus praediti, ut dubium mihi pluries subortum sit an revera sint Testae sui generis, an potius quorundam zoophytorum partes. Plu-ra horum specimina damus in Tab. 27, ex quibus, praesertim ex iis quae sunt sub lit. *nn* & *oo*, facile apparet, hujus generis Testas prius esse ex una parte vermicularcs, tubulo laeviusculo, minime nodoso, graciliore, nec sem-per recto, sensimque in multo crassiorcm & circumnodosam testam exresce-

re. Ex quo etiam eruitur Testas hasce prorsus esse irregulares tum nodorum numero ac distantia, tum etiam varietate ac dispositione partium. At quoniam intus vacui semper sunt, vacuosque etiam habent prominulos nodos, ideo nihil dubii quin fuerint quorundam animalculorum, saltem ex genere zoophytorum domunculae. Num eadem sunt quas Gualterius Tab. 19. sub lit. R, S?

Ad Tubulos circumanulatos quod spectat, dicimus, hos maxime a praecedentibus differre, quod multo illis minores sunt ac fere microscopici, quod vitrei sint coloris, ac tam delicatuli, ut nunquam (si unum excipias insculptum sub lit. xx Tab. 27.) integri inveniantur. Discrepant insuper quoad testam, tum etiam quoad annulos, quos si habeant vel erosos vel consumptos, testam ipsam tubuliticam ostendunt laevem aut leviter in gyrum striatam striis aliquantulum elevatis, ut indicant literae A, B, C, D Tab. 28. Inde facile eruitur cur inter fossiles nusquam reperiuntur hujus generis Testae.

Quidam etiam occurrunt Vermiculi cochleati seu spirales, quorum plures quum se nobis obtulerint omnino regulares & in regularem formam, nempe cochleatam, dispositos, videbantur exposcere ut collocaerentur atque insculperentur inter Testas Turbinatas & regulares: at omnem hac super re suspicionem, primo aspectu subortam, denique abstulerunt sequentes observationes. Nostri Vermiculi a veris Cochleis differunt, primò quod illi semper albo-calcarei sint, illae verò testæ subpellucida saepe praeditae. Secundò hi quasi parasitici alienis corporibus perpetuò inhaerentes vivunt, ac proinde inferior eorum superficies qua adhaerent, vel omnino plana est, vel disrupta omnem orbium internam circumvolutionem patefacit, quod nunquam in cochleis conspicitur. Tertiò tandem, vermiculi cochleati aliquando os habent in formam erecti canaliculi plus minusve extra superficiem prominuli; in Cochleis verò etiam planis ac depressis os idem a via spirali nunquam deflectit, neque ultra orbium planum longius assurgit. Haec profecto sunt, quae quum etiam ex tabulae iconibus pateant, in causa fuere cur omnes hasce pseudocochleas ad Testas vermiculares transtulcrimus.

Alii sequuntur Vermiculi, quos dicimus *Crustaceos*, quia ex parte saltem superiori, quae non nihil scabra est atque convexa, conformantur in morem crustae, nempe compressi sunt, planiusculi, saepe subrotundi aliquando irregularis figurae; ex alia verò parte, qua alienis corporibus constanter affixi manent, parum differunt a praecedentibus cochleis pseudoparasiticis; sunt enim in illis saepe Vermiculi intus degentes in spiram seu cochleam convoluti: alii verò irregulari modo serpentes, quorum sinus & anfractus interni nunquam conspiciuntur, nisi postquam nostrae Crustae ab extraneis cor-

poribus divulsae, seu sponte deciduae inferiorem sui superficiem ostenderint. Sub una eademque crusta duo aliquando latent vermiculi, ut ex eorum iconibus obvium ratumque.

Tandem alii succedunt Vermiculi subglobosi, vel etiam irregularis formae, omnes pseudoparasitici, qui actu insident algae, vel alius marini fruticis filamentis levissimis ac subtilissimis, quorum unum, vel plura simul, fortiter & inseparabiliter complectuntur. Cujusnam formae praecise sint domunculae, vel interna loculamenta ab uno vel etiam pluribus simul animalculis inhabitata res est solutu difficilis ob summam eorundem Corpusculorum exilitatem. Diutius super his aliisque vermiculis pseudoparasiticis non immorabor, quum ex ipsa descriptione Vasculorum, & Iconum inspectione per se quisque ea omnia facile percipiat, quae in hac re scitu digna aut videri aut esse quomocumque possunt. Quae verò pertinent ad Testas pseudoparasiticas generatim sumptas videsis ad Caput quintum paulò fusius explicata.

## VAS CXXX.

Tab. 25. O. P.

Tubuli n. 55. perfecte conici, recti, maxime acuminati, idest in acutissimum apicem desinentes. Sunt ne Testae sui generis, integrae, uniloculares? Pellucidi quidem sunt ac superficie laevissima, ex una tantum parte idest ad apicem clausi, ex altera patentes latius, rarò integri, utpote aliis Testis graciliores. Non infrequenter adsunt etiam fossiles in aliquibus argillis profundioribus prope Senas non quidem pellucidi sed albo-calcarci efficti, & aliquando pyrite nigro vel subaureo repleti. Iconem habes sub lit. O. P. Ex limo maris ad Portum Ferrarium, & a corpusculis quasi natantibus separantur.

## VAS CXXXI.

Tab. 25. Q. R.

Tubuli (*Cornua*) n. 52. subconici, vitrei ac summe laeves, ut praecedentes,

apice acutissimo, sed instar cornuum non nihil inflexi, ut ostendit lit. Q vel R. Rarò inveniuntur in fundo maris, & forte ad alias Testas mihi ignotae partes spectant, ut ex sequentibus comperiemus. Nusquam fossiles inveniuntur.

## VAS CXXXII.

Tab. 25. S.

Testa maris ignota, minuscula, non integra, pellucida laevissima ac fragilis, & apophysibus praedita. In hac insculpta sub lit. S apophyses, & productiones (ea praecipue quae pro cauda est) in cornu morem conformatae satis indicant, plures ex tubulis praecedentibus, pluresque etiam ex sequentibus ad hujus Testae partes pertinere. Haec Testa, quam, nisi cauda unita obsisteret, ad Bivalvium genus amandarem, summa diligentia excerpta est ex concretionibus zoophyticis.

Tab. 25. T. V. X.

Accedunt & alia fragmenta tubuli-

rica canaliculata, ex una parte acuminata & clausa, ex altera aperta, prout in T, V, X. Nisi hæc pertineant ad præfatae Testæ genus, nescio ad quasnam præcise conchyliorum aut zoophytorum partes referri possint.

Tab. 26. Y.

Tandem est Tubulus spinosus, seu in extima superficie undique aculeis obsitus, apice rotundato, clauso, intus vacuus, prout in Y. Unice ex concr. zoophyt.

#### VAS CXXXIII.

Tab. 26. Z.

Tubuli vitreo-pellucidi, vacui, testa laevissima ac fragilissima. Ex his alii sunt minusculi, conici, utrinque aperti (duorumne præcedentium partes?) Alii crassitie minimi, sed longiusculi conico-subcylindroidei ut in Z, ac cum spinis Echinorum facile confundendi, nisi microscopio conspecti vacui apparerent, & absque ullo prorsus in extremitate nodulo, quo semper præditæ esse solent Echinorum aciculæ. In fundo maris, & in concret. zoophyticis.

#### VAS CXXXIV.

Tab. 26. aa-ee.

Tubuli cylindroidei vel subconici n. 232. (*Fistulae laeves*) minusculi, & in hac specie maximi, vix tamen excedentes unius lineæ longitudinem. Sunt vitrei, pellucidi, superficie laevissima, & aliquando striata, striis nudo oculo inconspicuis, non nihil intorti, ex una parte semper aperti, in qua labium prostat raro circumanulatum, ex altera constanter clausi, quæ pars

extrinsecus rotundata & convexa, interne concava; ideo Tubuli hujusmodi videntur ad animalculum recipiendum aptissimi. Sunt Testæ integræ, & ex natura sua vitreo-pellucidæ, nisi aliquando in subalbidis ex iniuria temporis versæ sint. Formam præseferunt quam habent aa, bb, &c. In fundo maris ad *Portumferrarium*, & in concr. zoophyticis copiose latitant, nunquam tamen fossiles a me repertæ.

#### VAS CXXXV.

Tab. 26. ff. gg.

Tubuli n. 98. (*Fistulae Asperæ*; sic eos ob rei novitatem vocare placuit) minusculi, & in hac specie maximi, non nihil intorti, pellucidi vel subalbidi, intus laeves, foris in gyrum levissime striati; seu melius, circulus frequentissimis ita exasperati ut merito asperam arteriam, ut vocant Medici, quammaxime imitari videantur. Patent semper ex una parte, ex altera clausi sunt, ex qua in integris brevis quasi cauda producitur, ut exprimit ff, in qua unus prostat triginta circulis insignitus; alter sub lit. gg usque ad medium ornatur circulis, reliqua parte ad oris usque labium laevissima. Rati in fundo maris, frequentiores in concr. zoophyt.

#### VAS CXXXVI.

Tab. 26. hh.

Tubuli ut præcedentes, sed mediis ac microscopici. Aliquando etiam minimi ab aliis multo minoribus animalculis perforantur foraminulo subellyphico. Conspectur horum unus sub hh, qui etiam a ceteris in cauda differt, forsitan quia disruptus. Ibi.

VAS

# CAPUT III.

## VAS CXXXVII.

Tab. 16. ii. *kk*. Tab. 17. *ll-vv*.

Tubuli *armillati* armillis vacui, non aequè distantibus, seu irregulariter juxta longitudinem, quae plus minusve se se extendit, prominulis. Differunt ab iis Tubulis, quos n. 82 nodosos in Append. nuncupavimus; quia illi sunt breves & omnes aequales inter se, hi nostri prorsus inaequales: in illis nodi sunt intus pleni, in his anuli vacui, ut *ii*, *kk* &c. Habent aliquando inhaerentes Cochleolas ut *ss*, *tt*. Sunt ne Testae sui generis integrae, an potius quorundam Zoophytorum partes? Num iidem quos Ind. tab. 19. R, S tradit Gualterius? In Portuget. & in concr. zoophyt.

## VAS CXXXVIII.

Tab. 17. *xx-yy*. Tab. 18. *zz*. A. B.

Tubulus *anularis* subcylindricus albolucens, delicatulus, figurae *xx*. Erat integer 10 anulis constans, longus tres circiter lineas, modò ob summam fragilitatem in duas partes divisus mauet.

Adsunt alii Tubuli anulati non integri *yy*, *zz* &c. In his praeter anulos vacuos est quoque tubus ab ore ad apicem usque intus recta procedens, circa quem frequentissimi disponuntur anuli, an inter se communicantes, nescio. Unice in concr. zooph.

## VAS CXXXIX. Tab. 18. C. D.

Tubuli cylindroides *striati* striis parallelis, regularibus & in superficie prominulis. Striae videntur ortae ex ipsis, quibus per totum corpus, ut praecedentibus, instruebantur anulis, qui quum vacui fuerint facile disrumpuntur, & strias exhibent, ut C, D. Ibi.

## VAS CXL. Tab. 18. E.

Vermis *elater*, nempe in morem elateris exacte conformatus. Est tubulus

utrinque apertus, forte non integer, cortice ita levi ut ad oris flatum avolet. Nunc sex linearum longus, evolutus verò ac distensus foret linearum 15. In littore. Accedunt irregulares Tubuli ac Vermiculi vario modo intorti. Sunt Testae solitariae aut parasiticae, minutae, Conchyliologis alioqui satis cognitae.

## VAS CXLI.

Tab. 18. F.

Vermiculi pseudoparasitici cochleari, quorum plerique os habent prominulum, & supra spiram elevatum: id innuit, hos aliosque sequentes magis regulares Vermiculos a Cochlearum genere dissentire. Dicuntur pseudoparasitici, quia Corpusculis sub mari degentibus affixi vivunt. In Mediterr.

## VAS CXLII.

Tab. 18. G, H. Tab. 19. I.

Vermiculi pseudop. n. 970 minusve ac minimi, in spiram omnes tribus vel quatuor revolutionibus ita regulariter semper intorti, ut primo intuitu, saltem ex una parte, cum Cochleis depressis confundantur. Saxi, zoophytis, ac saepe tenerrimis ramulis herbisque adhaerent, quibus putrefactis, atque consumptis, ad fundum maris decidunt, in quo cum limo solitarii reperiuntur. Sunt vel laeves rotundati, vel striati &c. Ibi.

## VAS CXLIII.

Tab. 19. K-Q. 30, R-cc. 31, dd-ff.

Vermiculi Cochleari pseudop. laeves vel levissime crispati, aut diversimode striati, canaliculati, papilloso &c., striis vel canaliculis insculptis juxta testae longitudinem, seu orbium directionem: selecti ex praecedentibus. Horum icones sunt K, L &c. Unus ff.

adhuc haeret Algae marinae folio. Interea facile est animadvertere primò, ex his Testis alias a sinistra in dexteram ut H, I, alias contrario modo seu a dextera in sinistram revolvì, ut K, L, N &c. Secundò eas omnes, quamvis summam habeant anfractuum & orbium regularitatem, tamen a veris cochleis in eo differre quod sint parasiticae, & ex illa parte, qua extraneis corporibus insident, sint semper planiusculae eum spira vel invisibili, vel ab ore ad umbilicem seu centrum usque tota per vacuos orbes conspicua.

## VAS CXLIV.

Vermiculi *crustati* pseudop. Sunt Testae albo-calcareae planiusculae, subrotundae, & quasi irregulares, hinc tantillum convexae scabriusculae, inde planae laeves & per sinus foraminosae: quae tria Vermiculis ideo accidunt quòd corporibus laevibus olim adhaerentes vixerint. Non videntur excrementa, aut tegumenta ad ova sua recondenda a Vermiculis efformata, sed Exuviae sui generis, idest quorundam vermium domunculae, quas in crustarum morem conformatas vocamus Vermiculos *crustatos*. Horum innumerae sunt varietates, quarum paucas seligimus pro sequenti. Id genus vermiculi 2220. vix grana 9 suo pondere conficiunt. Portusf. & coner. zoophy.

## VAS CXLV.

Tab. 31. gg-kk. Tab. 32. ll-oo.

Vermiculi *Crustati* ex praecedentibus selecti. Horum icones ostendunt: primò Vermiculos sub crusta latentes saepe in spiram, quamvis irregulariter, contorqueri, ut gg, hh &c: quod argumento est plures alios ex praecedentibus in orbem usque ad medium saltem crustae convolvi, etiam si id non semper ex foraminulis pateat: secundò hos

esse perfecte integros; nam praeter unam extremitatem saepe circa medium crustae os habent fere semper ad circumferentiam positum; tertio tandem plures esse sub una aliquando crusta vermiculos, ut in kk tab. 31., ubi unus sub crusta latet irregulariter serpens, alter in spiram convolvitur os habens ad partem crustae elevatum.

## VAS CXLVI.

Tab. 31. pp-ss.

Crustae, seu Vermiculi pseudop. subglobosi, subcylindracei, vel etiam irregularis formae. Sunt vermes Testacei, submolluscae, qui algae praesertim vel aliis herbae marinae filamentis innixi ea arctissime circumplectuntur, & ab iis figuram semper variam induunt ut in pp, qq, &c. Quum varietates describi haud valeant, animadvertemus, ex his aliquos esse consructos in formam eoni vel vacui cylindri; vacuum verò, quod saepe in longum conspieitur, non oritur ex loco aut situ ab animalculo inhabitato, sed ex filamentis ipsis quae lapsu temporis tandem aliquando interiire. Qui in hoc vasculo n. 400, simul omnes eum filamentis, quibus adhaerent, vix unius grani pondus conficiunt.

Porro desumpta ab aliis similibus corpusculis analogia satis innuit, has crustas non esse nidos aut foeturas, intra quas marini errantes vermiculi ova sua olim deposuerint, ita ut semel ac foetus lucem aspexerint, nidos & ovorum suorum asylos relinquentes originem dederint huiusmodi productionibus. In fundo maris.

## VAS CXLVII, CXLVIII, CIL.

Praecedentium miscellae, quae Tubulos ac vermiculos continent minutos, medios, ac minimos.



# CLASSIS SECUNDA

35

TESTE POLYTHALAMIÆ SEU ETIAM UNILOCULARES  
MINIMÆ, ET POLYMORPHÆ

## C A P U T IV.

NAUTILI ET AMMONIÆ.

**P**Ræter ea quæ dedimus jam in Appendice ad *Specimen Oryctographicum*, ut ad calcem alterius Voluminis iterum attingemus, alia occurrunt dicenda de Nautilis & Ammoniiis. Ibi, jam præmissa distinctione inter Nautilos & Ammonias, plures utriusque Testæ species attulimus ex prototypis fossilibus unice desumptas; non enim tunc nobis erant cognita hujusmodi Conchylia Maris nativæ. Nunc verò exponendæ sunt hujus generis Testæ nostri Tyrrheni maris incolæ, ut sic, facta comparatione inter nativæ & fossiles, clarius pateat postremas hasce esse easdem præcise domunculas etiam nunc a marinis animalculis inhabitatas.

At præter quasdam Nautilorum & Ammoniarum species fossilibus similes, alias dabimus prorsus novas, & Naturalis Historiæ amatoribus hucusque incognitas, aut certè a nemine delineatas. Sunt quidem non nulli Auctores, qui de Nautilis & Ammoniiis egerunt, Janus Plancus, Targionius, Breynius, alique: sed hi omnes tam pauca hac super re scripserunt, ut respectu varietatum, quas præseferunt id genus Testæ tum nativæ cùm fossiles, non verear asserere provinciam hanc manere hactenus non satis exploratam. Defectui melius, quoad fieri potest, occurrens dabo novas species nativæ in præsentī capite, alias fossiles exhibebo in secundo Volumine. Quibus omnibus si addantur eæ quæ prostant in Appendice ad *Specimen Oryctographicum*, habebimus quamdam Nautilorum & Ammoniarum completissimam collectionem. Qua in re animadvertamus oportet, Nautilos & Ammonias esse Testas rotundas, planiusculas, polythalamias, in spiram convolutas; quæ quidem spiræ circumvolutiones juxta definitionem a Breynio traditam, si intus lateant inobservabiles indigitant Nautilos, si verò etiam extrinsecus appareant Ammonias expriment. Quam sane distinctionem non ita religiose servabimus, ut nunquam postremas hasce cum prioribus confundamus; quæ enim lex esse potest in tam exiguis ac minimis Testis, in quibus ita delite-

scere internos spirarum orbes videmus, ut thalamos eorumque dispositionem divinare potius quam describere valeamus?

Sed ut mentem hac in re nostram paulo fusius explicemus, hæc generatim notanda proponimus. Primò: Conchyliographi tam pacua de minimis in vulgus ediderunt, ut nec methodum nec nomenclaturam ab ipsis mutuari poterimus. Linnæi methodus in distributione Testarum magnarum vel etiam minuscularum optima quidem est ac religiose servanda; verùm pro minimis describendis minus parem se prodit, quum minima Conchylia, exceptis paucis, non in operibus jam pervulgatis & a Linnæo citatis, sed in ipsius Naturæ penetralibus sint unice perquirenda. Linnæus jam pridem in aureo suo Naturæ systemate monuerat, quod *Nautili plurimi etiamnum in abyssu pelagi latent; varii horum tam parvi, ut armatis oculis examinandi*. Ipse igitur hos non vidcrat, nec describere proinde poterat. Nos verò plures tum ex antiquis, sub dio nunc positis, abyssis maris præsertim Sencensibus, cùm etiam ex concretionibus zoophyticis Testas minimas bene multas collegimus, collectas descripsimus.

Secundò: quum descriptionem hanc ab intrinseca animalculi oeconomia, ob summam testæ exilitatem, desumere minime poterimus, necesse fuit, ut ex figuræ ac substantiæ diversitate colligeremus. Identidem tamen neglecta substantiæ ratione, ex sola quadam exteriori configuratione Testæ genus desumpsimus; ut accidit in Nautilis & Ammoniis, in quibus nullo habito respectu ad substantiam pellucidam, margaritaceam vel semper albo-calcaream, omnes non tantum ad idem genus, sed ad unam eandemque speciem retulimus; quod etiam valet de Nautiliformibus & Ammoniformibus Testis. Ipsa quoque Orthoceratia inter se aliquando substantia differunt, ut *villosa* vasis 235, quæ ab aliis omnibus quoad substantiam ita discrepant, ut in unum cum ceteris album aegre admodum redegerimus.

Terpiò: qui de distributione grandiorum Conchyliorum cogitant, quum hæc ob oculos semper habeant manibusque versent, sane fit, ut quadam eorum proprietate pro discrimine semel statuta, in classes, genera, ac species facile valeant distribuere. Verùm non ita de minimis sentiendum; quum nequeant hæc definiri, nisi præcesserit eorundem ichnographia microscopii auxilio elaborata, sequitur, ut a rigida, quæ optaretur, methodo opus fuerit in iis describendis non parum recedere. Attamen si quis attente contemplatus fuerit secundæ Classis Conchyliæ polythalamia vel etiam monothalamia minima aut Polymorpha, non mirabitur quod quæ ad unum idemque fortasse Nautili genus retulisset Linneus, ad quatuor capita protendere ipse maluerim. Sed jam ad Nautilos & Ammonias nostras revertor.

Non est silentio praetereundum, in Ammoniis praesertim subglobosis, & in iis quas dicimus *vulgatissimas*, seu *Beccarii*, spiram ex una parte satis conspicuam se se prodere, in altera vero ita saepe occultari, ut non nisi prioris orbis thalami, veluti totidem tuberculi, in circulum vel in unum commune centrum coeuntes emineant, prout ex primis Ammoniarum vasculis cuique compertum erit. In his itaque pars Ammoniae, in qua fere tota spira delitescit, & ad quam spectare solet os animalculi inhabitantis raro apertum, saepissime clausum, si vocetur *superior*, altera ex opposito, ubi thalami in plures orbes usque ad centrum sensim quidem at non inconspicuè contrahuntur, dicitur *inferior*. Profecto in his Ammoniis, praesertim majoribus, illud accidit, ut in hac inferiori parte spira integra ac visibilis modò a sinistra in dexteram, modò a dextera in sinistram diversis gyris revolvatur: quo sane fit ut in primo casu habeantur Ammoniae *dexteræ* (ad sensum Cochlearum, quas Conchyliologi in dexteræ & sinistras seu contrarias dividunt), in altero verò *sinistræ* seu *contrariæ*. Sic spectatis figuris Tabulae 34. 35 & 36, si Ammoniae sub lit. K. O. R. T. dicantur dexteræ, semper ad sensum in Turbinatis expressum, eae quae prostant sub lit. L. M. N. P. Q. S. erunt sinistrae, in quibus nempe os incedentis animalculi erit sinistrorsum positum, contraria omnino directione orbibus spirae excurrentibus; prout patet cuique omnes hie exultas Ammonias vel leviter insipienti. Quae verò sit inter utrasque proportio, quamvis id difficillimae indaginis sese ostendat, quum in aliquibus littoribus ferme omnes dexteræ, in aliis pene omnes contrarias invenerim; tamen ex nostis indiscriminatim sumptis numero quadraginta Ammoniis majoribus reperi vigintiquatuor dexteræ, sexdecim sinistras.

Aliis Ammoniarum speciebus saepe idipsum accidit. Intueatur quis tabulam 51, in qua duae describuntur Ammoniae *trochiformes* maris nativæ *ii*, *kk* (eaedem sunt ac illae fossiles, quas in App. descripsimus tab. 2. fig. 16. V. X); porro prospiciet sub *kk* Ammoniam dexteram, sub *ii* Ammoniam sinistram, & in utraque orbes contraria directione excurrentes, prout indicant numeri 1, 2, 3, 4, 5, &c. Ipsa quoque Ammonia pseudoparasitica (*//* ejusdem tabulae algæ marinae folio inhaerens) est sinistra, quae cellulas 24 exhibet in spiram magis visibilem convolutas, dum interim quae prostat in App. ut supra fig. X, dextera est, majori thalamorum, nempe 33, numero praedita. His Testis inesse solet ad priorem thalamum oris vestigium in quadam rimula haud semper facile conspicienda.

Quoniam autem de nativis agendum est, instituti nostri ratio postulat ut indicemus quae nam sint maris loca ab his Animalculis frequentata. His locus proprius, cujus indigenae, videtur esse profundior Pelagi abyssus, aut

saltem maris fundi a terris remotiores & ab aquarum superficie justa proportionem dissiti, in quibus sane regionibus vivere solent pulchriores Nautili & Ammoniae microscopicae, praecipue quae pellucidum vel unionis splendorem praeseferunt. Venustiores quidem Testae hujus generis polythalamiae, quas caput praesens complectitur, non ex ripis maritimis, neque ex portu aliquo, sed majori ex parte colle ctuae fuere ex concretionibus zoophyticis & lithophyticis, saepe rubra Corallia seu Isides nobiles continentibus, quas in imis Pelagi locis & a littore valde dissitis consistere ac vivere omnes norunt.

Ceterum Ammoniae *Beccarii* vulgarissimae ac semipellucidae ejus naturae videntur esse, ut libere, dum vivunt, per mare vagentur; ex quo fit ut a fluctibus facile deferantur ad littora, quorum arenulae ita aliquando hisce Testis redundant, ut ex paucis unciis plura Ammoniarum millia nobis aliisque colligere datum sit.

Paulo verò depressior esse solet quorundam Nautilorum, & aliarum Ammoniarum etiam levissimarum incolatus & cursus in aquis, ut ex observationibus tum in sedimento maris tum etiam in terris non admodum circummarinis facili negotio demonstratur. Id praecipue accidit in ea specie Nautilorum, qui apud nos audiunt *striati communes*, & a Linnaco *crispi* vocantur. Illi quidem, non ut *Beccarii* Ammoniae *per summa aequora velificant*, ut Plinii l. 9. c. 33 verbis utar, sed quaedam loca submarina fere semper inhabitant, quae nec profundiora admodum sunt, nec maris superficiei ita proxima, ut ad littora rejici facile possint. Hinc sequitur ut ubi afflatim colliguntur Nautili, rarae reperiantur Ammoniae, & vicissim. In terris Senensibus sabulosis subflavis vel ochraceis abundant Ammoniae *Beccarii*, desiderantur Nautili *crispi*; in terris verò cinereis humilioribus copiosiores adsunt Nautili, dum interim vix una habetur Ammonia: in terris tandem plasticis & figulinis, quae veram abyssi maris praeseferunt ideam, utraque species aequè desideratur.

Ex jam praejectis fundamentis satis verosimiliter explicatur ortus ac genesis quorundam collium Pisanorum in locis d. *Casciana*, *Parlascio* &c., qui ex Nautilis *crispi* fere ex integro componuntur. Oh rem prorsus mirabilem! Quae partes in lapide Fesulano (vulgò *Macigno*) prope Florentiam, & in eo, qui dicitur *pietra serena della Golfolina*, sunt arenulae vel crystalli minimae, eadem in memoratis Collibus sunt Nautili & Ammoniae plus minusve calcareo succo, seu, quod eodem recidit, aliis gracilioribus Testis solutis conglutinatae. In his porrò locis alia aliis superincumbunt strata plurima, quae aut in solida concrevere, aut solutis partibus, vel facile friabilibus constant. Si solida, ut in lautomiis seu lapidicinis in l. d. *Casciana*, co-

piose lapides offerunt ad aedificia construenda, & pro ipsis etiam ostiorum liminibus, columnis, aliisque solidioribus domorum ornamentis utuntur passim regionis illius incolae. Quod si strata organicis illis corpusculis discretis coalescant, tunc arborum plantationi, & segetum cultui materiam praebent ad oculos sabulosam sed oppido fertilem, quum & ipsae Testae in granulorum morem conformatae haud difficulter decursu temporis abeant in pol- linem impalpabilem.

De his ipsis collibus & de eo praesertim in l. d. *Parlascio* loquens, de naturali Etruriae historia optime meritis, Targionius noster (*Viaggi* Tomo 1. pag. 277) ait: *Le pietre che più vi abbondano, anzi che sole formano l'ossatura di questa vedetta di Parlascio, sono le Lenticolari, o Numismali. Io certamente rimasi sorpreso in vedere una sì prodigiosa quantità e varietà di simili pietre, delle quali ne' più forniti Musei, si conservano con gelosia piccole mostre. I filoni di esse sono inclinati per lo più da mezzo giorno a Tramontana, e sono di diverse grossezze, fino a quella di 6. braccia. Quamvis igitur ipse Targionius vocet hos lapides Lenticulares, Frumentarios, aut Numismales, id tandem pro certo ex observationibus haberi debet lenticulas illas esse quidem omnes organica marina corpora, non verò frumentaria ad sensum Capitis IX, quia haec ibi forte omnia deleta jam fuerint; neque Cochlearum opercula, ut male contendit Bourguet; non alias cujusvis generis lenticulas, ut Scrofanenses in agro Senensi, aut eas quae è Cormons in agro Foro-Julienensi erui solent, prout infra ad vas 199 dicemus; sed fere omnes sunt Nautili & quidem ex iis quos *crispos* vocat Linnaeus, nos *striatos communes* Vasis 153, striis tamen plerumque oblitteratis, cum paucis *Beccarii* Ammonii admixti. Horum Nautilorum quanta sit ibi copia, sumptum ex lapide illo friabili experimentum ostendit. Nam intra semiunciae dimidium, seu grana 188 illius lapidis, continentur Nautili *crispi* n. 10114, Ammoniae Beccarii 230 circiter, Testae omnes quasi lapideae, quae simul post iteratam lotionem pendebant grana 181, dum reliquum pondus granorum 107 ad complementum praedictae semiunciae, in Conchyliorum fragmentis, Echinorum spinis, & praecipue in succo illo calcareo aut spatoso vel etiam ochraceo-ferreo lenticulas illas conglutinante impendebatur; quae supputatio cum ea proxime convenit, quam attigimus jam in App. ad vas 273. Quot ergo simul hujus speciei Nautilos continere dicenda sunt tantae molis strata, tantae altitudinis rupes!*

Si hujus phaenomeni explicatio peteretur, absque ulla haesitatione diccrem, regiones illas cum aliis propinquioribus ita sub aequoreis undis olim fuisse demersas, ut ad certam aquarum altitudinem viventes natantesque Nau-

tili in unum locum, praesertim ab oris fluminum longe dissitum, coadunari potuerint, ac tandem in congeries immanes & in integros colles assurgere. Revera solent Nautili hujuscemodi extimam maris superficiem, aequè ac profundiora loca, fugere & aversari, dum interim mediam quamdam sub aquis regionem inhabitant, quae eorum fortasse naturae & indoli magis convenit.

Neque in Etruria solum adsunt Conchyliorum in unum locum collectorum prodigia: alibi etiam extant hujus generis monumenta. Sit pro omnibus unus mons Solidinus italice monte Soldino a Cl. Battarra commemoratus (*in epistola de re naturali* &c. Arimini 1774) his verbis: *In comitatu Goritiae ultra urbem Cormons Mons adest Soldino... ibi numulariae apparent in tanta immani quantitate, ut totus mons ex iis, efformatus videretur. Numulariae istae in sua origine Nautili marini fuere; nam non modò spira est visibilis, sed etiam thalamorum internodia sunt conspicua, & in aliquibus etiam Testae portiones apparent.* Montem ipsum Soldinum totum a mari ortum, ejusque numismata productiones esse pure pelagicas inter cetera satis evincunt Ammoniae & Nautili iis numismalibus admixti, ut eruitur ex vase 199, in quo novo examini subijcimus hujusmodi numularias; quae, si de majoribus sermo sit, nobis *Porpita* audiunt, prout diximus in Appendice Vase LIII., & genus coëfficiunt Testarum aut Zoophytorum non tantum a Nautilis & ab Ammoniis, sed ab aliis quibuscumque Conchyliis hucusque notis diversum.

Si quis heic nobis succenseat, quod abrupta quodammodo descriptione Conchyliorum, ut dicimus, nativorum, sermonem ad fossilia traduxerimus; is sciat velim hoc non temere factum esse, sed data occasione & fere necessitate. Scilicet delatae ad nos fuere a die 8. Martii praesentis anni 1790 per eruditissimum Joannem Fabroni Academiae Florentinae Secretarium quaedam super nostram Appendicem ad *Saggio Oritografico* Observationes a doctis. D. Adulpho Modeer Regiae Stockolmiensis Academiae a Secretis exaratae, atque ipsi Academiae Florentinae dicatae, quae aliqua ex parte a nostris dissentiunt. Quum itaque in eo essem ut de edendis tertio & quarto fasciculis cogitarem, non abs re fore existimavi, si hoc loci ea quae in Appendice minus placuere Cl. Modeerio, novo examini subijcerem, ut & doctiss. Viro obsequii specimen exhiberem, & rem ipsam majori in lumine collocarem.

En Modeerii epistolam, in qua numeri ad marginem adjecti singuli indignant singulas responsiones infra apponendas.

SAGGIO ORITTOGRAFICO DICTUM

ILLUSTRATIONES QUÆDAM ACADRMIAE REG. FLORENTINAE DICATAE

AB ADULPHO MODEER.

Mirum est sane, Naturam, inter quamvis fere Creatorum Tribum, etiam microscopica produxisse! Adspectu horum numero tam magno Toscanensium indefesso R. D. D. Soldanii labore detectorum obstupui, ardens aliquantulum necis illustrare observationibus, ut detecta magis magisque clariora evadant. Academiam Regiam Florentinam sequentia boni consulturam spero.

Ad pag. 96. Nautilos non solum ab Ammonitis distinguere, sed etiam Orthoceras a Nautilus, permultae suadent rationes. Dudum mihi distinctae XXVI. Orthocerarum innotuere species, novis Soldaniis quibusdam, hucusquæ mihi ignotis, exceptis: verosimillime autem ipsum Orthocerarum Animalculum e Nautilorum classe distinctum, structura domicilii, s. Testae, ortus atque oeconomia indicant. Ammoniae sine dubio & spira & columella gaudent, carent verò illa praesenim & Nautili & Orthoceras.

En ergo characteres Orthocerarum genericos: Testa libera tubuliformis attenuata, geniculata, saepius recta, quibusdam postico involuto-spirali; intus diaphragmatibus tabulatis quasi contignata, siphone perforatis. Commode subdividitur Genus hocce in Orthoceras a. Testa recta, b. Testa lituiformi. Pleasque autem apice postico involuto-spirali gigni l. in ipsa nativitate forma gaudere spirali, in rectum vero Testam ab animalculo crescente continuatam, inopinatò denique vi defractam esse & experientia & analogia comprobant.

Pag. 97. Alae s. carina membraniformis plerisque forsitan etiam Nautilis communis, ut fragilissima uni eidemque speciei & adesse & deficere potest. Usus hujusce carinae reliquarumque in Orthoceris striarum & geniculorum sine dubio est, ut Testa in fundo maris firmiter erecta stet, sine quo animalculum Hydrac-forme vix vitae suae genus exerceat, nec sibi nec pabulum acquireret. Incerta etenim & periculosa Testae minimae locata stabilitas, nullionum millionibus in litorea per fluctus ejectionem adferret; Testae verò bene rarissime licet alto in mari locatae, cum Animalculo in Volumen relative Giganteum excreverunt.

1. Tab. 1. fig. 1. A-C. Orthocera sua in juventute esse videtur quam crispam dixi, excreta, Testa conico-elongata, apice planospirali involuta, suturis geniculorum undulato-dentatis serratis.

Knorr Lapid. Suppl. fig. 11. Walch Nat. Forsch. 1. pag. 192.  
K

Tab. 1. f. 2. D. est illi similis, quam Forskålus in mari rubro invenit atque in *Defer. suis* p. 125 sub nomine *Nautili orbiculi* memoravit, denique a Spenglero in *act. nov. Havn.* 1. p. 371. f. 5. bene descriptam & depictam vidimus. Nobis autem dicenda est *Orthocera orbiculus*; testa conica compressa apice anteriore dilatato, posteriore incurvato-spirali altero prominulo altero subumbilicato; articulis subtorulosis transverse linearibus, Diaphragmatibus duplici pororum serie pertusis,

Tab. 1. f. 4. G. ejusdemque nucleus f. 9. M, Martini *Conch. Cab.* 1. p. 249. t. 19. f. 171. t. 20. f. 180-181, Planci *Conch. t.* 1. f. 3. 12. 13. app. p. 85 citans, eundem adfert *Nautilus*.

2. Fig. 6. I. quem papillosum nominat R. Soldanius, ejusdem sit speciei, papillae etenim verosimillime proleui Testae adfixam matris, perditam alias, ob infinitam cujusque exiguitatem, in abyssos ituram, produunt.
3. Tab. 1. f. 7. K. & 11. O. sine dubio iidem cum priore sunt: umbilici magnitudo articulorumque distantia ab *Animalculi* robore & variis casibus dependet.
4. Tab. 1. f. 12. P. idem forsitan *Nautilus* qui in nov. *Act. Havn.* 1. p. 368 sub fig. 1. a. b. c. descriptus & depictus videtur; sin geniculi deleti, ut suspicari licet, etiam idem sit quem, melius servatum, in tab. 2. f. 17. Y. Z. & Tab. 7. f. ZZ. R. Soldanius monstravit, & hic, cui fig. 5. H. Tab. 1. etiam pertineat, *Nautilus crispus* Linnæi est.
5. Tab. 1. f. 10. N. nucleus, & tab. 2. f. 20. D. E. f. 22. H. I. f. 23. K. L. f. 25. O. P. f. 26. Q. R. denique Tab. 7. f. XX. YY; ut variantes diversaque aetate, ad *Nautilus* Beccarii Linnæi numerandi sunt.
6. Tab. 2. f. 15. T. an *Serpulae*? & fig. 16. V. X. *Echini*, Tab. 3. fig. 24. M, N, assimilantis, cujusdam pulluli?
7. Tab. 4. f. 33. F. collata cum *Echinitis* favogineis (Kleinii *Dispos. Echinoderm. ed. a Leske*) huic generi minime dissimilax; alias *Milleporae*? poris contiguis angulatis (*Dissert. de Corall. Dalth. Linn., Berlin. Geseusch. Schriften vol. 3. p. 152.*) frustulum esse posset.
8. Tab. 4. f. 35. I. an *Pisolithus*? & f. 36. K. L. ejusd. *Tabulae Nucleus Helicis* Algirae Linnæi?  
Tab. 5. f. 37. M. O. P. & f. 40. X. *Nautilus Raphanistrum* Linn., mihi *Orthocera Raphanistrum*: Testa conico-fusiformi, articulis subtorulosis striis elevatis duodenis; siphone centrali.  
Ledermüller *Augen ergotz.* p. O. t. 4. fig. K. poster.  
Tab. 5. f. N. *Nautili* obliqui Linn. fragmentum. Gualtieri *Ind. t.* 19. f. N. Martini *Conch. tab.* 1. p. 39. t. p. 1. f. H. Mihi *Orthocera obliqua*: Testa recto-subarcuata, lineari, parum attenuata, articulis longitudinaliter oblique multisectis; siphone centrali.



9. Tab. 5. f. 38. S & Tab. 6. f. 41. E, ni fallor, *Orthocera* armilla: Testa tereti attenuata, apice incurvato-spirali, latere altero prominulo altero umbilicato, articulis globosis, laevibus, apertura laterali secundum me dicenda est. Klein Meth. p. 28. t. p. 44. figurae duae ultimae, & ibid. f. A. B. Act. Gedan. 2. p. 47. t. 1. f. a. b. Spengler Act. nov. Havn. 1. p. 382. t. 2. f. 10. d-f. In statu naturali apice spirali & gaudens & destituta invenitur. Exemplar hujusce speciei giganteum, pollicum  $2\frac{1}{2}$  longitudine crassiusque proportionata, petrificatum in lapide calcario griseo Gothlandico possideo. Spira quidem fere deperdita est, sed foveola cui spira in lapide insederit, existentiam ejusdem tamen monserat. Rarissimum si non unicum hocce petrificatum, Illustriss. D. Baro de Segebaden Ducis locum tenens, de Ordine Ensisfero Commendator & Provinciae Gothlandicae Gubernator perbenigne mihi procuravit.
10. Tab. 5. f. 39. T & Tab. 6. fig. 43. F. G. K. L, ut & Tab. 19. f. 91. Z. Testae variantes vel unico vel pluribus articulis constantes *Nautilli* (mihi *Orthocerae*) radiculae Linn. sunt, quarum characterem specificum adnotavimus sequentem: Testa oblonga attenuata, articulis torosis globoso-obpyriformibus, glabris. Planci cap. 6. t. 1. f. 5. A-C. Ledermuller Augen ergott. p. 8. t. 4. f. r. s, p. 17. t. 8. f. c. Martini Conch. Cab. 7. p. 38. t. p. 1. f. G. G. g.
11. Articuli solitarii aut e Testis disrupti sunt adultioribus, aut ipsam notant infantiam, omnes etenim *Orthocerae* unico tantum Testae articulo gignuntur. Articuli deinde ab *Animakulo* secundum ipsius accrescentiam usumque oeconomicum multiplicantur. Siphon maximam quoad partem corpus *Animakuli* vermiculiforme v. caudam ipsius excipit, articulus vero supremus corporis solummodo parti superiori, cum Tentaculis, condendae inservit; reliqui autem articuli, ut clausi nulloque gaudent aditu, insuper vacui sunt.
- Orthoceram* armillam radiculamque siphone esse destitutas, ansa mihi est opinari. *Animalcula* haecce ergo unicum tantum articulum Testae tota inhabitant, quas ob causas propria, una cum Testa, structura sint & proprium praestent Genus, cujus nomen *Arthrocerae* proponere velimus.
12. Ex jam jam dictis multum non aberrare spero si dixerim, quod omnes figurae Soldanicae O. P. Q. R. S. in Tab. 6; T. V. X. Y. Z. A. B. in Tab. 7. & V. X. in Tab. 19 articulos aut solitarios aut concretos *Orthocerae*, scilicet *Arthrocerae* radiculae, armillae aut Rapistri (de qua infra), crusta calcarea ochraceae p. m. obductos, notent.
13. Tab. 5. f. 41. Y. & Tab. 6. f. 43. I. a maris fluctu deteras, Linnaeo ni fallor nomine *Nautilli* Raphani veniunt. Mihi harum sunt nomen & character: *Orthocera* Raphanus: Testa oblonga attenuata, articulis torosis striis eleva-

tis saepius sedenis; Siphone sublaterali. *Synonyma* verò a Linnæo in *Syst. Nat. adjecta, nunquam hanc adæquant speciem*.

14. Tab. 5. f. 41. Z. A. B. C. D, Tab. 6. f. 43. H, & Tab. 8. f. 46. CC. *Nautilum* Rapistrum Linn. ejusdemque varietates repræsentant. Varii Auctores hanc memoraverunt speciem, ut Planci cap. 7. t. 1. f. 6. G; Klein meth. p. 28. t. p. 44. fig. antepenult., Gualtieri Ind. t. 19. f. L-L M., Ledetmüller Aug. ergor. p. 8. t. 4. f. X. anter. p. 17. t. 8. f. A. Martini Conch. Cab. 1. p. 34. t. p. 1. f. A-C Mihi *Orthocera* l. *Anthrocena* Rapistrum: Testa attenuato-conica, articulis torosis subglobosis, striis elevatis duodenis; Siphone centrali.

Tab. 6. f. 44. M. N. vere *Nautilus* Legumen Linnæi; specimina etenim sine ulla deterensione possideo quæ omni carent stria longitudinali, alia iterum quæ p. m. longitudinaliter striata striis per totam Testæ longitudinem integris, l. dimidiatis. Nomen hujusce speciei mihi audit *Orthocerae* Leguminis: Testa sublanceolata bimarginata glabra (quibusdam p. m. longitudinaliter striata) Articulis demissis, Geniculis elatioribus obliquis; Siphone laterali (utrinque?). Planci 1. o. c. 8. t. 1. f. 7. Gualtieri t. 19. f. P. P. Z. Ledermüller p. 18. t. 8. f. g. Martini 1. p. 36. t. p. 1. f. E. c. I. Et hujusce speciminis Gigante, 4 pollicum longitudine, petrefacto licet & typolithico, me etiam delectavit Gothlandia.

15. Tab. 7. f. 46. C., & Tab. 14. f. 74. S. T. *Orthoceram* meam Pupam exprimit: Testa compressa subovali ancipiti, striis transversis elevatis distantibus arcuatis, saepius alternatim se se oblique quasi secantibus; Siphone centrali compresso. Nullo ab Auctore, præter R. D. D. Soldani, adhuc singulare hocce specimen memoratum fuit.

Tab. 8. f. 47. F. G. Linnæo quidem ignota species, congener tamen *Serpulae* ejus Seminulo dicto. Ob magnam *Serpularum* generis numerositatem, viginti quinque specierum mihi dudum cognitæ, novum, præsertim ob propriam animalculi oconomiam condendum est genus, quod bene, e mente R. D. Soldanii atque Linnæi, frumentum s. seminulum meminentium, *Sitomojam* nuncupare liceat. Sequens deinde extat character genericus. Testa ovalis aut teretiuscula subflexuosa, saepius in orbiculum subspiralem anfractibus, e tubulis interrupte compositis, irregularibus conglomerata. Predicta ergo figura *Sitomojam* exhibet striatam: Testa distincte striata.

Tab. 8. f. H. I. & f. 49. K. L. M. *Sitomoja* sit canaliculata: Testa striis canaliculisque longitudinalibus notata.

16. Tab. 9. f. T. V. *Serpula* Seminulum Linn. nobis *Sitomoja* Seminulum: Testa laevi. Plurimi *Tenacologiae* Scriptores hanc præsertim speciem meminerunt. Ut character generis *Sitomojae*, & quoad partem Animalculi ejusdem

aeconomia magis elucescant, adpositam contemplari libeat figuram \*: a Animalculi primordium vel ipsa infantia quoad testam ovalem est, apertura inferius sita. Animalculo magis magisque crescente, domuncula haec ob angustiam tandem inutilis fit. Pro fundamento tamen servitura. Animalculum sibi super illam Tubulum b. majoris capacitatis, apertura superius gaudentem, extruit; Tubulum hunc, fundamento adnexum elliptico, etiam flexuosum seu incurvatum e se est evasurum. Pari deinde ratione, urgente scilicet alia necessitate, Tubulus ab animalculo conficitur novus secundum c., cujus apertura deorsum alterumque ad latus aedificii versa, in delineatione invisibilis quidem est, novo autem Tubulo veteris & derelicti aperturam animalculum saepius claudit. Hocce modo Tubuli etiam insequentes d. e., lateraliter aut verticaliter derelictis adglutinati, totaq. conglomeratio, plus minus vel raro regulariter tandem parantur. Rarissime ergo, nequidem sine violentia causa, Tubuli Sitomojarum simplices separati seu incompositi inveniuntur. Walker, cujus opusc. de Test. minut. Sandvicensi, mihi ad manus praesto non est, & simplicia & composita variarum specimina Sitomojarum tamen in tab. 1. f. 6. 8-12 & 15, delineavit.

## AD ALLATAS CL. MODEERII ANIMADVERSIONES

RESPONSIO AB AMBROSII SOLDANI

QUAM ET IPSE REGIAE ACAD. FLOR. D. D.

- I. Cur ad Nautilos potius quàm ad Orthoceratia transtulerimus eas Testas, quas Cl. Modeerio placuit vocare *Orthoceras crispata* & *orbiculatum* in causa praecipue fuere momenta quae hic congerimus. Primò substantia cum Nautilis eadem, subvitrea nempe ac lucens, dum interim Orthoceratia *lituitata*, qualia inveniuntur expressa in tab. 65 sub Y, cc, dd, ff, & tab. 67 fig. st, quae nobis suppeditavit Portus Liburni, sunt fere semper aut submargaritacea, aut albissima & ejus naturae, quam possident Linnaei *Serpulae* seu *Frumentaria*. Secundò figura nostrorum Nautilorum, quos *lituitatos* dicimus, videbatur magis accedere ad Nautilorum quàm ad Orthoceratiorum structuram; nam illi quidem subrotundi, haec, prout sonat graeca vox ὀρθοκέραιον, sunt vere *Cornicula in longum protensa*. Quod si aliquod intercedit discrimen inter Nautilos alatos omnes & nostros lituitatos, illud ptofecto est, quod priores habent spiras post unam revolutionem intra superius testae involutum se se insinuant, & ad centrum, seu umbilicum plus minusve progredientes; Nostri verò spira unica sint donati, quae ad os usque pertingit ac

\* Est icon ab ipso Modeerio delineata, quam nos inculptam damus tab. 61. fig. H.

desinit in vicinia primi thalami. Super hae re lector dijudicet, simulque ad mentem revocet, unum Testarum genus per insensibiles gradus usquequaque in aliud proximum transmeare, prout expostularent annuli qui scalarem quandam catenam constituerent, quod ex inspectione nostrarum Tabularum facile inferitur. Tertiò locus Nautilus ejusvis speciei etiam lituitatis refertissimus, ubi tamen nullae unquam Orthocerae vere lituitatae reperiuntur, quodammodo nos monuit, ut illos ad unum idemque Nautilorum genus transferremus. Ipsa tandem magnitudo in causa fuit cur Testis polythalamis omnibus praetulerimus Nautilos Lituitatos; siquidem inter quascunque id genus Testas, quae nobis unquam vel ex mari vel ex fossilibus occurrere potuerunt, majores quidem sunt Nautili, ut diximus, *Lituitati*, quibus proinde inter minuta & minima Conchylia primas concessimus.

Quamvis verò inter petrefacta inveniri posse putem Testas his nostris multo majores & quasi giganteas (non enim audeo hac in re Naturae praescribere limites) firmissimè tamen profitendum est, Lituos hos nostros praesertim majores vasis 186 & 187, sicut etiam illos in App. exhibitos Tab. 1. f. 1. A, B, C, non esse *in juventute sua*, sed in sua potius perfectione consistere, & in maxima, ad quam pervenire potuerint, magnitudine, utpote viventes jam sub hisce Senensibus & Sanquiricensibus, olim submarinis, climatibus.

Ceterum, si in minutis ac minimis describendis, exteriori, ut par est, configurationi inhaerendum ducimus, profectò Testas polythalamias fere omnes commode dividi posse reor in sex genera, in Nautilos nempe, Ammonias, Pediculos ammoniformes, Lituos, Orthoceratia, & Polymorpha. Quibus illud erit discrimen genericum, quod Nautilus sit Testa interius convoluta; Ammonia exterius spiralis rotundata, spira visibili saltem in una facie; Pediculus instar Ammoniarum plerumque spiralis, sed tuberculis scatens vel apophysibus fere irregularibus, saepe parasiticius; Lituus levi gaudens spira, aliquando in manubrium desinens; Orthoceras sit teres vel complanatum, in longum protensum, aut leviter inclinatum, absque tamen ullo spirae vestigio; Polymorphum denique sit Testa plerumque minima variis formis praedita haud difficile in species separabilis. Haec reapse sunt, quae hujus voluminis secundam Classem, seu quatuor ejus capita comprehendunt, in quibus tamen uti methodo quam innuimus prohibent, inter cetera, Tabulae jam insculptae; utemur tamen in secundo tomo, ubi agemus de Exuviis marinis minimis, quas terra quaedam plastica Senensis ac figulina Sanquiricensis ad prodigium usque nobis suppeditat. Erit interim majori pollens ingenio vir, qui has omnes MM. Vermium Exuvias semper minimas ad Classes, Genera, ac Species suas aptius referat, verbisque concinnioribus & elegantioribus exprimat.

2. Nautilorum, aliarumq. Testarum, quarum superficiei naturaliter insunt papillae, plura exhibent prototypa luculentissima Tabulae 56, 57, & aliae hujus voluminis passim. Eum verò Nautilum, de quo Modeer supra loquitur, bene descriptum dedimus in App. ad vas IX, optime quoad papillas, minus recte forsan quoad marginem carinatum ibi depictum f. 6. I. Itaque Nautilus *papillosus* iterum descriptus tab. 59 fig. 99, 111, discrepat ab aliis Nautilis hisce characteribus: primò, non alatus seu marginatus, sed aculeatus aut radiatus constanter apparet radiis substantiae ipsius testae analogis sed durioribus ac pellucidioribus & crystallo simillimis, aliquando tamen oblitteratis ex motu animalculi & attritu testae. Secundò habet thalamum majorem ad partem ostioli quasi operculatum hinc inde nymphis prominulis praeditum elatioribus quàm ceteri Nautili. Tertio magis ad figuram globosam accedit quam illi quos *carinatos* dicimus. Quartò ex utraque parte papillosus est papillis frequentissimis praesertim in thalamis minoribus & centro vicinioribus, dum interim priores thalami saepe laeves apparent, quia in his papillae ex testae attritu cum aliis corporibus, dum animalculum locum mutat, deleri solent: Hinc major vel minor aetas testae dignoscitur ex eo, quod thalami ostiolo viciniores se exhibeant plus vel minus papillosos. Quintò, dum maximus ac senior est articulis seu concamerationibus septenis semper constat, etsi junior quinque, ad summum sex, videatur praesefere. Sextò tandem etiam substantia quodammodo differt ab aliis Nautilis; nam hi quidem colorem subvitreum habent, ille verò praesertim dum adhuc junior est ac maxime detersus, si microscopio conspiciatur, pulcherrimum colorem argenteo-pellucido similem prodit. Sunt igitur vasa 192 & 193, in quibus id genus Testae ex terra plastica Senensi ac Sanquiricensi (alibi desiderantur) excerptae sunt num. 300 vix marginatae, semper plus minusve aculeatae seu radiatae, semper, quod ad rem facit, echinatae aut papillosae.
3. Nautilus K a Modeerio commemoratum equidem referendum censeo potius ad speciem I, cum qua, exceptis papillis, optime convenit, quàm ad illam quae prostat sub lit. O; Enimvero Nautilus O habet superficiem utramque laevem, ad marginem carinatum carina semper regulariter spiraliiformi, nunquam verò aculeatam aut radiatam nisi fortasse disrupta sit, quod etiam in fossilibus saltem nostris rarò evenit. K igitur semper vix marginatus, subglobosior, ac praeditus prioris thalami ostiolo brevior sed elatior, & suturis articularum seu dissepimentis constanter extra superficiem prominulis, optime convenit, demptis papillis, cum Nautilo I.
4. Aliam singularem speciem forsan minus notam exprimit Nautilus f. 13 P., quem nunc libentissime dicerem *globulum*; nam si demas marginem pe-

ne invisibilem; quo unum hemisphaerium ab alio dispescitur, ad sphaerulam maxime accedit, aut figuram corporis spectes, aut utriusque faciei levorem: nullas unquam geniculorum suturas habet prominulas, nullas strias, sed semper est in utraque superficie laevis & quasi pellucidus, ex quo interna se produnt loculamenta confertissima, quae regulariter circa centrum habent initium & usque ad circumferentiam perbelle inflexa procedunt. Tres hinc iterum exhibemus, quorum prior (in tab. 59, lit. *a* quoad utramque partem & circa oris positionem ad *a* optime delineatus) adamusim convenit cum P in Appendice: alter disruptus in *b*, *c*, *d*, parum differt a praecedenti: tertius idem est, sed quoad utramque partem insculptus in tab. 60 fig. *xx*. Est etiam singularis in hoc Nautilo splendor, qui saepe imitatur colorem caeruleum lucidissimum, forsitan ab ochris intimis ortum. Est etiam minimus hujus speciei Nautilus, neque ad majorem molem excrescit quam sit diameter aequans unam tertiam partem lineae Parisiensis. Tandem est rarissimus (ideo minus notus) in terris Sanguilicensis, dum interim in caeteris omnibus deest. Igitur ex jam dictis constat, Nautilum hunc toto coelo distare a Nautilo *crispo* Linnæi, & ab alio quocunque in Appendicis tabulis insculpto, & raram proinde, novamque prorsus speciem conficere. Vide vas 194. Ex aliis etiam Nautilis hoc loco a Moederio commemoratis solus *crispus* est qui fig. 17. Y. Z describitur; ceteros nempe fig. 5. & Tab. VII. fig. ZZ, & a Naut. *crispo* per omnia differre, ac diversam speciem conficere, notae quaedam aut characteres in ipsis evincunt.

5. Tab. 1. f. 10. N est nucleus quidem *nocciolo* sed non intra *Beccarii* Ammoniam genus. Opinio nostra his innititur fundamentis. 1. *Beccarii* Ammoniae sunt semper aut microscopicae aut quasi minimae: nuclei verò nostri nunquam deprimenti infra minusculos, & saepe ultra communis lenticulae magnitudinem se se exerunt, ejusque molis sunt quam praeseferunt Nautili quibuscum admixti reperiuntur. 2. Id genus nuclei affatim abundant in terris tantum figulinis seu plasticis Senensibus aut Sanguilicensis a Nautilis frequentatis, ubi interim pro miraculo est invenire unam *Beccarii* Ammoniam. Adhuc tamen incerti sumus, an intra Nautilos umbilicatos, aut alatos aut radiatos sint geniti: dubitandi ratio ex eo desumitur, quod Nautili umbilicati nunquam praebent nucleos integros, sed articulos veluti triangulares aut subprismaticos, qui proinde separati ac solitarii in hisce etiam terris reperiuntur; si enim nucleus alter tab. I. f. M in App., vel etiam *yy* tab. 60. hujus voluminis, diutius fuisset in aceto commoratus, ob acidum vim consumptis etiam geniculorum suturis seu concamerationum parietibus in praefatas particulas saepe irregulares abiissent, ut pluries expertus sum. Vide vas 196., & figuras, quae ad ipsum spectant,

Neque

Neque cum Beccarii Ammonia confundenda ea est sub K. f. 23, quae in una facie ammoniformis, ex altera nautiliformis est, dum interim Beccarii Ammonia semper articulos habet in spiram seu cochleam in utraque superficie perspicuam convolutos. Locus est etiam utriusque Ammoniae diversus; nam, si de fossilibus sermo sit, prior reperitur, quamvis raro, in terris figulinis Senensibus, ac deest prorsus in terris arenosis, vulgò *tuffi*, in quibus ad prodigium usque abundat altera, nempe Beccarii. Quod si de nativis agatur, illa adest quandoque in Concretionibus Zoophyticis, ista in littoribus, ut ad portum Arimini & ad Ripas Tyrrheni maris intra paucas sedimenti uncias ad plura millia delitescit. Alia differentiae capita libens mitto.

Eae verò quae prostant sub O & Q Tab. III. speciem a ceteris omnibus prorsus diversam constituunt; sunt nempe summe depressae ac foliaceae (aliqui eas ab albo Ammoniarum expunctas ad opercula cochlearum sed immerito transtulerunt), & dum ceterae Ammoniae sunt ad unam vel utramque faciem plus minus convexae, hae nostrae unam faciem offerunt planiusculam, alteram concavam, qua fors alienis corporibus adhaerere solent ac vivere. Substantia etiam maxime differunt; nam si recens natae invicem comparantur priores quidem substantia sunt quasi vitrea, hae verò vel albo-calcareae vel ad unionis colorem vergunt.

6. Tabulae 2. f. 15. T, adde etiam fig. 14 S, utramque Frumentaria seu Linnaei Serpulas exprimere libenter fateor, quorum S quidem voco Frum. *Seminulum*, alterum T Frum. *Serpulam*, ut suo loco patebit. Sed fig. 16. V. X & f. 24. M. N. non Echini cujusdam pulluli, sed sunt verae Ammoniae, quarum plures dantur varietates in fossilibus, at multò plures in maris nativis, ut videre est in tab. 35 fig. R, tab. 36. S. V. Y, & in aliis hujus voluminis Tabulis passim. Hae igitur vocari potuissent *echiniformes*, sed quum thalamos habeant in spiram in una parte conspicuam usque ad centrum perbelle dispositos, nihil inde cum Echinis habere commune certissimum est, nisi quamdam extrinsecam apparentiam. Echini, qui apud nos audiunt minusculi ac minimi nunquam in hisce terris figulinis reperti sunt; bene verò ad radicem montis Volaterrarum in rupe quadam arenosa, quam nos in secundo tomo dicemus *echiniferam*, quia refertissima Echinis minusculis & fere minimis, qui tamen a nostris Nautilis etiam subglobosis longe differunt.
7. De hac fig. 33. F. nihil certi audent asserere; hae namque lenticulae Clusentinenses, quum omnino in petram aliquando siliceam conversae sint, vix earum species distingui potest. Attamen lenticulas hasce maxima ex parte ad Nautilos referendas probant lapides ipsi a Targionio *lenticulares* dicti, a nobis *nautilitici*; dum nempe dissecti ac perpoliti sunt, ostendunt cor-

fuscula rotundata compressiuscula Nautilorum formam praeferentia, & ejus quidem generis, quod copiose latitat in tertis Senensibus figulinis. Super hisce lenticulis petrefactis Clusentini instituta pluries experimenta nunquam dederunt mihi ansam eas ad Echinos referendi; immo si sub aceto tantillum detineantur, spirae intrinsecus incedentis vestigium aliquod offerunt, quo Echinorum genus excluditur.

8. Tab. IV. f. 33. I. non Pisolium respicit, nempe concretionem stalactiticam ab aquis succo calcarco imptacgnatis efformatam, sed lenticulas quasdam, de quibus breviter egimus in App. ad Vas 54. Harum figura, & locus, idest sedimentum antiqui maris, intra quod uberrime reperiuntur, satis indicant, hasce lenticulas esse corpus animale pelagicum ad quoddam Zoophytorum genus spectans, & ad illud forte, quod sub Porpitae nomine indigitavimus ibi ad Vas 53. Quoniam igitur id genus Zoophyta semper cum Nautilis admixta reperiuntur, ideo ad novum examen revocanda esse existimamus ad Vas 199. quod Lector inspiciat necesse est.

Neque Tab. 4. f. 36. K. L est nucleus Helicis *Algirae* Linnaci, sed exprimit vel Cochleam sui generis vel Vermiculum, ut nos dicimus, cochleatum (num etiam parasiticum?). Vide Vas 198, in quo plures sunt id genus Testae fossiles, semper osscae, in spiram regularem convolutae, intus substantia indurata plenae, ore tamen rostrato, & cauda ad centrum diffracta, quae prius prominula videbatur. Num olim viventes alienis hac sui parte corporibus adhaerebant?

9. Tab. VI. fig. 42 est quidem *Orthoceras Armilla*, sed ab hac longe diversam se se offert fig. praecedens 38. S; nam haec repraesentat nucleum seu melius nucleos unitos, genitos intra *Orthoceras Raphanum* vel *Raphanistrum* Linnaci, & adhuc suae dimidiatae Testae thalamis insertos. Hi verò Nuclei nigro-ochracei vel pyritacei non sunt intus perfecte solidi, sed plerumque instar *Armillae* *Orthoceras* articulis seu thalamis vacuis, ita ut *Orthoceras* alterum, sputium tamen, vel integram *Armillam* diceret. Hujus rei exemplum aliud praebet fig. G. tabulae 61, in qua adest *Orthoceras* continens nucleum ipsum vacuum, cujus ob testam diffractam conspici tantum sunt articuli, primus in x, tertius in y: quod si etiam reliqua deleteretur testa, tunc integra exhiberetur *Orthocera* constans tribus veluti sphaeroidibus oblongatis ab *Orthoc. Armilla* haud facile distinguenda. Saepe enim fit, ut extranea fluida materies *Orthoceras* ingrediatur, & ipsius internos parietes ita leviter inficiat, ut quasi subtilissimo velo illos undique interius contegat; ex quo, si *Orthoceras* sic intrinsecus oblitum leni nisu dirumpatur juxta longitudinem, vel intra actum ad breve tempus immersum detineatur, de-



leta testa, unitos nucleos integros *Armillae* adinstar, vaeuos exhibet. Nec laevia tantum *Orthoceratia*, sed striata quoque, *Raphanistrum*, *Raphanum* & *Rapistrum*, & id genus alia in hisce regionibus latitantia, saepe, consumpta testa, tribuunt totidem fere integras spurias *Armillas* vel *Arthroceras*.

10. Tab. V. fig. 39. T (*Appendicis*) est nucleus in alveolo cujusdam *Orthoceratis* genitus ac solitarius repertus in terris *Senensibus* vulgò *crete*, ac proinde nullo modo confundendus cum veris *Orthoceratis* tabulae VI, vel eorum partibus.

Fossile sub fig. 92. Z, quod *Modereo* lubet referre ad *Arthroceram* suam, idest ad *armillam* vel *radiculam* *Linnaei*; nos adhuc haeremus accipites ad cujusnam *Orthocerae* speciem pertineat. Hoc unum pro certo asserere non dubitamus, esse quoddam petrificationis genus coniforme apice rotundato, & ejusdem semper magnitudinis, ortum, ut videtur, ex *Orthoceratis*, forte *Raphano* vel *Raphanistro*, intra fluidum vel alio modo immutatis, solidis factis, & constantibus quasi ex ochra & arenulis minimis arctissime conglutinis: proinde superficies in his apparet, deletis omnibus canaliculis ac striis longitudinalibus, uniformiter scabriuscula, & quasi crystallificata (si mycroscopeo conspiciatur) crystallulis nigris partim subalbidis & aliquando pellucidis. Si ex his Fossilibus plura in aceto communi (in acido vitrioli brevi dissolvuntur & in pollinem abeunt) diutius permaneant, aut in medio frangantur, quaedam offerunt veteris suae formae vestigia, ex quibus inferri potest haec ad *Orthocerationum* genus spectare, testae tamen oeconomia nunc maxime oblitterata. De hoc fossili agemus in secundo tomo, ubi de terris *Sanquiricensibus*, sub quibus unice latet.

11. Quod articuli solitarii ipsam notent infantiam, & omnes *Orthocerae* unice tantum Testae articulo gignantur nondum nobis explorata res est. Imo ex observationibus ducor ut credam, in quocumque *Polythalamiorum* genere plures species quoad praecipuam partium configurationem nasci perfectissimas, etsi nondum ita perfecte evoluta corpore, ut omnes omnino ejus partes conspicuae fiant, nisi postquam ad gradum quemdam incrementi devenierint. Quamvis autem difficile sit in Testis minutis pro certo statuere aetatis diversae notas & characteres, tamen si ex. gr. *Nautilus alatus maximus* (*lenticula*) sub lit. ff tab. 58 comparetur cum altero sub ii *Nautilo*, ut videtur, ejusdem speciei minimo, seu atomo fere invisibili, eandem exteriorum formam, eundemque fere articulorum numerum utrique inesse comperimus. Quod si agatur de *Polymorphis*, quorum pleraque levem quamdam praeserunt similitudinem cum quorundam *Orthocerationum* articulis, haec sane omnia quocumque suae vite tempore eandem formam eandemque figu-

ram tuentur. Hujusmodi sunt Testae *Sphaericae* (*Sphaerulae maris*), *Ovales*, *Oliviformes*, *Piriformes*, *Tuberosae*, *Globuliferae* &c.; quarum aliae uniloculares sunt, aliae polythalamiae; prout fusius in Cap. VII. hujus Voluminis. Sed esto verum sit quod Modeerius adnotat; tunc erit verisimile hos articulos fuisse in primo suae nativitatis ortu exiles & gracilissimos: verum in tam eximio fragilitatis statu quis sibi persuadeat eos inveniri posse intra terras plasticas Senenses ad quaecumque profunditatem, nisi eorum testa (cujusque fuerit generis) ita prius adoleverit, ut durior facta potuerit tamdiu sarcta tecta servari? Equidem nunquam vidi Orth. *Raphanum* vel *Raphanistrum* cum unico tantum articulo generatum, neque nativum in littore Ariminensi, neque fossile in limo Senensi illius speciei aequae feracissimo.

12. Figuræ igitur O, P, Q, R, S in tab. VI; T, V, X, Y, Z, A, B in tab. VII; & V, X in tab. XIX haud sunt *Orthoceratiorum articuli aut solitarii aut concreti*, neque crusta calcarea ochracea plus minus obducti, sed omnes indigent veras sui generis Testas integras subvitreas aut subcrystallinas nullo modo a nativis dissimiles, quas nos in cap. VII. dicemus *Sphaericas*, *Ovales* &c.; quas omnes Natura ubertim genuit aluitque in terris quibusdam, olim subaquosis, Sanquiricensibus, Montileynensibus ac Senensibus. Est etiam animadvertendum plures ex Testis Polymorphis praesertim ex Subovalibus & Piriformibus esse polythalamias, thalamis tamen intus latentibus haud facile distinguendis, nisi ipsae cellulae coloratis ochris repletae fuerint; & tunc quidem eas omnes ad integra Orthoceratia referri posse non dubito, nequaquam verò ad eorum partes sive articulos.
13. Tab. 5. f. 41. Y, & tab. 6. f. 43. I. Sunt Orthoceratia (quasi *Arthrocaenae*, ut Modeerii verbis utar) superficie laevi ac nullis aut fere nullis striis praedita, Quare non video quomodo iis convenire ea possit ab eruditissimo Viro supra tradita definitio.
14. Tab. 5. f. 41. Z. A. B &c. Figuræ ibi commemoratae repraesentant Orthoceratia (nobis *Flosculos*) semper minima, quae ob multiplices strias a 20 ad 28 usque numerabiles, ob singularem siphunculum, ob articulos ad summum quinos, pauciores nempe quam in *Raphanistro* & *Raphano*, subglobosos, inaequales & inaequaliter positos, aliasque notas, quibus plerumque donatae sunt, maxime differunt ab Orthocerate *Rapistro*, ad quod fortasse respiciunt Auctores a Modeerio commemorati. Est in hoc volumine Vas 225, id genus Testas fere quingentas continens, quarum plures jam in Tabulis 96, 97 insculptae sunt varietates. Sed multò plures ejusdem speciei Fossiles aequae minimae aequae nitentes continentur in vase quodam ad secundum Tomum spectante. Ex his bene perpensis duo inferimus: primum, quod Or-

thoc. *Rapistrum* nunquam mole vere minimum a me visum, & nusquam aut inter fossiles aut inter nativas Testas repertum; hæc verò Orthoceratia, *Flosculi*, nunquam creverunt ad *Rapistri* magnitudinem. Secundum, quod Orthoceratia etiam minima atomos emulantia, quocumque suae vitae tempore, fuerint aequali semper striarum numero praedita, proindeque si non articulorum, saltem respectu striarum, in ortu suo fuisse perfectissima.

15. Tab. 7. f. 46. C, & Tab. 14. f. 74. S. T minime Modeerii *Pupam* expriment; nam prior sub C indicat corpus semper opacum, subovale, non depressum sed baccam cupressinam quodammodo referens, apice acuminato vel rotundato, laeviusculum, vel foris variis lineolis distinctum, uno verbo, quale describitur in App. ad Vas 69; ubi licet huiusmodi corpuscula dicantur *Nautili Amphorarii* vel *Janiformes*, tamen ignoramus ad quodnam genus Testaceorum aut Zoophytorum referenda sint: imo credimus ea novum genus conficere. Minus a Pupa discrepant, spectata corporis fabrica, corpora sub S. T; tamen tanta est differentia quoad substantiam, ut ipsa quoque cum prioribus amandanda esse censeamus, non quidem ad *Nautilos* vel ad *Orthoцерas*, sed potius ad *Dubia* aut *Zoophyta* Capitis X; ubi fusius de hisce corpusculis multilocularibus semper minimis disseremus, eorumque multiplices trademus varietates. Itaque, ut ingenue fatear, Modeerii Pupa mihi semper ignota fuit quandiu manu versabam fossiles Testas: non ita tamen postquam nativas e mari immediate colligendas examinandasque susceperam; nam multae nunc mihi sunt Pupae, quae jam delineatae non tamen insculptae ad vas ultimum Orthoceratiorum prodibunt. Interim si quis Pupae hasce nostras videre cupiat, oculos coniciat in frontem Secundae Classis Tabulis 32, & 33 interjectam, ejus marginem circumquaque raris minimorum Conchyliorum imaginibus, ut par erat amplificatis, exornandum Pictor auscipiens, dextrorsum in medio limbi solitariam Pupam expressit. Ceterum has nostras esse ejusdem speciei Testas quas Modeerio placuit vocare Pupae, ex uno ejus specimine conjicio, quod inter cetera admiranda Fossilia Regio Florentino Museo ab ipso Modeerio donata nuperrime inspexi.

16. Tab. IX f. T. V genus quidem respicit, nobis *Frumentariorum*, Linnæi *Serpularum*, Modeerio verò *Sitomorpharum*. At species quam pereleganter supra descripsit D. Modeer, longe distat ab hac nostra, quam in App. diximus sextae speciei, quamque denuo contemplandam ideo proponimus in hujus Volum. Vase 197, & in tab. 61 sub lit. I. K &c. ut, inita inter utriusque speciei *Sitomorpharum* comparatione, quisque per se judicet an hæc nostra sit nova species. Sed de *Frumentariis* agemus in Cap. IX.

Interim ad *Nautilos* & *Ammonias*, nativas Testas, revocata oratione, sit:

## VAS CL.

Tab. 33. A-D.

Nautili (*Lenticulae marginatae*) minusculi, quos in *Saggio Oristografico* Appendice num. 6 & 7 diximus *Circumalatos*, seu *marginatos*, quos ibi insculptos dedimus Tab. 1 sub lit. O. Qui in hoc vase continentur sunt Testae vix *marginatae*, laeves, natura sua lucidissimae & aliquando vitreo nitore fulgentes, quarum figura exprimitur per A, & B; earum verò raras varietates indicant C, & D. Eruantur ex fundo maris ad *Portum Ferrarium* & ad *Portum Liburni*, in quibus locis raras, in littore verò maris rariores, frequentiores in Concretionibus Zoophyticis. Sunt multo minores iis quae in Collibus Senensibus copiosissime reperiuntur, cum quibus tamen quoad testam lucidam ac vitream optime conveniunt.

## VAS CLl.

Tab. 33. E. aa. bb.

Nautili (*Lenticulae radiatae*) mycrosopici, rotundi, laeves, albo-lucidissimi, non nihil marginati ac radiati radiis brevibus pellucidis quasi ex purissima glacie aut crystallo conflatis, nudo tamen oculo saepe invisibilibus. Praecipue ex concretionibus zoophyticis.

## VAS CLII.

Tab. 33. mm-oo.

Nautili laeves (*Lenticulae*) mediae magnitudinis figura praecedentibus similes, non tamen radiati. Prorsus microscopicos vide ad vas 184. Sunt rari in fundo maris, frequentiores in concretionibus zoophyticis.

## VAS CLIII.

Tab. 33. F. Tab. 34. C. H.

Nautili *striati communes*, (*crispi* Linnaei,) num. 600 circiter. Sunt Testae maris nativae albo-lucidae, ac similes iis, quas in Appendice num. 2 vocavimus *Nautilos striatos vulgatissimos*. Quum eos non nihil differre compere rim ab icone quam dat Janus Blancus in libro de *Conchis* tab. 1. fig. 2; tum etiam ab ea quam dedimus in Appendice Tab. II. sub lit. Y; ideo novam superaddimus eorum figuram sub lit. F. optimo microscopio auctam. Hi Nautili non eodem semper numero cellularum in gyrum donantur, sed saepe quatuordecim, saepe pluribus, aliquando ad septem usque supra triginta dissepimentis instructos esse deprehendimus. Ceterum paucae sunt in hac specie varietates, quae indicari facile possunt per G & H, paucioribus costulis & quidem prominulis praeditae. Nativi hujus speciei Nautili etiam quoad vitreum nitorem, figuram & magnitudinem vix differunt a fossilibus Senensibus & Volaterranis, praesertim si e terris argillosis figulinis eruti fuerint. Ad *Portum Ferrarium*; in littore maris l. d. la *Follonia*, ac in concretionibus zoophyticis.

## VAS CLIV.

Tab. 34. I, cc-ff.

Nautili striati ut praecedentes, sed compressiores, umbilico parum incavato, & aliquando prominulo lucidissimo, paucioribusque thalamis praediti, ut ex ipsis figuris insculptis colligatur. Has inter una conspicitur sub cc, quae non inter Nautilos numeratur sed inter *Hammonias* & nobis erit *Hammonia crispata*. Ibi rari:

## Tab. 34. K.

Hammoniae *Beccarii* seu *vulgatissimae*, maris nativae, minusc. num. 100., quarum 33 uni grano pondere aequales, & omnium hujus speciei Hammoniarum, quae hueusque ad manus nostras venerunt, maximae; quae tamen ad unius lineae longitudinem nunquam pertingunt, imo nec excedunt sua diametro  $\frac{1}{2}$  ejusdem lineae. Harum dedimus iconem in *Appendice al Saggio* &c. Tab. II. fig. 20, ac melius heic iterum traditur sub lit. H tab. 34. Sunt Hammoniae trivolutae 12 vel 13 thalamos pro singulis volutis habentes. Reperiuntur in litore maris Thوسي (vide cap. 13) in l. d. *la Follonica*, uberius ad littus Ariminense, ubi sunt subpellucido-vitreae, ac inter lapillos minusculos latitant: rarae admodum ad Portum Ferrarium; minus rarae in mari Liburnensi, ubi maculosae & subflavae, frequentiores in littoribus. Quae in hoc vasculo continentur non sunt ex iis quae graciles, vitreo-pellucidae ac levissimae superinnatant aquae, sed veluti osseae, duriusculae, ac prae ceteris Testis graviores; ideo fundum aquae cum lapillis petunt. Hinc facilis modus plura Hammoniarum praesertim maximarum millia comparandi; si nempe littorale sedimentum ex memorato loco collectum per foraminula transeat, quae pro diametro habcant duas tertias partes lineae parisiensis, ac residuum subinde per alia minora foraminula ab omnibus arenulis proprie dictis expurgetur, media illa lapillorum congeries plures continebit Hammonias, & quidem maximas, facile ab aliis heterogeneis corpusculis separandas. Nec figura nec magnitudine differunt ab illis quae in terris arenariis Senensibus copiosissime inveniuntur.

Hammoniae ut praecedentes, mediae magnitudinis n. 13214, quarum 90 simul aequipondium cum grano constituunt. In litore maris inter quisquilias & arenulas latitant uberrime. Quae verò lucidiores ac vitreae, sunt vel ex concretionibus zoophyticis, vel ex sedimento leviori littoris Ariminensis, ex quo non minus quam octo millia id genus Testarum excerpta sunt, praeter ea, quae in cap. 13 commemorantur.

## VAS CLVII.

## Tab. 34. L. Tab. 35. M.

Hammoniae minimae n. 700, quarum 200 circiter granipondo aequales. Sunt albo-nitentes, & mycroscope aut lenticula inspectae semipellucidae apparent. Aliquando a praecedentibus nonnihil diversae, ut L tab. 34, & M tab. 35 satis exprimunt, quarum una per medium naturaliter diffracta interna loculamenta ostendit, eorumque spiralem exhibet directionem. In litore maris *ad Castiglioncello*, *Follonica*, & ex concretionibus zoophyticis.

## VAS CLVIII.

## Tab. 35. N. O.

Hammoniae minusculae figura subglobosae, qua satis differunt a praecedentibus. Eas *Sagg. Append.* n. 39 diximus *Hammonias cochleatas globosorotundatas*, & ibi insculptas dedimus Tab. II. fig. 21. Sunt omnium hujus generis maximae, quae tamen raro ad praecedentium magnitudinem excresecunt. Sunt etiam omnium durissimae ac gravissimae; ideo facilius quam aliae graciliores in quibusdam stratis lapideocalcareis, eorumque venis siliceis mon-

tium in Clusentino, & in Valle Arni superiore in l. d. *Coltibuono* copiose reperiuntur inclusae. Nativae verò ad Portum Ferrarium & ad littus Liburni. Harum una vel altera ex concretionibus zoophyticis excerpta, cujus diameter est unius fere lineae, datur sub N & O optime delineata. In his & id genus aliis Testis praecipue hammoniformibus non omnino laevis est aliquando superficies, sed scabriuscula, vel papillosa papillis minimis, vel foraminulis subrotundis praedita, quod juvat semel animadvertere.

## VAS CLIX.

Tab. 35. P. Q.

Hammoniae ut praecedentes sed illis multo minores ac magis globosae, ita ut ex his non nullae sphaculas ipsas aemulentur. Inter has adsunt, quamvis raras, illae, quas dedimus in App. fig. 16 lit. V. Omnes natura sua opacae sunt, nunquam pellucidae, & prorsus similes iis, quae in aliquibus rophis cinctis prope Senas copiose inveniuntur. Ibi, & in littore maris *alla Follonica*, & ex concretionibus zoophyticis.

## VAS CLX.

Tab. 35. R. Tab. 36. S. T.

Hammoniae conico-tuberculatae; ore aperto sublunari, in quibus nempe os videtur apertum a margine ejus partis, in qua spira patet, ad centrum usque oppositae superficiei, in qua nullum spirae vestigium extat. Hujus speciei Hammoniae id etiam habent singulare, quod aliae ad dexteram, aliae ad sinistram os habent constitutum, ut ostendunt lit. R, & S. Ibi.

## VAS CLXI.

Hammoniae subconicae tuberculatae, seu tuberosae, ore clauso, minutae, & microscopio conspiciendae. Has Testas polythalamias thalamis nunc regulariter in utraque superficie prominentibus, nunc prorsus irregularibus, tuberosas tuberibus variis, in utraque superficie elevatis, & aliquando in vacuum umbilicum desinentibus, ad Hammonias amandamus: sunt enim subrotundae, & in spiram, quae saepe omnino inconspicua est, convolutae. Aliae quidem similitudinem praeseferunt cum iis Hammoniis, quas in App. Vase 44. diximus *planorbes* & iconem dedimus fig. 24. Aliae aliam portant figuram & ita diversam, ut ex 170, quae in hoc Vasculo continentur, Hammoniis exquisito microscopio conspectis vix una alteri perfecte similis videatur. Hinc placuit non nullas in sequenti vasculo delineandas repone. Ibi.

## VAS CLXII.

Tab. 36. V-Z. Tab. 37. A-F. Tab. 38. G-M.

Hammoniae ex praecedentibus selectae, quarum omnium icones damus Tab. 36. 37. 38, sub lit. V, X, & sequentibus.

## VAS CLXIII.

Tab. 39. N-S.

Hammoniae figura praecedentibus affines, sed quoad testae colorem vitreolucidiore. Harum spira extrinsecus, vel saltem concamerationum directio, omnino inconspicua, & vel una vel utraque superficies diversimode scabra aut papillosa papillis minimis frequentissimis, vel etiam foraminosa forami-

nulis triangularibus: (Num pro his MM. Vermium Exuviis novum con-  
dendum est genus?) Aliae Hammo-  
niae vel Nautili diversimode papil-  
losi occurrent etiam in sequentibus.  
In fundo maris & in concret. zoophyt.

## VAS CLXIV.

Sequuntur Hammoniae tubercula-  
tae; quarum aliae spiram habent in  
utroque superficie visibilem: aliae in  
una tantum: aliae neutra in parte tha-  
lamorum circumvolutiones orbesque,  
ostentant: aliae sunt in utroque he-  
misphaerio elevatae, aliae in una sal-  
tem superficie planiusculae, vel etiam  
concaevae, qua nempe parte adhaerent  
extraneis corporibus, & nobis audiunt  
*pseudoparasiticae*, ut clarius in sequen-  
tibus. Ibi.

## VAS CLXV.

Tab. 40. T-B. Tab. 41. C-H. Tab. 42. I-O.

Hammoniae, seu etiam Nautili se-  
lecti ex praecedentibus, quorum dan-  
tur Icones in Tab. 40 & seq. sub T.  
V. & c. Omnes omnino eorum varieta-  
tes tradere difficillimum foret, & for-  
te supervacaneum. Si ab aliis in hoc  
opere descriptis Testis primo aspectu  
figura non differunt, substantia, qua  
constant, lucido-vitrea quammaxime  
discrepant.

## VAS CLXVI.

Tab. 43. P-X.

Hammoniae *Tuberculatae pseudopa-  
rasiticae*, quae nempe extraneis cor-  
poribus adhaerentes vivunt. Earum spe-  
cimen dedimus in Appendice ad *Sagg.  
Orit.* Vase 46, ubi eas fossiles descri-  
bentes diximus *Plano-convexas*, nempe

ex una parte planiusculas ex altera con-  
vexas, seu tuberculatas tuberculis ele-  
vatis, quae totidem cellulas exprimunt  
in spiram saepe invisibilem excurren-  
tes. Sunt igitur Testae polythalamiae  
fere microscopicae, quarum centum in  
hoc vasculo contentae habentur pro  
maximis, nulla tamen ex his dimi-  
dium lineae sua diametro excedit. Ex  
quo pars in his Testis & sequentibus  
una planiuscula, scabra, & aliquan-  
do foraminosa sit, ut exprimit lit. M  
tab. 42, & ff tab. 44, vel mm tab. 45,  
jure merito suspicamur haec animalia  
vixisse jam extraneis corporibus inhae-  
rentia, non secus ac Vermiculi faciunt  
Vasis 142 & seq., & alia Corpuscula  
levissima ad tertiam Classem relata.  
Sed haec in nostris hisce Testis lex om-  
nino constans ostenditur, non tantum  
ex ipsa parte planiuscula, sed clarius  
ex icone sub X praesentis Tabulae, quae  
Hammoniam nescio cuinam fragmen-  
to haerentem ostendit.

Ex his aliae sunt fossilibus Senensi-  
bus similes: aliae ita mira variantes  
forma, ut plures Tabulae confici potuis-  
sent. Earum aliquas varietates tradi-  
mus in hac Tab. 43 & seq. Reperiun-  
tur in littore maris *alla Follonica*, &  
alibi cum arenulis admixtae: uberius  
ad Portum Ferrarium, & in concr. zoo-  
phyt. Ab arenulis quidem minimis se-  
parantur ope pyxididis levigatissimae,  
cujus plano tantillum inclinato facile  
adhaerent; dum interim arenulae, vel  
etiam caetera ferme omnia corpuscula  
subrotunda & graviora ad ima celeriter  
delabuntur. Tandem ab aequae plani-  
usculis & levibus diversae speciei  
corpusculis ope lentis vitreae sejungun-  
tury quae nudis oculis nec conspi-  
ci potuissent.

## VAS CLXVII.

Hammoniae ut supra, sed non nihil  
minores, nempe microscopicae. Sunt

in hoc Vasculo 1570, quae simul unius grani pondus vix superant. Ibi.

### VAS CLXVIII.

Hammoniae pseudoparasiticae cum praecedent. aliquam habentes affinitatem; sunt enim ex una parte compressae, ex altera tuberculatae; & inter minusculas & microscopicas mediae. Sunt Testae omnes osseo-lucidissimae, sed figura tam variae, ut satis definiri verbis vix possint. Aliquod earum specimen dedimus jam in Tabulis praecedentibus, & novum aliquod trademus in sequentibus. Ibi.

### VAS CLXIX.

Tab. 44. aa-ff. Tab. 45. gg-mm.

Hammoniae tuberculatae pseudoparasiticae convolutae & quasi cucullatae. Sunt ejusdem speciei ac praecedentes, non complanatae, sed in se leviter convolutae; ea enim pars, quae in praecedentibus planiuscula, in his est satis concava & extremitatibus non nihil in se complicatis: quod non alia ratione accidere potuisse credimus, nisi quia parte illa concava, dum viverent, adhaeserint corporibus subrotundis, seu stirpium ramulis, ex quibus eam cucullatam figuram induere coactae sint.

### VAS CLXX.

Tab. 46. nn. oo.

Hammonia *Balanus* seu *Balanoidea*. Sunt Testae semper microscopicae aut minimae subalbidae, plano-conicae, idest spiram habentes in plano positam, seu subconcavam, ac ex adverso in conum erectae, & in apicem saepe in Balani morem apertum desinentes,

cum ore longitudinali a vertice ad perimetrum usque baseos coni producto. Hinc semper stant super basim erectae, ut sub *nn*, vel ad latus procumbentes ut ostendit *oo*. In hoc Vasculo continentur integrae Testae num. 1124, quae simul unius grani cum dimidio pondus non deprimunt: ex quo earum magnitudo & levitas facile noscitur. Has etiam puto esse pseudoparasiticas & ex parte spirali seu basi adhaerentes aliis corpusculis. Num ab aliis Testis diversum genus conficiunt? Nullae in littoribus, rarae in fundo maris, minus rarae in concretionibus zoophyticis.

### VAS CLXXI.

Tab. 46. pp.

*Nautilus Melo*. Sic vocare placuit has Testas quia peponis figuram sua sphaericitate, & thalamosum intersectionibus imitantur; sunt enim quasi globosae, sed prorsus microscopicae num. 260, unice separatae ab arenula minima conchacea, quae oritur ex diffractis & comminutis concretionibus Zoophyticis seu Corallinis. Sunt Testae subvitreo-lucidae, aliquando flavo-coloratae, ut in sequenti vasculo (nisi forte ad aliam speciem pertineant), utraque ex parte aequae ventricosae & umbilicatae umbilico incavato, thalamis distinctis, elevatis ac rotundatis, ut videre est sub *pp*; spira verò perbelle intra os clausum occultata, ut exprimit icon altera sub *qq* sequentis vasis. Nostra haec est ei similis, quae fossilis prostat in Appendice Tab. II. fig. 16 lit. TT, nisi quod hae nostrae nativae saepe sunt profundius umbilicatae, ac pluribus, nempe septem ad tredecim usque, thalamis aliquando praeditae. Hae igitur aut ex mari collectae, aut fossiles, ejus naturae sunt, ut semper minimae seu aequales atomis videantur.



## VAS CLXXII.

Tab. 46. qq.

Nautili *Melones* flavescens num. 34. Sunt Testae globuliformes, foraminosae foraminulis minimis irregularibus & per totum corpus frequentissimis, ut habetur sub qq, ubi sub triplici aspectu repraesentatur Nautilus noster. Quoad formam fere nihil a praecedentibus differunt, non tamen sunt osseolucidae, sed colore subflavo praeditae in scabra superficie, quasi fuerint ochrea flava intime penetratae: utrum verò color subflavus sit adventitius, an verò natura insitus, affirmare non audeo: Certe foraminula, quibus per totum corpus videntur instructae, non adventitia in aliquibus sunt sed naturalia. Imo dum id genus Testas fossiles aliquando sub microscopio contemplerer, non semel vidi superficiem undique scabram, quae sane scabrities nihil demebat ex illa pelluciditate aut nitore subcrystallino, qua hujusmodi Conchylia prorsus minima non rarò gaudent.

## VAS CLXXIII.

Tab. 46. rr. ss.

Nautilus *Melo spiralis*, seu *Hammoniae* num. 68. microscopicae globuliformes spirales; quae nempe ex una parte melonis seu peponis figuram imitantur, qua non differunt a praecedentibus Vasis 171., ex altera verò nodoso veluti funiculo in prima voluta circumdatae, reliquis spiris inconspicuis, pro quibus in centro adest semisphaerula vitreo-lucidissima, ut optime exprimitur in rr; vel aliquando in superficie planiuscula, spira adest usque ad centrum, solo tamen microscopio visibilis, ut habetur in ss. Illud etiam in his *Hammoniis* notandum, quod aliae

sunt dexteræ, ut sub ss, aliae sinistræ, ut sub rr, eo sensu quem in praefatione ad hoc Caput exposuimus. Omnes ex concretionum zoophytorum fragmentis minimis. Quae in hoc & duobus praecedentibus Vasculis habentur Testae, sunt semper minimae ac prorsus microscopicae, & invisibiles atomos acmulantur; neque ad majorem molem assurgunt. Hinc non mirum si inter fossiles rarissime, & non nisi in terris quibusdam plasticis Senensibus inveniantur, nec sine maxima difficultate colligi possint.

## VAS CLXXIV.

Tab. 47. A-G

Septem in hoc Vasculo continentur marinae Testae prorsus microscopicae seu minimae, non tamen aequales. Sunt omnes margaritiferae & unionis splendorem habentes, utrinque planiusculae, quaeque nudo oculo apparent subalbidae, sub lenticula magis albescent, sub microscopio verò splendescunt argenteo colore fulgidissimo: substantia videntur summe graciles quasi velo margaritaceo subtilissimo praeditae, ideoque nimis distant a ceteris *Hammoniis* nativis atque fossilibus, quarum omnium testa vel opaca est, vel vitreo-pellucida semper crassa ac solidiuscula. Ex his igitur una est *Hammonia* bivoluta (A). Alia (B) striata striis confertissimis. Tertia *Hammonia* trivoluta (C), quae os habet apertum secus ac in ceteris evenit. Sunt ne omnes *Cochleae*? Quarta (D) est Nautilus, vel *Hammonia* non nihil disrupta, habens in centro rotundum corpusculum thalamis subglobosis erectiusculis circumseptum. Unus sequitur Nautilus (E) integer, & ad marginem aculeatus aculeis intortis. Pro sexta habetur Nautilus (F) margariferus pun-

ctatus punctis minimis, quem ob irregularem figuram voco pseudohammoniam. Tandem sequitur (G) vera Hammonia mirabilis non minus ob magnitudinem minimam quàm ob summam testae pelluciditatem & fulgorem, ob plurimos etiam thalamos globuliformes globulis subrotundis lucidissimis regulariter decrescentibus, & in novem orbes seu spiras usque ad centrum dispositis. Haec novissima ob summam ejus exilitatem nobis audit *Oculus Pulcis*. Tria haec postrema corpuscula nudis quidem oculis, nisi fortasse linceis, inconspicua non distinguuntur a moleculis minimis pulveris impalpabilis, & eorum figura neque lenticula vitrea perfecte detegitur; sed opus omnino est, ut super nigrum laevigatum lignum imposita sub optimo microscopio conspicienda collocentur. Ex concr. zoophyt.

Quis interim non miretur in atomo ferme invisibili tam completam fabricae constructionem, multiplicem quantitatem globulorum forte centum octuaginta numerum excedentium, summam exilitatem animalculi ibi olim inhabitantis, & per thalamos illos ac dissepimenta libere vagantis? Certe non defuere Viri, qui in Appendice ad *Sagg. Orist.* conspicientes sub fig. 29 Tab. III. Hammonitem minimum subflavo silici immersum ac centum quindecim cellulis ornatum, de rei veritate dubitarunt. Habent itaque valde analogia in hoc Vasculo quae contemplantur, & in Nativis prototypum fossili illi si non aequalem haud multo majorem atque elegantiores, quem inficari nullatenus possunt.

Hac super re triplex quaestio moveri ab aliquo potuisset. Prima an nostrae microscopicae Testae ultra illam minimam magnitudinem crescant. Secunda an montana Hammonis Cornua eadem fuerint ac nostrae Hammoniae minimae. Tertia an Testae quae Ham-

monis Cornibus montanis olim originem praebuere adhuc in abyssis pelagi latentes vivant. Ad primum responsio est, has nostras Hammonias fuisse semper minimas, neque ad majorem molem ex crescere; ac proinde non potuisse quibuscumque montanis cornibus originem tradere. Secundò Montana esse a nostris longe diversa, nihilque prorsus habere cum ipsis commune, nisi quamdam fortasse fabricae affinitatem. Tertiò tandem, in re tam dubia tanquam verosimilius ex observationibus naturalibus opinamur, plures Testarum species, & ex his eam praecipue quam dicimus Montana Cornua, jam periisse, atque in rerum natura fuisse prorsus deletas. Haec nostra opinio videtur observationibus consentanea, ac probabilior, quidquid in contrarium mussitent Viri plus aequo ratiōibus pure metaphysicis obsequentes.

#### VAS CLXXV.

Tab. 47. H. I. Tab. 48. K-O. Tab. 49. Q-T.

Aliae sequuntur Hammoniae microscopicae, & ex una tantum vel utraque facie margaritiferae vel etiam osco-lucidissimae. Quoniam praecedentium Hammoniarum dare omisimus figuras pro utraque parte delineatas, idque propter summam earum exilitatem, qua non ita facile sub microscopio consistentes in oppositam partem converri poterant, nunc in paulo majoribus Hammoniis defectum supplettes utramque spectandam exhibemus Testae faciem sub lit. H, I, & seq. ex qua eruitur, Hammonias hujus generis raro esse eadem forma eademque figura in utraque superficie praeditas, imo aliquando in una parte laeves in altera papillosas, aliquando in totius corporis configuratione ita varias, ut vix ad Nautilos vel Hammonias spectare posse crediderim. Omnes ex diffractis concret. zoophit. Mediterranei.

Tab. 49. V. X. Tab. 50. Y-cc. Tab. 51. gg. hh.

Variae in hoc Vasculo continentur Hammoniae subrotundae, ut in V, Z, cc &c. vel Exuviae Marinorum Vermium Nautiliformes vel Hammoniformes subsemicirculares prout in X, Y, aa, &c. Harum specimen dedimus etiam in Tabulis superioribus, quibus hae addendae omnino erant tamquam varietates. Ex his aliae sunt fere microscopicae, aliae mediae magnitudinis; & ultimo minuscula succedit maxime vitreo-pellucida Testa ad lituum accedens, prout in Tab. 51 hh, quae maxime affinis est quibusdam Exuviis Orthoceratiformibus crystallo-fulgidis Capi- tis Septimi. Ex coner. zoophyt.

VAS CLXXVII.

Tab. 51. ii-ll.

Hammoniae Trochii: Testae in acuto-rotundatum, osseo-lucidum hemisphaerium elevatae, in quo spira interne ex- eurrens vix exterius conspicua: basi planiuscula, umbilicata, leviter tubercu- lata, seu dissepimentis notata toti- dem cellulas exprimentibus, &, quod venustum est, margaritacea lucente. Una vel altera ex his exprimitur per ii, kk quarum prior sinistra est, alte- ra dextera, directionem spirae nume- ris 1, 2, 3 &c. indicantibus. Icones in- nuunt has Testas aliquam habere simi- litudinem cum iis fossilibus, quas in Appendice Vase 19 diximus Trochifo- rmes. Ex inspectione verò ejus quae ha- betur in lit. ll, quaeq., ut videtur, al- gae vel alius ejusmodi herbae marinae folio innititur, suspicari merito possu- mus hujus speciei Hammonias esse ex natura sua pseudoparasiticas, sive ex- transis corporibus adhaerentes vivere.

Rarae in fundo maris; minus rarae in concretionibus zoophyticis.

VAS CLXXVIII.

Tab. 51. mm. nn. Tab. 52. oo-rr.

Oculi maris; Sic vocare placuit quas- dam Exuvias marinorum Vermium, aut si velis etiam Hammonias micro- scopicas oculi speciem praeseferentes. Sunt enim polythalamiae, rotundae, depressiusculae, ex una parte compla- natae, non nihil incavatae, & margari- taceo colore fulgentes; ex altera ele- vatae in hemisphaerium opacum ali- quando vitreo-pellucidum variis lineis notatum, in ejus medio adhuc magis assurgit veluti globulus lucidissimus, quae omnia vivi oculi figuram quo- dammodo repraesentant. Sunt n. 190, ex quibus una praesertim, optime in- sculpta sub. lit. qq, oculi speciem of- fert. In fundo maris vel in concre- tionibus zoophyticis. Nusquam fossiles reperi testas alias, quae ex una parte margaritaceae sint, ex altera verò qua- dam veluti ossea aut testacea substantia constant.

VAS CLXXIX.

Tab. 52. ss. tt. Tab. 53. vv.

Hammoniae, sive Exuviae marino- rum Vermium microscopicae num. 800 praecedentibus valde similes, cum qui- bus omnino conveniunt quoad partem eomplanatam & margaritaceo colore splendentem; sed quoad alteram sunt non nihil convexae, substantia opaca & subalbido colore imbutae per totam illam superficiem, quae subinde nota- tur variis lineolis incavatis internis testae thalamos designantibus. Earum icon exprimitur litera ss &c. Ex con- cretionibus zoophyticis Mediterranei.

## VAS CLXXX.

Tab. 53. xx-57.

Hammoniae planae rotundae, in superiori parte convexae, opacae, spirales, in inferiori verò planae, levissime tuberculatae ac margaritaceo vel vitreo splendore lucentes. Ideo a praecedentibus distinctas damus, ut ex earum iconibus quisque intelligat, etiam illas quae in duobus praecedentibus Vascularis continentur, esse veras Hammonias, quamvis spira non in omnibus aequè visibilis. Harum non nullas varietates dedimus etiam in Vase 175, quae tamen erant vitreae vel margaritaceae in utraque superficie. In fundo maris, & ubertim in concretionibus zoophyticis.

## VAS CLXXXI.

Tab. 53. A. B.

Nautili duo (*Seminula*) triestulati, fere laeves lucidi. Sunt Testae subpyramidales saepe constantes tribus vel quatuor faciebus triangularibus in duos aliquando acutos angulos solidos desinentibus. Quaedam lineolae aut sigua, quae extrinsecus patent, internos thalamos indicant. Icones sub A, B melius quam verba fabricam eorum explicant. Haberi possunt tamquam medii inter Nautilos & Orthoceratia. Rari admodum nativi in mari Mediterraneo, minus rari in quibusdam argillis martialibus Sanguiricensibus & Senensibus, ut patebit in secundo Tomo, in quo id genus Testas aut his consimiles sub Orthoceratis *Triedri* nomine indigabimus.

## VAS CLXXXII.

Tab. 53. C.

Hammoniae circulares planissimae, albo-calcareae; figura sunt ut exprimit litera C. Earum substantia videtur persimilis illi, quam constanter habent Frumentaria Capitis IX., quae etiam aliquando praeditae sunt Cochleae iniuria temporis labefactae. Super his adhuc leve nobis dubium superest, an sint Uniloculares Testae, proindeque ad Cochleas amandandae; an verò polythalamiae, quas inter, dubio nondum amoto, statuere placuit.

## VAS CLXXXIII.

Hammoniae & Nautili mediae magnitudinis ac microscopici diversae speciei ac formae. Ex concr. zoophyt.

## VAS CLXXXIV.

Hammoniae & Nautili prorsus microscopici seu minimi diversae speciei ac formae praecipue globuliformes. Ex concretionibus zoophyticis.

## VAS CLXXXV.

Tab. 54. D-K.

Nautili & Hammoniae selectae ex praecedentibus, quas delineatas exhibemus sub D, E, F, &c. Nautilorum & Hammoniarum cunctas varietates exprimere nimum operae postulare, ideo multas reliquimus in tribus praefatis Vascularis microscopio conspiciendas.

DIGRESSIO AD QUASDAM TESTAS FOSSILES QUÆ AD HUIUS  
CAPITIS ILLUSTRATIONEM NOVO EXAMINI  
SUBJICIUNTUR.

## VAS CLXXXVI. CLXXXVII.

Tab. 55. A-G. Tab. 56. H-K.

Litui *crispati* & *orbiculi* minusculi, & in hoc genere maximi (nobis in App. ad quinque priora vasa audiunt *Nautili lituitati*: apud Modceer verò *Orthocerae crispatae & orbiculi*). Sunt *Testae subpellucido-nitentes, planiusculae, in orbem utrinque convolutae, dissepimentis frequentibus distinctis, aliquando prominulis, ad marginem carinatae vel crenatae, ore levissime siphunculato exiremo*. Omnes ex terris Senensibus & Sanquiricensibus erutae, pleraeque dentatae omnino & integrae sunt ac si in mari recens natae. Ex his decem (Vas 187) tamquam varietates depictae prodeunt in tab. 55 sub A, B, &c. & tab. 56 H, I, K. Harum aliae sunt regulares ut A, B, C, &c. aliae irregulares, ut H, I, & praesertim K quae non disruptam Testam, sed Lituum integrum quasi abortum exprimit, cui os, ut ceteris, ad partem X. Praeterea aliae sunt in utraque superficie aequae elevatae, ut A, C; aliae depressae ac planiusculae, ut B, D, E; aliae perfecte laeves, aliae thalamorum internodiis vel prominulis vel ineavatis prout in F tabulae 56. Sunt etiam vel umbilicatae vel absque umbilico: in aliquibus incessus thalamorum regularis est & ad rectum inclinans ut in E; in aliis maxime incurvatus vel flexuosus &c.

Os habent plerumque apertum quod videtur esse ad partem expressam per lit. a tab. 55, vel x tab. seq. nempe in extremitate vel circa medium tha-

lami extremi seu a centro remotissimis; ibi enim dum testa vel minime labefactatur aut corrumpitur, prius aperiri solet foraminulum vel rimula fere irregularis in eo praecise loco, in quo saepe quid prominulum exeritur; cui sane alia successive respondent foraminula in singulis isthmis concamerationum usque ad centrum intrinsecus prope marginem incedentia, quorum aliquando situs exterius etiam se prodit, ut in priori facie figurae D. Putamus igitur Lituis vel etiam Nautilis fere omnibus adesse pro ore rimulam ad libitum animalculi aperiendam, quae illo mortuo clausa adhuc manet plerumque microscopio etiam optimo inconspicua.

Quò itaque in his tabulis 55 & 56, & in primis Appendicis, attentius contemplor depictas icones & praeterea E tab. 37, X tab. 49, Y vel aa tab 50, ac gg tab. 51 &c. eò firmitus opinor eas omnes non esse quidem referendas ad *Orthocera* sed vel ad *Nautilos* & *Hammonias* aut potius ad novum sub *Litui* nomine genus: qua voce constanter utemur in secundo tomo ubi *Conchyliorum* minorum brevem indicem addere parati sumus. Neque id videtur Linnaeo adversari, qui in primis suis operibus in lucem editis an. 1758 *Polythalamia* omnia divisit in *Nautilos*, *Orthoceras*, *Lituos*. Sed ne videamur de nomine disputare, cuique licebit Testas hasce ad unum alterumve genus referre.

Interim quae in hoc vase continentur id genus Testae num. 250 ferme omnes grandiusculae sunt, omnesque perfectissimae. In his sane tertiis figu-

linis, quas dicimus antiqui maris abyssos, difficile est invenire Testas ejusdem speciei minimas seu recens natas, quum ex nimia tunc gracilitate fortasse consumptae fuerint: porro una est mediae magnitudinis vel fere microscopica sub lit. G tab. 56, quae ob delicatiorem naturam videtur esse in juventute sua: haec licet habeat labefactatos priores thalamos, quoad praecipuam tamen externam configurationem & numerum articulorum vix differt a maxima E tabulae 55.

## VAS CLXXXVIII. CLXXXIX.

Tab. 56. L-R. Tab. 57. S, S<sub>1</sub>, T<sub>1</sub>, T.

Nautili *Lituitati* mediae magnitudinis, seu *Litui* medii. Sunt Testae foris subspirales univolutae, spira scilicet minime intus latente, ut in Nautilis: thalamis expansis longioribus ad centrum decrecentibus, circa quod pene revolvuntur. In his thalami aliquando pauciores non juventutem, sed speciem diversam aut varietatem fortasse indigitant: nunquam, saltem in his locis, ad molem praecedentium excrescunt. Pictas habes in tab 56 sub L, M &c. inter quas P disruptum Lituum exprimit.

Adsunt & aliae Testae insigniter papillosoe, quarum primae sub Q nomen *Lituus elegans*: secundae sub R *Lituus rarus* (an Nautilus?): tertiae sub S Nautilus *hystrix marginatus*, sub S<sub>1</sub> *hystrix radiatus*: sub T<sub>1</sub> *Lituus in-nominatus*, maxime papillosus, non integer: T Testa quam licet paululum disruptam, ob raritatem tamen sub triplici facie exhibemus insculptam, & vocamus Nautilum *Echinum*, quem tamen a papilloso Vasis 192 specie differre certum est.

## VAS CXC.

Tab. 57. V-Z. Tab. 58. aa-dd.

Nautili *Lituitati* minimi ex terris Senensibus eruti, ideo aliquando colorati ex ochris intimis, sed quoad substantiam fere pellucidam ac testae integritatem nil differunt a nativis maris, quos damus in tabulis hujus Volum. ad Orthoceratia spectantibus. Ex fossilibus aliquos, dum longiusculi sunt, ex una parte rotundati, ex altera non nihil in acutum desinentes, speciali nomine dicerem Lituos *Ligulas*, ut sunt Z tabulae 57. & aa, bb tab. 58.

Accedunt Orthoc. quaedam fosilia utraque parte acuminata, quae proinde *cuspides* voco, quorum figurae extant in schematibus cc, dd tab. 58. Ex horum omnium inspectione inferitur, Lituos quosdam ad Orthoceratia sensim progredi: quod erui etiam facile potest ex Orthoceratidis nativis depictis in tabulis ultimis capitis quinti. Litui itaque *Ligulae* supra memorati plura habemus exempla ex Testis minimis deprompta, pauca ex minusculis, ut in secundo tomo apparebit.

## VAS CXCI.

Tab. 58. ee-mm. Tab. 59. nn-pp.

Nautili carinati (*Lenticulae*) maximi ac minimi. Priores quidem exhibiti in tab. 58. lit. ee, ff, gg, si cum omnium minimis comparentur expressis in icone ii, kk, sane duo inferri possunt: primum, hos minimos unam eandemque speciem conficere cum maximis: alterum, quum iidem minimi, quos juniores putamus, nihil differant a prioribus, tum quoad corporis configurationem, cum etiam quoad numerum thala-

thala-

thalamorum, hinc esse verisimile, plures Nautilorum species nasci perfectissimas, & partibus fere omnibus absolutas. Quod si ratio instituat inter Nautilos fossiles & nativos Vasis 150, seu cum iis qui prostant in tab. 33, B, &c., facile quisque iudicabit utroque ejusdem speciei, sed priores, forsitan quia antiquioris originis, horum respectu esse quasi gigantes. Hujus itaque speciei Nautilus tum fossilis cum natus in posterum audiet *Lenticula*; testa rotundata, planiuscula, aequae tamen elata, aequae laevis in utraque superficie, thalamis non nihil incurvatis, saepe carinata carina ampla membraniformi, duriuscula, margine ostiolum bifariam fere dividente.

Adest & Nautilus radiatus sub *hh* ejusdem tab. minime confundendus cum *Lenticulis* praecedentibus, quibus est semper minor, globosior, ac dissepimentis constanter prominulis, nunquam proprie carinatus, sed semper radiatus radiis pellucidis durioribus: hunc verè minimum nunquam inveni. Sunt quidem alii minimi Nautili radiati, ut *mm*, sed ab illo, ut *ccor*, specie differunt.

Et aliae accedunt Nautilorum familiae. Nautilus (*ll*) cui nomen *Gemma*; testa teretiuscula constans quatuor thalamis subtriangularibus medium habentibus pro umbilico globulum lucidissimum quasi crystallinum, in utraque superficie aequae prominulum. Discrepat ab oculis maris vasis 178. Aliam fortasse speciem aut varietatem exhibet Nautilus *oo* tab. 59, cui tamen ostioli thalamus longior, globulus in medio major, sed opacus & quasi osseus. Estne unus e gradibus intermediis, sive anulis communicantibus, quorum ope a specie ad speciem Natura sensim procedit? Denique haec additur fossile rarum, Orthoceras *Cucurbitula*; testa subterestrialiformis, foris striata, striis minutissimis varia directione incedentibus, ore

ad apicem. Hi omnes quum semper sint minimi (quantum experientia nos edocet), si ad majorem etiam molem crescerent, nunquam tamen alter alterius formam indueret: ergo diversae speciei inter se sunt.

## VAS CXCL. CXCHL.

Tab. 59. qq-ss.

Nautilus papillosum de quo in App. ad vas IX. testa subglobosa, papillosa papillis frequentissimis, dissepimentis prominulis, ad marginem radiata, septem aut octo ad summum, dum antiquior est, thalamis praedita; paucioribus, dum recens nata; ostiolo ad unam faciem inclinante, ore in extremis, in gyrum striatulo, saepe clauso. Haec sunt num. 300, quorum maximi nunquam attingunt magnitudinem Nautili *Lenticulae* (*ee*, vel *ff*) supra memorati, sed paulò majores sunt quàm indicet litera *q* tabulae 59. Ibi igitur adest Nautilus integer, detersus, ac fere pellucidus (*qq*) secundum utramque faciem exculptus, quarum una prostat in situ non nihil inclinato ut pateat ostiolum testae, omnino tamen clausum (erit forsitan pro ore rimula quaedam ad partem *x* ope microscopii etiam optimi invisibilis); dein in alteram faciem conversus, ut in utraque superficie videantur papillae praesertim in articulis minoribus & centro vicinioribus, quum aliae ab animalculi motu & testae confractione deletae sint. Alter ejusdem speciei Nautilus *rr* & ipse ita delineatus, ut offerat disruptum primum thalamum & in eo foraminulum ad partem *x* orientespondens. Hoc foramen singulis thalamorum isthmis inesse ad centrum usque ex observatione credimus. Ceterum papillae, quae in exteriori superficie sunt, interius etiam thalamos comitantur, ut praeceteris ostendit

Testa superius explicata ad lit. *y*.

Omnium minimus est Nautilus sub *ss*, quem tamen ejusdem omnino speciei esse cum duobus praecedentibus non assererem. Igitur ex observationibus inferendum est, Nautilos hujusmodi quò juniores ac minores, eò plures habere papillas, eòque longiores radios vel aculeos, quibus ad marginem instructi esse solent; nunquam tamen (cujusvis sint aetatis) vere sunt marginati aut carinati carina extensa membraniformi: ex quo vel maxime confirmatur, Nautilos *papillosos* a *Lenticulis carinatis* differre.

#### VAS CXCIV.

Tab. 59. *tt. vv.* Tab. 60. *xx.*

Nautili *globuli*, Testae nempe sub-sphaericae, superficie laevi, thalamis a centro ad marginem usque regulariter & eleganter quasi per semicirculos flexuose incedentibus & ob testae pelluciditatem extrinsecus quoque conspicuis. Hujus Nautili varietates sive etiam species duas exhibent figurae *tt*, *vv* tabulae 59. Ex his Nautilus prior omnino convenit cum eo, de quo in App. Tab. I. fig. 12. P. Posterior verò *vv*, disruptus tamen in *a*, *b*, *c* (cui additur alius similis integer sub *xx* tab. 60 ex utraque facie adumbratus) nobis audit *Globulus Subhammonia*, quae est *Testa & ipsa subglobosa, praecedente paulò major, in utraque superficie laevis, intus spiralis, quae duplici vel triplici ductu in orbem intus revolvitur, forisque etiam ex Testae transparentia vel ex ochris intimis conspicua redditur.*

#### VAS CXC. CXCVI.

Tab. 60. *yy-E.* Tab. 61. *F. G.*

Nautilitae cum uno vel altero Am-

monite, omnes minusculi num. 320, seu Nuclei Nautilorum quorundam ochraceo-ferruginei, qui igne adusti saepe trahuntur a magnete. Ex his pauci inveniuntur in spiram leviter convoluti & *Hammonitae* dicuntur, qualis est, qui prostat in App. Tab. I. fig. 10 N, & in hujus Voluminis tab. 60 fig. C iterum prodit. Multò frequentiores alii sunt, qui nautiliformem structuram habent. Est igitur in vase 196, & tab. 60 Nautilus *Lenticula yy*, disrupta testa, in qua interioris nuclei pars *a* & *b* perspicitur: est eadem ipsa facies quae supra, sed per acetum deleta testa, unde appareat integer nucleus cum thalamis vel articulis, qui facili nisu a se invicem separantur & corruunt. Duo alii sequuntur Nuclei albo-calcarei, quorum unus *A* est Nautilites, alter *G* Hammonites; quibus tamen petrefactis utrum inhaereat testa, versor in ancipiti. *D*, *E* sunt veri Nautilitae subochracei flavescentes aut nigro-ferruginei, qui duas tantum varietates exhibent ex omnibus iis qui reconduntur in vase 195. Tandem *F* est nucleus unicus & singularis; num intra Nautilum, olim giganteum, *Melonem* vasis 171 concretus? Certe hic Nautilites quamvis sua diametro aequet septem decimas lineae parisiensis, tamen respectu Nautili *Melonis* est vere gigantescus, quum illum plusquam trecenties contineat. Nautili *Melones*, eorumque nuclei, etiam fossiles, semper minimi sunt, & quidem, quod lepidissimum est, subaurei fulgidissimi obversantur nobis, in secundo tomo exhibendi, ubi de terris plasticis Senonsibus occurret sermo.

Accedit in eodem vase 196. Orthocera *armilla* sive *arthrocena* sub *G* testa quasi globulis constans, siphone centrali, foris laevis, intus pyritacea vel ochracea, proindeque nucleata nucleo ex laesione testae conspicuo in *x* & *y*.



Is nucleus, deleta testa, offert Arthro-  
cenam alteram, spuriam tamen & ip-  
sam aliquando siphunculatam foris lae-  
vissimam ac splendentem, intus saepe  
vacuam. Eundem nucleum foris lae-  
vem exhibent post destructam testam  
etiam Orthocerae quaedam striatae,  
(forsan *Raphani* vel *Raphanistri* spe-  
cies), quae copiosissime reperiuntur in  
terris plasticis Senensibus, quacque tum  
magnitudine cum figura ad amussim  
conveniunt cum iis, quae in littore Ari-  
minensi affatim colliguntur.

## VAS CXCVII.

## Tab. 61. I-M.

Inter multiplices varietates quorum-  
dam marinorum Corporum, quae Lin-  
naeo audiunt *Seminula*, nobis *Frumen-  
taria*, Modeerio *Sitomojæ*, quas etiam  
in suo genere optime ipse definiuit ad  
calcem superioris Epistolæ, quæ iam  
adsunt in App. nostra ad Vas 80 quæ  
diximus *Frumen. sextæ speciei*. Pla-  
cuit itaque ex hujus speciei Testis fos-  
silibus non nullas seligere, & inscul-  
pere tab. 61 fig. I, K, non tantum  
quia nobis semper visæ sunt prae ce-  
teris elegantiores & rariores, sed etiam  
ut pateat discrimen inter hanc speciem,  
& illam quam Modeerius commemo-  
rat, a nobis insculptam sub lit. H ejus-  
dem Tabulae. Haec itaque nostra *Frumen-  
tariorum* species parum vel nihil  
differt ab illa maris nativa, quam in  
Cap. IX. hujus Volum. dicemus *Sigma*.  
Haec cum ceteris *Frumentariis* in eo  
convenit, quod nunquam sit pellucida  
aut subvitrea, nunquam ossea, sed  
semper albo-calcarea, tubulifera tubu-  
lis adinvicem diverso modo communi-  
cantibus: speciem verò distinctam con-  
ficit, quod planiuscula sit tubulis non  
teretibus sed costulatis, profunde ca-  
naliculatis, & in utraque superficie

aequalibus & aequè dispositis, ore ex-  
tremo siphunculato prominulo. Tubu-  
lus verò ita progreditur, ut ab ore pa-  
tulo *a* per *b*, *d*, *c* se bis inflectens tran-  
seat in *e*, sicque quinque aut sex re-  
volutionibus subellyphiticis ad centrum  
usque procedat. Tubuli incessus clarius  
patet in fig. K, quæ nobis ostendit ca-  
naliculos ab ore usque ad *f* ita divisos  
a reliquo corpore, ut facili negotio  
divelli queant. Non ita patet directio  
tubuli in fig. L, frumentariorum om-  
nium minimo, saltem quoad primam  
revolutionem, dum ceterae ad spiram  
magis accedunt. Aliud tandem *Frumen-  
tarium* M innuit in disrupti tubu-  
li parte nigricantem materiam, qua id  
genus Testae, etiam maris nativæ,  
haud infrequenter repleti solent.

Haec itaque species est semper fere  
minima, aequè semper integra, aequè  
semper siphunculo foris prominulo  
praedita, nullumque inter nativam &  
fossilem discrimen viget: quibus semel  
statutis observationibus, non video quo-  
modo in hujusce speciei individuis con-  
venire possit Animalculo ejusque do-  
munculae ea incrementi ratio, quam  
supra in epistola sua Dominus Modee-  
rius exposuit.

## VAS CXCVIII.

## Tab. 61. N. O.

Vermiculi Hammoniformes, sic vo-  
cati in App. fuere ad Vas 55. Hos ad  
me miserat perhumaniter D. Guido Vio  
Venetus, mei amicissimus & in histo-  
ria naturali apprime doctus, his verbis:  
*Vermiculitæ subrotundi, depressiusculi,  
in apicem rostratum desinentes. Locus  
vulgò Pria bona agri Vicentini. Hujus  
praeter iconem in praefata App. Tab. IV  
fig. 26, damus heic iterum alias duas  
sub N, O. Sunt id genus vermiculi te-  
sta crassa, ossea, in orbem quasi re-*

gulariter convoluti, ore rostrato vel in tubulum desinente: ex una facie  $x$  semper plus minusve umbilicis, ex altera  $y$  apice ad centrum prominulo, qui verosimiliter, dum integri sunt, in turbinem aut cochleam erigitur: quam sane partem hac intus petrefacta fossilia semper disruptam habent, ut videre est in  $y$ . Tubulus in his Testis licet exterius appareat quasi triangularis aut subprismaticus, ejus tamen pars interior animalculo recondendo inserviens ubique rotunda est, ut in  $z$ ,

## VAS CIC.

Tab. 61. P. Q. Tab. 63. R.

Numulariae, quas olim ad nos miserat praefatus Guido Vio sub hoc titulo: *Porpitae soluti & aggregati, rotundi, numismatis figura, superficie striata ac granulata*: e Cormons in agro Forjuliensi (vulgo del Friuli). De his breviter egimus in App. ad Vas 53, ubi etiam duplicem earum figuram exhibuimus in tab. IV fig. 34. Placet hic tum ad illustrationem eorum quae diximus in superiori Capite, cum etiam ad penitiorum cognitionem harum Numulariarum, iconem tradere unius apud me extantis *Porpitae*, cujus diameter pollice paulo major (tab. 62 lit. P), qui apud nos audit *Zoophyrum conglomeratum, rotundum, planiusculum, superficie laevi, utrinque ad centrum non nihil elatum*.

Huic etiam addimus ipsum lapidem in statu naturali quoad utramque faciem Q & R depictum, pene innumeras offerentem diversae magnitudinis Lenticulas, quae primo intuitu videbantur ad instar caepe vel pisolithi aut lapidis bezoardici componi veluti ex membranulis altera alteri superpositis: at revera sunt corpora conglomerata, ut aperte evincunt litterae  $a, b, c$ , &c. quae

totidem Porpitas exprimunt; quarum  $e$  praesertim &  $k$  vitro auctae 13 vel 14 spirae revolutiones sibi contiguas innuunt. Non aequè certò constat, an figurae  $f, g, h, i$  Porpita sint an Hammoniae. Porpita a Nautilis quidem & ab Hammoniis non tantum substantia differunt, sed hoc etiam quod concamerationes vel nullas habeant vel inconspicuas, ac spirae orbis multò plures sibi què arctissime adhaerentes. Inter plures Numismalium species erunt fortasse quae stratis seu circulis concentricis constant, ut essent illae in quibus Bruckman (de lapide nummali Transilvaniae) aliquando ad 40 usque numeravit. Verum quod ad nostros Porpitas spectat, corrigendus est error, qui ad vas 53 ac 54. Appendicis irrepsit; non enim exhibent concentricos orbis aut strata perfecte circularia, ut primo aspectu videri potuissent, sed bracteas repraesentant in formam depressi glomeris foraminosi foraminulis minimis, seu cellulis, quas olim forsitan inhabitaverunt Animalcula de genere Zoophytorum.

Altera lapidis superficies R quibusdam suis minimis punctis dubio procul Hammonias indigitat vitro auctas in  $s, t, v$ . In hac praeterea notandum est, Lenticulas in lapide aggregatas ferè omnes esse papillosas papillis prominulis, quas proinde Guido Vio merito supra dixit *Numismata superficie granulata*. Id patet in Lenticulis minimis  $n, o, p, q, r$ , sed apertius in minusculis  $x, y, z$ , quarum duae praecipue quum sint in superficie detersae, microscopio auctae describuntur sub  $l$  &  $m$ ; & in  $l$  quidem stratum etiam inferius sive altera tunica immediate subjacens sese exhibet papillosam; ex quo facile infertur tunicas interiores, ex quibus coalescunt id genus Zoophyta, fuisse pariter papillosas. Notetur tandem quod lenticula  $z$ , quae in altera

lapidis facie exteriorem ostendit convexam partem in *m*, eadem omnino est ac illa, quam in priori superficie litera *b* per medium dissectam ac perpolitam exprimit, unde interna quoque partium dispositio manifestatur.

Ex his igitur aliisque hac super re institutis observationibus sua sponte fuit, Numismalla praesertim grandiuscula non esse Conchylia bivalvia petrefacta, ut vult Jo. Jac. Spada; vel lapidea Cochlearum opercula, ut sensit Bourguetius; sed vera maris Zoo-

phyta: ex minutionibus verò plures esse Nautiliticas Testas in petram calcaream vel ochraceo-ferrugineam conversas. Hinc illustrari potuissent Lenticulae Clusentinensibus lapidibus inclusae, quarum plurimas conspexeram papillosas dum de illis agerem in Appendice ad vas 49 & 50.

His verò Fossilibus ut ferebat occasio leviter delibatis, ad nativas Maris Exuvias sermonem, prout instituti nostri ratio postulat, revocemus.

## CAPUT QUINTUM

ALIAE TESTAE HAMMONIFORMES, SEU EXUVIAE MARINORUM  
VERMIUM MEMORATIS NAUTILORUM ET HAMMONIARUM  
GENERIBUS SIMILES. UBI DE TESTIS PSEUDOPARASITICIS, ET PEDICULIS PINNARUM.

**I**N fundo maris & aliquando in littore prostant Corpuscula marina; quae cum Nautilis & Hammoniis aliquid commune praesferunt simulque aliquid dissonum. Cum illis conveniunt, quod habeant corpus planiusculum in spiram convolutum & coneameratum concamerationibus tuberosis recurvis sensim decrescentibus & ad centrum saepe coeuntibus. Differunt verò, quod eorum involocrum videatur ex substantia media inter testaceam & margarytaceam seu etiam albo-calcaream, eam praesertim qua Frumentaria constant. Hujusmodi sunt Testae hammoniformes, quae in Vasculo 200 usque ad 208 asservantur; sunt enim ex materia albo-calcareâ non nihil ad unionem vergente. Forma interim earum tam varia, ut Natura in his efformandis lusisse quodammodo videatur.

Quod verò nullum os, nulla rimula plerumque in hisce pateat, non est animalitatis denegandae ratio sufficiens; Nam corpora organica quidem sunt, & Animalculis recipiendis idonea, illisque Exuviis omnino affinia, quas certò constat Viventia olim incoluisse. Caeterum difficile admodum est in tam exiguis corporibus os vel hiatum conspicere, pro quibus erit fortasse rimu-

la, quae ad animalis libitum aperiretur. Num Animal in aliquibus Testis praesertim minimis degens nutritionis & alia vitae suae munia exercuit ope pororum seu etiam foraminum, quibus aliquando scater uberrime superius involucri? Suspicioni locum praebent Sphaerulae Maris Capitis VII, in quibus etsi nullum os proprie dictum, plura tamen foraminula pro ore videntur esse; nam earum pars extrema oculis vel lente conspecta apparet quidem laevisima ac splensens, sub optimo verò microscopio undique se se exhibet foraminosam foraminulis inaequalibus, aliis nempe majoribus figura subrotundis & quasi papillosis, aliis minoribus irregularibus. Testas alias diversimode foraminosas praebent Tabulae 69, 70, 71, 72, & aliae passim. Certe si haec Corpora ob determinati oris defectum ad Animalia non pertinent, omnia ferme marina corpuscula, praesertim minima, ab Animalium albo expungenda forent.

Quae sequuntur in vasibus 109 & 110 Exuviae marinorum vermium nihil substantia aut colore, parum verò corporis forma aut configuratione differunt a praecedentibus; sunt enim constanti lege albo-calcareae, depressae, polythalamiae, in spiram saltem intrinsecus convolutae, & aliquando ad Lituum accedentes, ut apparet ex eorum impressis Ectypis Tab. 67, ad quam confugere necesse est. At quamvis aliae ex hac classe parum vel nihil lituitatae aut cochleatae sint, nihilominus earumdem figura, paene dixerim, polythalamica, substantia albissima, & quaedam aliae, quas offerunt cum praecedentibus similitudines in causa sunt, cur ad praescens Hammoniformium Testarum genus referantur.

Sunt tandem & aliae Vermium Exuviae in vase 111 & sequentibus, quae ob osseam quam ostentant substantiam, nisi injuria temporis labefactatae in albo-calcareas conversae fuerint, inter Testas omnino locum postulant: & quoniam polythalamiae sunt & intrinsecus cochleatae, assimilantur veris quibusdam Hammoniis Capitis praecedentis; at structura & configuratione tum inter se tum ab illis ita dissentiunt, ut Testas diceret irregulares, nisi notae quaedam aliae constantes & characteres ab Hammoniarum genere expungi prorsus prohiberent; enim verò ita polythalamiae sunt, ut plures habeant sinuose serpentes, vel recte aut diversimode incedentes cellulas, probabiliter inter se communicantes, ut eruitur ex iis, quae fortuito disruptae internos meatus & cavitates ostendunt: pluribus interim extrinsecus scatent tuberculis, apophysibus, corniculis, canaliculis rectis vel intortis, cornicis vel cylindraceutis, modisque fere innumeris ita configuratis, ut melius ex earum iconibus cognosci queat quam verbis exprimi. Ceterum hae omnes internae cellulae externaeque protuberantiae desinunt in cochleam vel spiram,

quae ratò in superiori parte foraminosa ac tuberculis redundante, soepissime in inferiori & planiuscula visibilis apparet. Quae duplex figurae conditio, nempe & thalorum pluralitas & spirarum convolutio, altera alteri superaddita in causa precipuè fuit cur haec Conchylia inter Hammonias vel hammoniformes Testas recenseremus. Non est tamen reticendum, id etiam esse discriminis inter veras Hammonias & hasce marinorum Vermium exuvias, quod illae in mari libere vagantur, nullumque fulcimentum, cui innitantur, exigunt: hae verò sunt Testae, ut ita dicam, pseudoparasiticae; id peculiare habentes quod ex parte spirali planiuscula, quam inferiorem voco, constanter adhaesisse videantur, dum viverent vermes incolae, extraneis corporibus, ut usuvenit in Patellis, Ostreis pluribus, ac, ut de minusculis loquamur, in Vermiculis regulari spira donatis vasis 142, 143, & in aliis petmultis. Quibus verò corporibus hae Testae adhaerere soleant, ignoro; semper enim eas reperi solitarias in fundo maris. Exceptis tamen iis, quae prostant in vase 118, & sequentibus, quaeque apud nos audiunt *Pediculi Pinnarum*, utpote omnes ab hisce Bivalviis, quibus extrinsecus adhererant, divulsi.

Addendum, quod ex his Testis nonnullae persimiles sunt iis, quas tradidimus in praecedenti capite ad vas 166, & duo sequentia, ac proinde ad illum praecise locum transferendae videbantur. Verùm plura sunt, quae nos permoverunt ad hunc ordinem perturbandum. Primum & praecipuum est, quod quum Hammoniformes Testae, quas voco pseudoparasiticas, in praecedente capite descriptae, sint minimae ac prorsus microscopicae, quumque ferme omnes excerptae fuerint ex Concretionibus Zoophyticis, eas propterea ab aliis Testis polythalamis aequè minimis separare ac dividere operosa nimis res erat ac perdifficilis. Quae verò in hoc capite continentur, sunt tantum parvae & respectu illarum quasi giganteae: sunt insuper ex diverso loco, ex limo nempe Liburnensis Portus & ex valvis Pinnarum unice collectae. Secunda ratio est, quod illae planiusculae & magis rotundatae videbantur, ac proinde propius ad Hammonias accedere. Hae autem sunt maxime irregulares. Ceterum utraque sunt Exuviae Marinarum Vermium aequè testaceae, aequè polythalamiae, aequè tuberculatae, aequè parasiticae, & in cochleam, seu spitam ex parte planiuscula, qua parasiticae sunt, saepissime aequè conspicuam convolutae. Ad unam igitur eandemque speciem eas omnes esse referendas ultrò concedimus.

Miror interim neminem fuisse, qui ex tanto Hammoniarum, aut si mavis, Exuviatum, quas vermes inhabitant, & Pediculorum numero vel unicam descripserit iconem. Nos verò plures dabimus Tabulas & quidem novas, nihil repetentes ex iis, quas retulimus in Tabulis supetioribus. In his igitur

omnibus Historiæ Naturalis cultor habebit ubi jucundissimè oculos pascere, ac minimorum fabricam demirari commode possit.

Ad pseudoparasiticas Testas quod pertinet notandum est, Aristotelem, Theophrastum, Rondeletium, aliosque distinguere solitos fuisse quaedam marina corpora grandiuscula, præcipue ex Zoophytorum & Lithophytorum genere, in *Tethya* & *Holothuria*. *Tethyorum* nomine intelligebant ea corpora, quæ in mari vivunt semper ad scopulos vel ad Conchas vel ad Petrobria, aliasque res duras adhaerentia. *Holothuria* verò ea vocabant quæ soluta omnino sunt, sive quæ per mare liberrime vagantur, aut quæ saltem minimè indigent alienis corporibus ut vivant. Sua interim *Tethia* & *Holothuria* habent etiam Testæ minutæ & minimæ. Nos tamen de Testis hæc disserentes nec *Tethyi* nec *Holothurii* nomine utemur, sed *Conchylia* omnia & marina corpora in soluta sive libera, & in pseudoparasitica distinguemus. De solutis eloqui non est opus: quare de secundis hæc unice occurreret sermo. Jam supra vidimus inter Tubulos ac Vermiculos utique plures esse pseudoparasiticos; at quoniam tunc nobis non bene perspectæ erant id genus Testæ; hinc non diu immorati sumus in illis definiendis: at quum inter tot ac tam varias Nautilorum & Hammoniarum species, ut diximus, solutas ac liberas adsint etiam innumerae aliae polythalamiae Testæ in Hammoniarum morem conformatae, quæ nunquam vivunt nisi arctissime extraneis corporibus adhaerentes, hinc operæ pretium erat de hisce minus notis *Conchylis* fusius disserere & aliquam super his explicationem præmittere.

Quæ sint hujusmodi Testæ pseudoparasiticae comperiemus ex iis, quæ passim in præsentī capite vel in Vasculariis collecta vel in tabulis expressa jacent; ac clariùs adhuc patebit ex sequentibus vasculariis 219, 220, &c., & præcipue ex tabulis ad ea spectantibus, ubi repræsentantur quaedam Testæ polythalamiae, quæ ob quamdam quam præseferunt cum veris Hammoniis similitudinem, *Pediculi hammoniformes pseudoparasitici* salutantur; in iis enim, quoniam depicti fuere secundum utramque faciem, videtur facies una, quæ nobis superior erit, elatior, in qua nempe thalami in morem tuberculorum elevati ac rotundati quodammodo apparent; altera inferior complanata est ac laeviuscula, quæ scilicet constantissime inhaeret alienis corporibus, & cum illorum superficiebus quodammodo conformatur. In superiori quidem conspicitur spiralis linea, quæ potissimum in causa est cur has Testas ad Hammoniformium genus amandemus. Inter Conchulas etiam bivalves suo loco videbimus adesse aliquas pseudoparasiticas, quæ nempe constantissime adhaerent petrobriis ac zoophytis, sed tamen diverso modo ac Tubuli & Hammoniae;

moniae; Conchulae siquidem ad cardinem tantum uniuntur extraneis corporibus in morem Ostreorum, quae dicuntur *Gaideropoda*; hae verò nostrae Testae hammoniformes fixae manent secundum totam unam superficiem, ut ex tabulis innotescit.

Caeterum magni facimus hujus generis Conchylia pseudoparasitica; Nam praeter quam quod pauci sint Auctores qui de his Corpusculis egerint ex professo, nullum est fortasse validius aut aptius argumentum ad terrestres hujus corticis, sive plurium vallium ac montium originem detegendam quam illud quod, generatim loquendo, ex pseudoparasiticis Testis depromitur; sunt enim plura in Hetruria loca, ut ex secundo Tomo videre est, in quibus strata calcarea, praesertim ex lapide vulgò *travertino* conflata, quamvis non contineant Pediculos hammoniformes, tot alia tamen pseudoparasitica Conchylia intra se claudunt, ut vel haec argumento esse possint, rupes illas marmoreas non esse ex Cataclysmo quocumque, sive ex temporanea alluvione orta, sed per longa temporum intervalla, ac non nisi post magni oevi spatium fuisse progenita, eo fere modo quo sensim & successivis perpetuis temporibus gignuntur strata subaquosa, scopulique, ut ita dicam, testaceo-zoophytici in Adryatico mari ac Mediterraneo, in iis praecipue locis ubi Corallia, caeteraque zoophyta cum nostris pseudoparasiticis Testis ubertim degunt.

## VAS CC.

Tab. 64. M-T. Tab. 65. V-Y.

Testae hammoniformes seu *lituitatae* semilunares num. centum minusculae, & in hac specie maximae, non tamen excedentes unius lineae longitudinem. Sunt Exuviae Marinorum Vermium complanatae, polythalamiae thalamis ad oculos quasi linearibus, revera leviter canaliculatis vel costatis, recurvis, regulariter decre-scentibus quousque in spiram veluti in apicem rotundatum desinant. Sunt colore semper albo-calcareae non nihil ad unionem vergentes, praesertim microscopio inspectae. Quamvis plerumque semilunarem, vel etiam cordis figuram affectent in spiram conformatam; harum tamen aliquae irregularem prorsus structuram habent, triangularem nempe, recto-elongatam, lituitatam &c. Earum formam regula-

rem exhibent literae M & Q; irregularem verò reliquae. Excipe tamen Y Testam ejusdem, ut videtur, speciei ac reliquae, sed quae sensim veri Litui formam induit.

Plures ex his Testis hammoniformibus videntur quamdam praeseferre similitudinem cum Lituis fossilibus, quos dedimus in *Sagg. Oritt.* App. tab. I. lit. A, B, C; & tab. XVIII. lit. R; vel cum iis, quos iterum insculptos in hoc Volum. supra exhibuimus in tab. 55. Ast illi fossiles ventricosiores sunt, marginati, pellucidi quasi vitrei, durioris corticis, & harum respectu fere gigantei, ac tandem profundi maris indigenae. Hae verò semper albissimae, nunquam pellucidae aut marginatae, fossilibus illis multo minores, & superiorum ac penae superficialium Maris locorum incolae. Hinc hae Testae hammoniformes facile ab aequoreis undis rejiciuntur ad littora, ubi affatim colliguntur; dum

interim ne unam quidem earum, etsi durioris substantiae sint quàm Frumentaria, mihi unquam concessum est ex ipsis terrae locis colligere, in quibus nec ipsa desunt Frumentaria, aut etiam Testae graciliores. Haec animadversio non eas tantum hujus Vasis Testas respicit, sed fere universam praesentis Capitis Familiam.

Reperiuntur in fundo maris ad Portum Ferrarium & Liburnensem, uberior in Portu, qui est in Insula *del Giglio*, & in Concretionibus Zoophyticis diffractis & aqua dilutis.

### VAS CCL.

Tab. 65. Z. aa, bb.

Testae hammonif. lituitatae n. 350, compressae, albo-argenteae, quae etsi ad genus praecedentium pertineant, tamen magnitudine (sunt enim adhuc minores), & saepe etiam figura differunt; earumque non nullas diversitates expriment literae Z, aa, bb. In fundo maris Thusci, & in litore inter arenulas in l. d. *la Follonica*.

### VAS CCII.

Tab. 65. cc-ff.

Exuviae Marinorum Vermium n. 12. tum colore albisimo, tum substantia, tum etiam forma praecedentibus similes. Eaedem fortasse quas Janus Plancus in libro de Conchis minus notis pag. 94, 95. vocat *Semilituos*, seu *Cornua Hammonis in longum porrecta ad lituum accedentia*, quae incusa dedit ibi Tab. I. fig. X lit. O, P. Ex nostrarum iconum inspectione facile patet hasce Exuvias a praecedentibus non differre, nisi quod praeter partem cochleatam, insuper appendicem in rectum protensam ostendant, qua fit ut a figura semilunari, quam communiter habent, quasi per gradus ad *Lituum* vel *Semili-*

*tuos* accedant, ut observare est sub lit. Y. &c. Tab. 65. Itaque literae dd, ee, ff *Lituos veros* expriment plus vel minus articulos; quorum dd & ff sunt laeves; alter, qui est rarissimus, ee striatus striis frequentissimis longitudinalibus. Magnum tamen discrimen est inter has nostras & quasdam Hammonias lituitatas quarum specimen dedimus in Vase 176., quia nempe hae nostrae, in praesenti Vasculo clausae, admodum compressae & albisimae natura sua sunt; illae verò ventricosae, majori cavitate praeditae, & ex substantia quasi crystallina aut vitrea, prout fusius in sequenti capite, ubi de Orthoceratiis crystallinis compressiusculis disseremus. Ibi.

### VAS CCIII.

Tab. 66. gg-kk.

Testae hammonif. semilunares lituitatae, quae quamvis mediae magnitudinis ac microscopicae, tamen n. 350 unius grani pondus non superant. Generatim loquendo sunt compressae ac complanatae, albo-argenteae, nunquam diaphanae, & figura praeditae quam habent literae gg, hh, &c.

Fundum aquae petunt, vel ad summum sunt quasi natantes respectu arenularum, cum quibus semper admixtae sunt; ideo aliae ab aliis ejusdem magnitudinis ac levitatis marinis corpusculis separantur, attramen difficillime, artificio, quod paulo infra describemus ad Vas 206. Hujusmodi Testae erant in diversis Vasculis recondendae, non solum confusionis virandae gratia, sed quia hoc singulare habent, ut pro diversa magnitudine diversam habeant figuram. In litore maris l. d. *la Follonica*, ubi inter arenulas latitant copiosissime.

### VAS CCIV. Tab. 66. L. ll.

Testae hammonif. semilunares litui-



tatae minusculae ac microscopicae, figura ut praecedentes, sed diversimode coloratae, vel thalamis alternatim albis & nigris, sive iis prius vacuis deinde materia nigra oppletis; quod etiam in Frumentariis aliquando evenire solet, ut suo loco videbimus. Inde inferendum, quod quamvis in his aliisque similibus marinis corpusculis nullum os vel rimula pateat, tamen possit ac debeat in illis, velut in propriis domunculis, animal vivere; Si enim aliquando extranea substantia implentur internae cellulae quin testa ullam omnino extrinsecus subeat mutationem, multo magis animalcula ibi degentia suas exercere functiones poterunt absque ullo visibili foramine. Inter alias id genus Testas adest & Nautilus, quem hic exacte delineatum volui sub lit. L, ut ex tribus prioribus dissepimentis naturaliter disruptis vacua loculamenta interna prodeant. In fundo maris, & in conch. zooph.

## VAS CCV. Tab. 66. mm.

Testae hammonif. num. 40. *semilunares lituitatae*, minutae, margine radiato aut dentato, vel crenato. Melius earum figura sub lit. mm quam verbis exponi potest. Rarissimae in Portu Liburni, minus rarae in littore maris l. d. la Follonica: sed de his consule Vas sequens. Hujusmodi Testae inter fossiles nunquam a me repertae, sicut nec sequentes.

## VAS CCVI.

## Tab. 66. nn-pp.

Exuviae marinorum Vermium praecedentibus similes, microscopicae; seu Litui summe depressi, margine vel limbo crenato, dentato, aut diversimode aculeato vel radiato. Sunt Testae polythal., saepe margarytaeae vel coloratae, in utraque parte aequae compressae. Omnes ex uno eodemque loco

d. la Follonica ex arenulis minimis, inter quas latitant, excerptae. Interim ex his aliae integrae sunt, & figura eadem praeditae qua praecedentes: Aliae ex parte consumptae, unde perbellae ac diversimode radiatae apparent, ut in lit. nn, oo &c. Haec tamen figura non est hisce Lituis naturaliter insita, sed potius ex quadam externa causa, & quidem sub dio agente, dependet, quum sic radiatae Testae raro in fundo maris, frequentissime in littore Tyrreni maris reperiantur. Si harum Testarum varietates singulae exhiberi voluissent, omnium num. 600 in hoc vase contentarum describerentur icones oportuisset, pro quibus Tabulae 48 vix fuissent satis.

Si quis verò curiosius inquireret, quomodo tanta Testarum minimarum collectio facta sit, respondemus, id summae fuisse industriae ac difficultatis opus; Nam omnes excerptae fuere ex arenulis ferè microscopiciis, artificio quod hic exponam. Primò, arenulae illae per cribra separantur ab omnibus corpusculis paulò majoribus, item ab aliis minoribus, nempe prorsus microscopiciis minimisque. Secundò arenulae ita separatae in aquam infusae horizontali quasi vorticoso seu turbinato motu agitentur; quo concepto, utpote graviore, fundum petent, dum è contrario Testae nostrae leviusculae supra aquae superficiem se se attollent: hae tunc in aliud vas cum aqua ipsa transfundantur. Tertiò haec miscellanea arcfacta per inclinatam papyrum vel tabulam ligneam excurrant, quo fiet ut, subrotundis ad ima labentibus, leviuscula ac complanata corpuscula scabrae superficiei adhaereant. Quartò ex his super laevigatissimam superficiem praesertim nigram impositis, ac lenticula conspectis, penicillo singulatim Testae secerni, ad plura etiam millia, poterunt. Haec separandi ratio pro aliis

etiam planiusculis ac levibus corpusculis maris nativis aut fossilibus aequae valet.

## VAS CCVII.

Tab. 66. 99.

Ad praedictam speciem spectant Testae hammonif. duae microscopicae (una exhibetur sub lit. 99.) colore margaritaceae, perfecte clausae, quae in hoc a praecedentibus differunt quod striae a puppi in marginem extensae in acutissimos aculeos regulariter desinant, qui semicircularem testae partem circumdant & contegunt. Ideo separatas collocavimus quia quum aliae omnes praecedentes sint ex littore maris collectae, hae duae tantum in fundo pelagi, nempe in Portu Insulae d. del Giglio unice inventae sunt.

Interim certum est Hammonias hasce sive Litos nunquam fuisse naturaliter circumradiatos vel aculeatos, sed hanc pervenustam miramque varietatem oriri ex consumptione marginis, quam acidorum praesertim actio produxit. Ex hac observatione patet, quanam sit in his Testis interna figura thalamorum, seu cellularum; quae nempe ejusmodi sunt, ut singulae ad marginem usque decrecentes veluti in aculeos ad eandem partem intortos desinant. Ex ipsis aculeis & radiis facile etiam evincitur, mutationes, quae in his Testis frequenter occurrunt, non ab undarum & arenularum confractione pendere, sed verosimilius ab acido quodam delicatorem testae partem consumente.

## VAS CCVIII.

Tab. 67. 11. 55.

Vasculum praesens continet Exuvias Marinorum Vermium, seu Hammonias generis superius descripti, sed formae a praecedentibus non nihil diversae, & ut ita dicam, irregularis; nam

in aliquibus Testis vel variae exurgunt species, vel in eadem specie lussisse Naturae dicenda est. Varietates nonnullae prostant sub lit. 11, 55. In fundo maris.

## VAS CCIX.

Tab. 67. 11-17. Tab. 68. A-G.

Exuviae albae irregulariter lituitatae. Sunt Testae polythalamiae, in quibus licet spira non ita conspicua extrinsecus appareat, tamen cum iis quae prostant in Vase 101 magnam habent similitudinem, ideo a lituitatis Testis nullatenus separandae. Optime insculptae habentur sub literis 11, 111, 1111, &c. Verumtamen 11 est verus Lituus mole minimus, sed thalamis frequentissimis, & quatuor novissime depictis in tab. 67 tum substantia cum figura valde perimilis, quibus necessario addendum erat. Magis adhuc irregulares se exhibent Testae tab. 68 sub A, &c, cum Frumentariis nostris, vel Linnaei Seminulis, aut Modercii Sitomoijs facile confundendae. Omnes in fundo maris.

## VAS CCX.

Tab. 68. D-F. Tab. 69. G-K.

Aliae Exuviae consimiles praecedentibus, albae, polythalamiae, sed thalamis aut dissepimentis magis irregulariter procedentibus, ita ut nisi essent summe depressae, eas facili negotio ad Frumentaria amandaremus. Has videbis sub lit. D, E, &c. tab. 68. ac 69. Si cui tamen lubeat omnia in hoc vase comprehensa referre ad ipsa Frumentaria Capitis IX, non repugnabo; hoc tantum animadvertam, quod plures ex his Testis irregulariter polythalamiae, vel etiam in spiram convolutae, duae praecipue, quae prostant in Tab. 69 sub lit. I, K, sive substantiam albo-calcaream sive figuram respicias, aut sunt

prorsus Frumentaria, aut ultimum veluti constituunt annulum, quo ipsae Hammoniae, saltem lituitatae & coloris albi, arctissime cum quibusdam Frumentariis uniuntur, & unam quodammodo, eandemque speciem conficiunt. Ex quo magis magisque elucet, omnia, praesertim organica, corpora ita esse a natura conformata ut ab uno ad aliud genus sive ab una ad aliam speciem quasi per gradus insensibiles transcant.

## VAS CCXI.

Tab. 69. L. M. Tab. 70. N-S. Tab. 71. T.

Testae hammonif. *plano-cochleatae*, *tuberosae*, *articulatae*, minusculae vel etiam minimae (sic vocamus Testas polythalamias substantia osseas vel albo-calcareas): omnes quidem ex una parte sunt complanatae, in qua fere semper conspicua apparet spiralis linea velut earum characteristicum nota, qua ab aliis omnibus marinis corpusculis distinguuntur, & in sup genere determinantur; ex altera diversimode tuberculatae tuberculis inaequalibussaepe irregularibus & irregulariter positus, geniculis insculptis ac mirum in modum variatis. Eo quod sint polythalamiae cochleatam figuram affectantes in album Hammoniarum recensendas putavi. Hoc Testarum genus id etiam habet singulare, quod ex his plures ea parte, qua complanatae sunt, olim adhaesisse videantur fruticibus vel aliis corporibus, quibus tandem maceratis vel alio modo consumptis, in fundo pelagi subsidentes, praecipue in portu Liburni, solitariae reperiuntur. Sed alia adsunt in hac collectione marina corpuscula (quae pseudoparasitica vocari possunt) constanti lege extraneis corporibus adhaerentia, ut infra.

Quae in hoc Vasculo continentur Hammoniae sunt nonnihil rotundatae, & praecedentibus quodammodo simi-

les, nisi quòd tubercula elevatiora magis insculpta, & irregularia habeant; quorum unum vel plura, veluti apophyses vel appendices, si Testae integrae sint, aliquando cochleatam partem vario modo circumdant & contingunt; prout ob oculos ponunt Tabulae 69, & 70.

## VAS CCXII.

Tab. 71. V-aa. Tab. 71. bb-gg.  
Tab. 73. hh.

Testae hammonif. num. 12 insigniter tuberculatae minusculae vel etiam grandiusculae, subrotundae, ex una parte irregulariter tuberculatae, tuberculis intus vacuis ac dispositis in spiram superius inconspicuam; ex altera verò, sive inferius complanatae ac spira fere semper visibili, in quam tubercula vel apophyses sensim decrescentes tandem desinunt.

Omnes videntur integrae: at si quae sit naturaliter disrupta, ut accidit sub lit. Y, ibi priora & majora tubercula in sinistra facie, quum se se exhibeant vacua, & cum caeteris, ut videtur, communicantia, testam esse polythalamiam seu concameratam ostendunt. Interea in hujus Testae parte dextera foraminosa duplex canaliculus in primo tuberculo & unus in secundo ingerere dubium posset, an haec tubercula ad eandem Testam pertineant, an potius ipsi adventitia sint. Nos itaque ab observationibus edocti & haec duo priora tubera unum idemque cum reliquis thalamis organicum corpus conficere absque ulla haesitatione credimus.

Quae delineatae prostant in tab. 71, ac duae priores in tab. 71, liberae ac solitariae Testae videntur ac sunt: ceterae verò omnes se se ostendunt parasiticas. In fundo maris, nunquam in litore.

## VAS CCXIII.

Tab. 73. ii-*nn*. Tab. 74. *oo-ii*.

Aliae n. 12. Testae hammonif. minusc., ejusdem speciei ac praecedentes, tuberculatae, tuberculis nempe in superiori superficie insigniter & irregulariter protuberantibus, ex altera verò, qua, ut videtur, viventes tamquam parasiticae inhaerebant fruticibus vel aliis in mari corpusculis, sunt planiusculae ac leviter cochleatae. Ibi.

## VAS CCXIV.

Tab. 75. *vv-B*. Tab. 76. C-E.

Aliae n. 12. Testae hammoniformes maxime tuberculatae vel canaliculatae, ex una tantum parte cochleatae; mediae magnitudinis, figura ut exprimunt praedictae Tabulae. Ibi.

## VAS CCXV.

Tab. 76. F-H. Tab. 77. I-O.

Tab. 78. P-V. Tab. 79. X.

Testae hammonif. minusc., in longum protensae, tuberculatae, tuberculis vel canaliculis ex una parte irregularibus, ex altera in spiram visibiliter desinentibus. Ibi.

## VAS CCXVI.

Tab. 79. Y-*cc*. Tab. 80. *dd-ii*.

Aliae num. 12 Testae hammonif. praecedentis speciei, nempe elongatae insigniter tuberculatae vel papilloae, & ex parte alia planiuscula cochleatae. Ibi.

## VAS CCXVII.

Tab. 81. *kk-pp*. Tab. 82. *qq-xx*.

Aliae Testae hammonif. num. 12, ut praecedentes, elongatae, vel triangularatae, semper tuberculatae tuberculis utraque parte valde conspicuis atque

distinctis & ita irregulariter positis, ut in superficie complanata spiralis linea vix conspicua sit, prout indicant Tabulae 81, 82, sub *kk*, *ll*, &c. In his omnibus dextera facies innuit superiorem testae partem tuberculis elatioribus ac tuberculis redundantem, quae plerumque foraminosa est foraminulis minimis: sinistra verò exprimit eam inferiorem testae partem planiusculam, quae constanter adhaesit jam extraneorum sub mari corporum superfici. Hujusce adhaesionis exemplum luculentius praebet figura *pp*, in qua pars, quae plana est, adhuc rudimenta herbulae vel marini fruticis continet. Insuper in eadem priori facie unus saepenumero vel plures eminent canaliculi, ut in *mm*, *nn* tab. 81, aut *ff*, *tt* tab. 88, vel etiam clarius in *yy*, & *zz* tab. 83, qui sane canaliculi, quum omnes ex disruptis tuberculis orti minime videantur, nescio cui nam bono vel usui Animalculi in hac Testa degentis inservire unquam potuerint. Interim certum est plures ex his hammoniformibus Testis quocumque canaliculo aperto vel consimili foramine, saltem visibili, prorsus carere. Quae res aequè patet in sequentibus Pediculis hammoniformibus.

Tandem icon *oo* praesentis tabulae 81 forte ad Pediculos hammoniformes non pertinet, sed ad quasdam alias Marinorum Vermium Exuvias, quas dicimus *Papillosas*, quasque ad Dubia & Incerta Capitis X. hujus Voluminis amandamus. Hae igitur Testae *Papillosae* sunt parasiticae, rotundae, planiusculae, vitreo-lucentes, praesertim dum recens natae, & in parte superiori constant papillis minutis, frequentissimis, ferme inter se aequalibus, & rotundis. Hinc patet discrimen inter *Papillosas* Testas & hanc nostram sub *oo* designatam, quae nempe albo-calcareo semper est, non rotunda sed

quasi triangularis habens superiorem faciem tuberculatam tuberculis irregularibus, inferiorem verò laevem, concavam & ad marginem leviter crispatam. Attamen haec triangularis Testa jure merito sumi potest velut medium quid inter Corpora *Dubia papillosa* & Testas nostras hammoniformes. Omnes ex Portu Liburnensi erutae.

## VAS CCXVIII.

Testae hammoniformes tuberoso-tuberculatae pseudo-parasiticae, ut praecedentes, quae, attento natali loco, *Pinnarum Pediculi* apud nos audiunt. Sunt enim omnes divulsae ex scabra externa superficie utriusque Testae, quae Pinnam, Conchae bivalviae genus, conficiebat.

Quisque noscit, extimam Pinnae partem esse sinuosam ac valde prominulis rugis plus minusve crispatis ac flexuosis, & aliquando in cuculli morem conformatis, & veluti squamulis instructam, & aculeis innumeris exasperatam: in hisce verò plicaturis tum in convexa tum in earum concava parte, tamquam in propriis locis, inhaerentes vivunt plures diversi generis Testae pseudoparasiticae. Aliqua subinde sunt in mari loca plerumque limosa, quae Pinnae fovēt & alunt: haec verò modo unam modò aliam harumce Testarum minutarum speciem continent.

Quum igitur ad me delata esset, non quidem ex Portu ferrario, sed ex ignota maris plaga, Pinna quaedam, cujus longitudo 20 pollicum, latitudo novem circiter; quumque ejus valvae exterius quam maximè scabras crispatasque, ut moris est, ac multis filamentis, de quibus in secunda hujus Voluminis Parte, adspersas & involutas cultro diligenter abraissem; ramenta ex illis protulit non minus quàm decem supra mille dederunt Pediculos hammoniformes

parasiticos, non omnes tamen integros, sed maxima ex parte adhuc ramentis ipsis seu exterioribus Pinnarum squamulis adhaerentes; quos in hoc & duobus sequentibus Vasculis ideo collocandos statui, ne cum praecedentibus ex fundo niaris, nempe ad Portum Liburni, erutis confunderentur. Qua in re non tantum summam Naturae in id genus corpusculis ubertatem, quàm eorumdem varietatem mirari possumus; siquidem varietas in his tanta est, ut vix eorum unum alteri per omnia simile reperiat. Quot ergo requirerentur tabulae ad omnes omnino horum Pediculorum diversitates exprimendas! In sequentibus seligemus nonnullas in ære incidendas.

## VAS CCXIX.

Tab. 83. 84. 85. 86. 87. 88. 89.

*Pediculi* num. 44 ex praecedentibus selecti, quorum figurae exprimuntur in tab. 83, & seq. Ex his omnibus facile colligitur, has Testas Polythalamias, quae hucusque ob quamdam formam in spiram convolutam, saltem in una planiori parte conspicuam, merito fuerant in albo hammoniform. collocatae, degeneres fieri, ac tam irregulares sensim evadere, ut ad quaedam alia sui generis Conchylia, & quidem ab Hammoniis diversa, pertinere videantur. Imò si figuram non substantiam spectes, earum nonnullae proxime accedunt ad quasdam Marinorum Vermium Exuvias, quas in cap. Decimo hujus Voluminis appellamus Corpora *Pseudoparasitica rotunda papillosa, papillis nitentibus*.

Erant autem plures ex his pro utraque facie delineandae; nam aliae ex parte planiuscula lituiformes sunt, ex altera tuberculatae tuberculis subovalibus, non ita regulariter positae ut in Lituis, prout videre est in V tab. 86.

Quis aspiciens dexteram tantum faciem iconis Y tab. 86, sibi persuadebit Testam ipsam ex altera facie in spiram contorqueri? Interim quatuor novissimae Icones tab. 87. & illae quae prostant in tab. 88 omni earent spira.

## VAS CCXX.

Tabulae 90. 91. 92.

Pediculi alii selecti, qui omnes actu innituntur fragmentis ipsis squamarum, quae Pinnarum exteriores valvulas undique contegunt, quasque per abrasionem, ut supra ad Vas 218 notatum est, comparavimus. Alii ex his Pediculis in ipsa abrasione a Pinnis divulsi, solitarii deciderunt; alii verò adhuc Pinnarum rugis & plicaturis adhaerent.

Haec obiter notatum volumus quod Pinnae partieuia cui insidet Pediculus, ut ad lit. a in fig. xx Tab. 90, & in aliis passim, peculiarem exhibet sui conformationem, quae est huiusmodi, ut saepe ex filamentis exilissimis juxta crassitiem dispositis ipsamque coaequantibus coalescat. Quae sane animadversio demonstrat non tantum ipsius Pinnarum testae structuram longe diversam ab illa, quam habent caetera Conchylia, sed etiam non levem nobis opem feret pro detegenda natura quorundam Corpusculorum, quae, ut apparebit in hujus Tomi cap. X, audiunt *Acus crystallinae, breves, pellucidissimae*.

## VAS CCXXI. CCXXII.

Praecedentium omnium in hoc capite contentarum specierum Hammoniae, minusculae, mediae, ac minimae, quae praesertim post hanc peractam collectionem in diversis Tyrrheni maris locis

inventae ad manus nostras pervenerunt, quum num. sint non minus quam 166, totidem ferme suppeditare potuissent Testarum hujus generis varietates. Ex his paucas seligemus ad sequens vas transferendas.


VAS CCXXXIII. Tab. 93. *kk-rr*.

Testae hammoniformes selectae, & aliae quarum schemata exhibet Tab. 93, in qua 00 est Hammonia pellucida quinque thalamis constans: *pp* est Nautilus subglobosus minimus pro utraque facie depictus, nec multum dissimilis ab eo fossili qui describitur sub lit. *nn* in tab. 19 hujus Voluminis: *qq* est lituus rarus: *rr* an Orthoceras levissime striatum, minime integrum?

Quoad verò priores hujus tabulae *kk*, *ll*, *mm*, *nn*, leones, quae praecedentium Pediculorum genus respiciunt, juvat non semel animadvertere, Testas hasce esse natura sua osseas, sed sub aqua maris sensim fieri albo-calcareas, ac tandem destrui: quod fortasse in causa est, cur nunquam aut raro admodum inveniantur fossiles. Caeterum ex his Testis aliae sunt laeves & quasi pellucidae: Aliae foraminosae foraminulis minimis tantillum intra testae substantiam incavatis: Aliae papillosae papillis exilissimis & supra testae superficiem non nihil assurgentibus; quibus sane fit, ut Testae id genus pseudoparasiticae aliquando sint extrinsecus scabrae. Hae duae novissimae proprietates, quae raro in solitariis, minus raro reperiuntur in parasiticis Testis, frequenter occurrunt in Tabulis praecedentibus: quae res Animalculorum minimorum scrutatoribus summo opere observandam se sistit.


EXPLICIT TOMI PRIMI PARS PRIMA.

CAPUT VI.











*Cochlea*

Tab. 1.



V. 1.



V. 2.



V. 2.



V. 4.



V. 4.



V. 5.



V. 3.



V. 6.



V. 5.



V. 5.



V. 7.



V. 8.

*C. Sanctus del et f.*



*Cochlea*

Tab. 2.



*C. Sanctus fec.*



*Gochlea*

Tab. 3



V.24.



V.22.



V.23.



V.24.



V.25.



V.26.



V.27.



V.28.



V.28.



V.29.



V.29.



V.29.

*Cyruſ, Sanctus A.C. del. et ſcul.*






*Cochleæ*

Tab. 4.



*C. Sanctus deli et fe.*







*Cochlea-*

Tab. 6



V. 46.



V. 47.



V. 47.



V. 48.



V. 48.



V. 49.



V. 50.



V. 51.



V. 51.



V. 52.



V. 54.



V. 55.

*C. S. deli et fe.*



*Cochlea*

Tab. 7.



*C. S. del et sc.*





*Cochine*

*Tab. 8.*



*C. Sandus del. et fecit.*



*Table*

*Tab 9*



V.66.



V.66.



V.66.



V.67.



V.69.



V.69.



V.70.



V.71.



V.72.



V.72.



V.73.



V.73.

*C.S. de. d. f.*



*Cochlea-*

*Tab. 10.*

ss



V.75.

tt



V.77.

uu



V.77.

xx



V.77.

yy



V.79.

zz



V.80.

A



V.80.

B



V.80.

C



V.80.

D



V.80.

E



V.80.

aa



V.80.

*C. S. deli. et scu.*



*Cochlea-*

*Tab. 11.*

*bb* V. 81



*cc* V. 81



*dd* V. 81



*ee* V. 81



*ff* V. 81



*gg* V. 81



*hh* V. 81



*ii* V. 81



*kk* V. 81



*ll* V. 81



*mm* V. 81



*nn* V. 81








*C. S. del. et sc.*






*Gochlue-*


Tab 12.





*Cyprus S. deli. et. sc.*



















*C.S. deli et sc.*







V. 104.



V. 105.



V. 105.



V. 106.




V. 106.




V. 107.

C. Sanctus del. et sc.











*C. S. deli et scul.*
















*Cochleae*

*Tab. 21.*












*Patella*

Tab. 23









Ves. 125.



V 126



I




V 127

K



V 127

L




M



V 128








*Tubuli ac Vermiauli*


*Tab. 26.*






*Tubuli ac Vermiculi.*

*Tab. 27.*



*C. S. del. et fecit.*





*Tubuli ac Vermiculi*

*Tab. 28.*

V. 138.

V. 138.

V. 138.

V. 139.



B



C



V. 139.

V. 140.


K

D



F

V. 141.





V. 142.

V. 142.

G

H





*Tubuli ac Vermiculi*

*Tab. 29.*

Vof 142.




I



V. 143.

K



V. 143.

L



V. 143.

M



N

V. 143.



O

V. 143.



P

V. 143.



Q

V. 143.





*Tubuli ac Vermiauli*

Vof. 143

V. 143.

V. 143.

Tab. 30.

V. 143.

R



S



T



V



V. 143.

X



V. 143.

Y



Z

V. 143.



aa

V. 143



bb

V. 143.



cc

V. 143



C. S. del. et scul.



Vaf. 143.

V. 143.

V. 143.



V. 145

gg

V. 145

hh




V. 145

ii

V. 145

kk







V. 145.

tl

V. 145.  
99

V. 145.

mm

V. 145.

nn

pp V. 146.

V. 146.

rr

V. 146.

ss

V. 145.

oo





CLASSIS SECUNDA

TESTACEA

POLYTHALAMIA,

AC ETIAM

UNILOCULARIA


MINIMA



V. 150.

V. 150.


V. 150.



V. 150.

V. 151.

V. 151.



V. 152.

V. 152.

V. 152.

V. 153.






*Nautili et Hammoniae*

Tab. 34.

V. 153.

V. 153.

V. 154.



V. 154.

V. 154.

V. 154.

V. 154.



V. 155.

V. 157.







*Nautili et Hammoniae*

V. 157.


Tab. 35.

V. 158.




V. 158.

V. 159.



V. 159.


V. 160.






*Nautili et Ham?*

*Tab. 36.*









*Nautilus et Ham.*

Vaf. 162.

Tab. 38.



G



V. 162.




H



V. 162.



I



V. 162.



K



L



V. 162.



M



V. 162.


*C. S. deli et fecit.*





*Nautili et Flam.*

Tab. 39.






*Nautilus Ham.*

Vof. 165.

V

V. 165.


Tab. 40



*C. S. del et fecit.*




Vaf. 165.




V. 165.


Tab. 41.



V. 165.




V. 165.




V. 165.

G



V. 165.


H





*Nautili etiam.*

*Tab. 42.*



*C.S. deli et scul.*






*Nautili et Ham.*

Vaf 166.

Tab 43.





*Nautili et Ham.*

*Tab. 44.*

V. 169.

aa



V. 169.

bb



V. 169.

cc



V. 169.

dd



V. 169.

ee




V. 169.

ff











*Nautili et Hammonias*  
V. 170.

Tab. 46.



V. 171.

pp



V. 170.

oo



qq

V. 172.




V. 173.

rr

V. 173.

ss







A V. 174.



B V. 174.



C V. 174.




D V. 174.



E V. 174.




F



V. 174.

G V. 174.



H

V. 175.



V. 175.

I





V. 175.

K



V. 175.

L



V. 175.

M



V. 175.

N



V. 175.

O




V. 175.


P




























V. 179.




V. 180.




V. 180.



V. 180.



V. 181.




V. 181.



V. 182.























*Testae fossiles*

Tab. 57.

Vof 189.



V. 189.



Tt

V. 189.



T

V. 189.



V

V. 190.



X

V. 190.



Y

V. 190.




Z

V. 190.











*Testae fossiles*

Tab 59

V191.



nn



V191.

oo



V191.

pp



V193.

qq



V193.

rr



V193.

ss



a V194.

tt



V194.

vv



b

c

d



*Tectae fossiles*

Tab. 60.

vof. 194.



xx



v. 196.



v. 196.



v. 196.



A



v. 196.



C



v. 196. B



v. 196.



D



v. 196. E






*Tesiae fossiles*

Tab. 61.

V. 196.




V. 196.



H



V. 197.



V. 197.



V. 197.



V. 197.



V. 198.




V. 198.



O














*Vas 199.*




























*Tylosis hammondiiformis*

Tab 68


V. 209.




V. 209




V. 209




V. 210




V. 210




V. 210

















*Hyalus hammoniformis*

Tab. 71.










*Testae hammoniformes*


Tab. 73.





*Testae hammoniformes*

Tab. 74









*Testae hammoniformes.*

V. 214.




V. 214.

xx




V. 214.

yy




V. 214.

zz



V. 214.

A



V. 214.

B




Tab. 75.




*Testae hammoniformes*

Tab. 76.

V. 214.




V. 214.




E

V. 214.




F

V. 215.



G

V. 215.



H

V. 215.






*Trochae hammoniformes*

Tab. 76.

V. 214.


V. 214.



V. 214.

V. 215.

V. 215.






*Testae hammoniformes*

Tab. 77.


Vaf 215

I




V 215

K




V 215.

L




M

V 215.




V. 215.

N



O

V. 215.








*Testae hammoniformes*

Tab. 78.






*Testae hammoniformes*

Tab. 79.


V. 215.

X




V. 216.

Y




V. 216.

Z




aa

V. 216.




bb

V. 216.



cc

V. 216.





*Testae hammoniformes*

Tab. 80.



dd

v. 216.



v. 216.

ee



v. 216.

ff



gg  
v. 216.



hh  
v. 216.







ii  
v. 216.



*Testae hammoniformes*

Tab. 81.





*Teslae hammoniformes*

Tab. 82.

V. 217.

qq



V. 217

rr



V. 217.

ss



V. 217.

tt



V. 217.

vv



V. 217.

xx








*Testae hammoniformes*

Tab. 83.


V. 219.

yy




V. 219.

zz




V. 219.

A




B

V. 219




C

V. 219.



V. 219.


D





*Tesiae hammoniformes*

Tab. 84.





*Testae hammoniformes*

v. 219.

Tab. 85.

v. 219.

L

M

v. 219.

O

N

v. 219.

v. 219.

P

Q

v. 219.



*Testae hammoniformes*


Tab. 86.

V. 219.




R.

V. 219.




S.

V. 219.




T.

V. 219.




V.

V. 219.



X.

V. 219.




Y.






*Testae hammoniformes*

Tab. 87.










*Testae hammoniformes*

Tab. 89.





*Testae hammoniformes*

Tab. 90.

V220. vv



V220. xx



V220. yy



V220. zz



V220. A



V220. B



V220. C



V220. D



V220. E



V220. F



V220. G



V220. H





1000

1000 1000 1000

1000 1000

1000 1000 1000



*Teslae hammoniformes*

V220.

Tab. 91.

V220.

I

V220.

K

V220.

L

V220.

M

V220.

N

V220.

O

V220.

P

V220.

Q

V220.

R

V220.


S

V220.

T

V220.

V



11

*Testes hammoniformes*

Tab. 92

V220<sup>o</sup> X



V220<sup>o</sup> Y



V220<sup>o</sup> Z



V220<sup>o</sup> aa



V220<sup>o</sup> bb



V220<sup>o</sup> cc



V220<sup>o</sup> dd



V220<sup>o</sup> ee



ff V220<sup>o</sup>



gg  
V220<sup>o</sup>



V220<sup>o</sup> ii




hh  
V220<sup>o</sup>




*Testae hammoniformes*

Tab. 93.



- 2 -

H-128









1000



